



ԱՏԱՆԵԿՈՒԹՅՈՒՆ

Հա՛յ իմ ծաղիկ նշենի,
դեղնեցար ու դարձար նուշ...

Ք ու չ ա կ

ՈՐՊԵՍ ՆԱԽԱՐԱՆ

Գարունը բացվում է, իսկ ես գրում եմ իմ պատանեկության մասին:

Այունհալն է մանկությունը, ապա ձնծաղիկն ու մանուշակը, իսկ պատանեկությունը վարարած գարունն է, վարարած կանաչները, վարարած ծաղիկներն ու վարարած արևը:

Եթե մանկությունը շոյում է, ապա ծափ է տալիս պատանեկությունը, եթե մանկությունը ժպտում է, ծիծաղում է պատանեկությունը, մանկությունը կապույտ է, իսկ պատանեկությունը կապույտն է ո՛ր ոսկին, կապույտ ու ոսկի...

Իմ ծափ և ծիծաղ, իմ կապույտ և ոսկի պատանեկություն. հիմա նա պայծառ է և հմայիչ, և այն, ինչ որ եղել է նրա մեջ դառնություն, արցունք և սև, լողում է իմ հուշերի արծաթ ու հստակ ջրերում...

Արծաթ և հստակ ջրերում սուզվեց իմ մանկության ոսկե մակույկը, և ես դուրս եկա պատանեկության ափը:

Դե, վերջ տանք այս զեղումներին, ես դուրս եկա վանից և բռնեցի Կովկասի ճանապարհը:

1. ՀՐԱԺԵՇՏ ՎԱՆԻՆ

Զգվում է լայն ճանապարհը, լայն ճանապարհի վրայով շարժվում է մարդկային մի անծայրածիր քարավան:

Դեպի Կովկաս:

Տատա բռնեց իմ ձեռքից և ասաց.

— Պան չկա: Իմ Գուրիսին տանեմ, աշխարհ տիսնա:

Զիու վրա մորեղբայրս կապել էր ուտելիք և մի սև յա-
փընջի, տատս վերցրել էր մի ջրի փարշ, մայրս՝ Սուրենին և
Խորենին, իսկ ես իմ դասագիրքը՝ «Մեղրագետ»-ը, ապա հորս
ատրճանակը, որի համար ճարել էի մի փամփուշտ:

Տատս կանչեց.

— Անուշ, վիրի օդի դուռ փակի՞ր...

Մորեղբայրս՝

— Ի՞նչ դուռ փակել, ինչ պան, խո՞ւր ի կերթանք...

Տատս ուշադրություն չդարձրեց.

— Փակի, պալնիս խան...

Մայրս իջավ սանդուղքներից և սենյակի բանալին հանձ-
նեց տատիս: Այդ րոպեին ես հանկարծ հիշեցի, որ աշխար-
հագրության դիրքը ավելի անհրաժեշտ է և պետքական, ինչ
որ մոռացել էի վերցնել: Ես դիմեցի տատիս.

— Մայրիկ, պալնիս տուր:

— Ի՞նչ կանես:

— Աշխարհագրության գիրք մոռցա...

— Զուգե՛, շուգե՛, — ասաց տատս:

— Զէ, պիտի առնեմ, — համառեցի ես:

Այդ րոպեին ես հանդիպեցի քնուս կատաղությամբ լեց-
ված աչքերին: Նա թողեց ձին, մեծաքայլ մոտեցավ և, առա-
ջին անգամ լինելով, մի ապտակ հասցրեց երեսիս, որից
ականջս դժժաց:

— Դաշնակցական նոր սերունդ, ի՞նչ կը զարկես, — լա-
ցախառն ճշացի ես, ապավինեցի տատիս, միաժամանակ հի-
շելով արմենական Սեպուհին, պարոն Մկրտչին, Ղևոնդ էֆեն-
դուն, ապա հնչակյան Արրահամ Բրուտյանին, Սուլախյանին,
Դանթոյնեց Կարապետին և որոշեցի, որ արմենականներն ու
հնչակներն ավելի ուժով են, քան...

Իմ բացականչությունը պետք էր որ զվարճալի լիներ,
որովհետև քեռիս, հակառակ իր բարկության, դուստ ժպտաց:
Թաղը դատարկվում էր:

— Շո՛ւտ արեք, ո՛ւշ ի...

Շրա՛խկ, — փակվեց մեր տան փողոցի դուռը, մեզ հա-
մար այլևս չբացվելու համար:

Այդ րոպեին բակից գիլ ու երկար կանչեց մեր աքաղաղը:

Ես երբեք, երբեք չեմ մոռանա նրա ձայնը, որովհետեւ ոչ մի աքաղաղ նրա նման չի կանչել:

— Զա՛ն, մեռնեմ էդ ձենիդ,— մրմնջաց տատս, և նրա խոսքերը միայն ես լսեցի: Ես նայեցի տատիս: Նա նայո՛ւմ էր դեպի կապույտ երկինքը, և նրա շրթունքները դողում էին, Երևի աղոթում էր նա:

Զգիտեմ ինչու՝ հիշեցի վանքը, աստվածամոր խունացած պատկերը.— վանքը դատարկ է հիմա, բայց առուն հոսելիս կլինի, իսկ վանքի այգում ծաղկել են դամբխները, ու խաղալիս կլինեն թիթեռնիկները:

— Վարագա սիրուն սուրբ Նշան, ճամփեն պարի անես...

— Փյութկու սուրբ Գևորգ...— արձագանքեց մայրս և հայտնի ըէ, թե ինչ բարեմաղթեց:

— Մե՛ք ոռնա, ուշ է,— նորից գոռաց մորեղբայրս: Ես նրան այնպես բարկացած չէի տեսել:

Մեր հանդիսավոր թափորը շարժվեց:

— Գուրիսին տանեմ աշխարհ տիսնա,— անհոգ կրկնեց տատս:

Փողոցի ծայրից ես մի անգամ էլ ետ նայեցի: Հեռվից երևում էր մայրիկանց տան տափակ կտուրը, ապա կտուրից-կտուր դրված փայտե սանդուղքի երկու աստիճանները:

Տատս սկսեց երգել, իսկ Այգեաստանը ողողվեց շառաշուն վերջալույսով:

2. ԸԱՆԴԻՊՈՒՄՆԵՐ

Գնում ենք անքուն և անդադար: Գաղթ է: Պետք է շտապել, որովհետեւ ամեն ընդե թշնամին կարող է կտրել ճանապարհը:

Ճանապարհին մի անտեր կով բռնեցինք. քեռիս յափնջին գցեց նրա վրա և Սուրենին նստեցրեց կովի վրա:

Խորենը չէր հոգնել, ոչ միայն չէր հոգնել, այլև քայլում էր առույգ քայլերով, կարծես այգի գնալիս լիներ:

Քսան քայլ շառած, կովը, անսովոր իր նոր դերին, խըրտնեց, Սուրենին վար նետեց ու յափնջին առած՝ փախավ:

Բարձրացավ ընդհանուր դժգոհություն։

Այնժամ քեռիս ասաց.

— Էսպես ճամբախ էրթալ շէլնե։ Իմեն մարդ ուր խամար։ Ամեն մարդ ուր պլխի ճար թող տիսնա։ Ապրելու, մեռնելու խնդիրն է դրուկ մեջտեղ, ջանքմ...

Ասաց ու գնաց, անհետացավ ամբոխի մեջ, բռնավորված ձին հետևից քաշելով։

Մայրս ետ նայեց, ձեռքը խփեց ծնկին.

— Աղբիւնին մոռցեր ենք...

Իրեաց Աղբիւնը։

Նա դալիս էր որպես ֆուրիա, մազերը գդգդված, ինչ-որ բան ուտելով։

— Աղբի՛ն, — կանչեց տատս։

Ճանաչեց մեղ, թե շէ, շգիտեմ, բայց նա նայեց սպառնական աչքերով, ձեռքը թափ տվեց, «դը՛-դը՛» արավ, կռացավ, մի բուռ հող վերցրեց, լցրեց իր բերանը և մեծաբայլ առաջ գնաց։

— Մայրիկ, Աղբին դո՞ր գնաց։

— Ճամբախ կիտի։ — Ոչ, նա ճամփան շգիտեր...

Մայրս և տատս ինչ-որ իրար նայեցին։

— Էն եթիմն դո՞ր գնաց, — անդրադարձավ տատս՝ ակնարկելով քեռու։

— Դո՞ր պիտի էրթա, — պատասխանեց մայրս, — չե՞ս տիսնա, մեր մանուկ ուրացե... շուն տեր չի ճանչնա...

— Անութի-ծարավ թողեց մե, — հուսահատ բացականչեց տատս։

Խուռն քարավանը հեասպառ և ուծասպառ առաջ էր վազում։ Ահա մի էշ, մի մեծ խուրջինով բռնավորված, խուրջինի երկու աչքերի մեջ մի-մի երեխա, 5—7 տարեկան, նրանք բարձրաձայն լալիս են, բայց աղմուկի մեջ չի լսվում նրանց ձայնը։

Հետևից գնում է ըստ երևույթին հայրը, քաջալերելով անասունին։

— Օ՛շ, օ՛շ, տո օշ, է՛...

Ձի, էշ, կով, եզ, մոլորված ոչխարներ, արարաններ, սայ-

չեր, ձեռնասայլեր, հետիոտն կին, ծեր, աղջիկ, տղա, մեր, մանուկ...

— Մեր մանուկ ուրացեր ի...

Գնում են և կանչում են իրար, կանչում են, կանչվում, հայհոյում, հորդորում, համոզում:

— Արմաղան...

— Ասպատուր...

— Բարունակ...

— Սաթենիկ...

— Տուր...

— Առ...

— Յավաշ...

— Խացին մույաթ կաց, խացի՛ն... շան ցինած...

— Մեռա՛վ... ամա՛ն...

— Քելի, քելի, վախտ չի... աստված հոգին լուսավորի...

Կիսախեղագարված մի սլառավ նստել է ճանապարհի եզերքին, անշնչացած թոռան դուխը դրկած, և երգում է ու լալիս, լալիս է ու երգում:

Աձու մ'եմ ցանե, սադա նարգիլ էր,

Իմ ձագին մեռնեմ, ազիլ-մազիլ էր...

Աձու մն'մ ցանե, սադա կարոս էր,

Իմ ձագին մեռնեմ, դարկված արոս էր...

Գաղթ: Փախ: Խուճապ:

Տատս բռնում է իմ ձեռքից, մայրիկը գրկում է Սուրենին, Խորենը նույն առույգ քայլերով գնում է առաջից, ու մենք շարունակում ենք ճանապարհը:

Երևում է մի ծիծաղկոտ կանացի դեմք և որովհետև ծիծաղում է, դժվար է ճանաչել նրան:

Բեյզադեն է, միշտ ծիծաղող, միշտ ուրախ հացթուխ Բեյզադեն...

— Օղի Խաթուն, Անուշ հանըմ, Ռուսաստան կերթանք... ա՛խ նի՛նա՛... տա՛րա՛նի՛նա՛...

— Տիրամոր յարեն ինի վերեդ, Բեյզադա, ի՛նչ սրտով կը ծծդաս:

— Քա ի՛նչ ի էլի... քե պոնեմ՝ ուխտ կերթանք... տան-տինա, տանանինա...

— Սև ուխտ, կապոտ ուխտ...

Տատս էր:

Այդ միջոցին կատարվեց մի զարմանալի բան. տատս արագ նետվեց Ճանապարհի մեջտեղ և, բազմությունը ճեղքելով, անցնող մի կառքի ձիերի դիմաց կանգնեց: Ձիերը ծառսեղան և կանգնեցին:

Կառքում նստած էր Արամ փաշան, երկու ղինված թիկնապահներով:

— Մերութեն եմ արի քե, Արամ փաշա, Սուրենին տիր գոքդ, տար... չի կանա քելե...

— Ճանապարհ տուր, սլառավ, շտապ դործ կա... Քշի՛, քշի՛...

Տատս մի կողմ քաշվեց կառքի տակ շրնկնելու համար, ապա թե պարզեց երկու ձեռքերը կառքի հետևից և անիծեց.

— Գյոռնադար դառնաս, բան չեմ ասե, վեր աստվորիս կան գաս...

Տատիս անեծքը հասավ ողջ «Դաշնակցության» 1920 թվից այդ կուսակցությունը սկան կուգա աստվորիս վերենս գյոռնադար դարձած...

3. ԳԻՇԵՐ ԵՎ ՀՈՒՇԵՐ

... Անցյալի հուշերը դառնորեն խոցեն...

Ն. Չ ա Ր Ե Ն Գ

Գիշեր, խավար, խավար: Շուրջը դաշտեր են, բլուրներ, քարածայուեր, ծառեր: Նրանք ճիվաղներ են թվում առասպելական, այլանդակ հսկաներ՝ ահավոր դեեր, հտպիտների բերանբաց, այլակերպ պարելիս, քրքջալիս, ծամածռվելիս: Ու մոմռալով առաջ է գնում բազմությունը, առաջ է գնում թառանշելով, հառաշելով, բառաշելով:

...Ինչպե՞ս եղավ, որ ես մենակ մնացի: Ի՞նչ ուժ իմ ձեռքը հանեց տատիս ձեռքերից... Չկան Անուշը, Սուրենը, Խորենը:

— Մայրի՞կ... Խորեն՞ն...

Ես չսեցի իմ ձայնը: Գնում եմ կարծես երազի մեջ, հիպ-
նոսիլած, շարժում եմ ոտներս, և թվում է, որ նրանք իմը չեն:

Աչքիս դեմ երևում են հրեղեն բծեր, — այդ հոգնությունից
է, անքնությունից և քաղցից:

Ես ընկնում եմ ճանապարհի եզերքին:

•

Վաճճ է:

Ֆիդայիներն ու երիտասարդությունը դինվում են: Հսում
եմ Իշխանի ձայնը. Պետք է կռակել ներսից, իսկ դուսից
կգան մեզ օգնության... — տատս սե դուլպա է գործում. —
իճշո՞ւ ես տխուր մայրի՛կ. — Տատս սե դուլպա է գործում. —
դատաստանի տարին ի հասն, Գուրիս... — Պատից նայում են
դանազան մարդկանց նկարները, Գուրգեն, Վահան, Հրայր,
Դժոխք, քաջ Անդրանիկ ղեկավար... մշուշվում է Գարահիսար
լեռը, իսկ Տալվորիկը կրակում է, կրակում է ու երգում: Պա-
հարաններից դենքեր են հանում: Ահա քեռիս կոտորում է մի
մեծ կուժ, իսկ նրա միջից փամփուռներ են թափվում: Մայ-
րիկանց տան բակը լեցված է դենքերով. Բրավոնիկ, կարճ
Մոդել, Սիմիտ-Վիլսոն, Քուչուկ շափլի, Տասնոց, Մարթենի,
Ռերդանգ... Լոռթոյի խամբոն դենք է բաժանում:

— էս՝ քե՛...

— էս՝ քե՛...

— էտ տուր ըստեղ... էս՝ քե՛...

...Զեղեստ փաշայի դռանը պահակ կանգնած թուրք ա-
կյարները ներս են թողնում մի հայ լրտեսի: Մռայլ լսում է
նրան Զեղեստը:

— էֆենդը՛մ...

— Կամավորական խմբեր ուսաց բանակում... հետքեր
ապստամբության պատրաստության...

Զեղեստը ջղային ձեռքը խփում է սեղանին, և առաջին
գնդակը պայթում է թուրքաց դիրքերից Այգեաստանի վրա:

Նայում է բերդը իր դարավոր, քարե հայացքով, շարա-
գուշակ սոսափում են Այգեաստանի ծառերը, մի մարդ մռայլ
ստվերի պես անցնում է դիրքից դիրք, իսկ Այգեաստանի հյու-
սիս-արևելյան կողմում դառնում է փոռդարանի վիթխարի
հողմադացր...

...Դի՛րք է Սահակ-քեյի փոսը, դիրք է Համուդադի կշւան,
դիրք է Սուխու մեռչեն, դիրք է Շան-թադը: Օղակված ու
կրակված՝ կրակում է Այգեստանը:

Գարուն է, ձյունհալ ու ապրիլ:

— Վարագը մեր ձեռքն է, — ու նայում է Վարագա սարը
անսասան պահապանի պես:

Վարժապետանոցի ֆանֆառը, Կուշոյի շալկին ու Ասպա-
տուրի ղուռնա-նաղարեն անցնում են դիրքից դիրք, նվագում
են ու քաջալերում կռվողներին:

Կափամաջոնց փեսան՝ դոկտոր Սան-Ֆանին, կազմակեր-
պում է կարմիր-խաչ և հրավիրում է գթության քույր Պան-
րենց աղջկան և ուրիշ հայ կանանց: Հայ մայրերը շոր են
կարում, պաշար են տանում հայ քաջերին. միշտ ուրիշների
թուփունից օգտվող. Պոլսից Վան եկած Մոնշերը, հակառակ
իր երիտասարդության, փողոցների դռան վրա նստած շա-
փահասներին և ծերերին կռվի մասին խորիմաստ դատողու-
թյուններ է անում ու ամեն մի հաղորդագրությամբ՝ վեր-
ջացնում է «Մի կու՛թիդ տա՛ս»-ով: Բոշենց Սիմոնն ամեն
օր գնում է Շիրաքի կայֆեն թավլու է խաղում, իսկ երեկո-
յան տուն վերադառնալով, հավատացնում է իր կնոջը՝ Ծղ-
սարեթ հանրմին, որ, եթե տրվեց այսինչ դիրքը, շսեցի՛ն
նրան, սխալվեցին, եթե գրավվեց այնինչ դիրքը...

— Խմբապետին, նա՛խա, խասկցուցի, կլխի ինկավ,
գրավեց...

Իսկ հեռու տեղից նոր եկած կիսանորմալ, բնիկ վա-
նեցի Պաշո՞ւլը... — «Պաշո՞ւլ», — գոռում է նա, պառկած խըն-
ձորի ծառի տակ, ի պատասխան թուրքերի կրակոցներին. —
«Պաշո՞ւլ, քեռին կուգա, կայմակամ կելնեմ...»:

— Պաշո՞ւլ, ի՞նչ կա թագա...

— Քեռուց թելեֆոն կա... շրմընդըֆոով կուգա...

— Պաշուլ, ըստեղից շուր Ռուսաստան ինչքա՞ն ի...

— Տաս Վարագա սարի շափ...

Իսկ երբ զգում է, որ ձեռ են առնում՝

— Խաղար Վարագա սարի շափ... քո զուլալ մերը...

Բացվում է մի ծանր ու անձրևոտ օր. — Վարագը մերոնք տվին: Ու նայում է Վարագա սարը ահավոր թշնամու պես: Սառն է նայում և Կարմրվորա վանքը, Շուշանց գյուղը, Վարագա սարի դոգից:

Ծանր ու անձրևոտ օր: Կոշմար է իջել այդեստանների վրա:

— Ռա՛ֆ... — թնդանոթի մի արկ պայթեց Հուսյանենյ այգում...



Խրժ-խրժ, է՛յ Խրժ-խրժ: — Խելագա՞ր էիր, թե՞ հերոս, ես էլ չգիտեմ, բայց դու տասը օր և տասը գիշեր չքնեցիր: Երգելով խաղացիր մահվան հետ, երգելով բարձրացրիր վիրավորներին, իսկ երբ թաղում էին սպանվածներին, դու երգում էիր:

Վարդ մի՞ պացվի առավոտվա շաղերով,
Լեզիդ բալա, վարդ քաղեցիր մաղերով:

Իսկ տասներորդ օրը, ուշ երեկոյան, մի գնդակ ծակեց քո քունքը:

— Տղերք, — ասիր, — ձի զարկին, թե մեռա՞, ինչ կասեք ասեք. կը քնեմ. կը դարթնեմ... տասը օր ի չեմ քնե... վարդ մի բացվե... էն վարդը դուք քաղեք...

Ու մեռար:



Այդեստանը պաշարված է: Մի քանի կարևոր դիրքեր խլեց թշնամին: Ծովի վրա երևացին գյամիներ, սպիտակ առագաստանավեր. թշնամին օգնական զորք ստացավ. սև կաշժակի նման լուրը շրջեց տնից տուն: Իմ խումբը արտակարգ ժողով է հրավիրում. — հի՛-հի՛-հի՛, — ծիծաղում է Քոլոշոն: Վարդանը պահանջում է, նկատի առնելով մոմենտի լրջությունը, գոնե մի անգամ «Սև հողեր» ներկայացնել: — Հի՛-հի՛-հի՛, — ծիծաղում է Քոլոշոն: Ես կրկնեցի մի օր առաջ Պանտիշից լսած խոսքերը:

— Իրենք նետեցին այս կրակը, մենք մեր ուժերով չենք կրնար մարել, թող դնան իրենք ալ մարեն, ինչո՞ւ կսպասեն, սահմանեն անդին...

Իմ ծանրակշիռ հայտարարության ի պատասխան, Ոստանիկը՝ թմփլիկ Հոլոմուլոն, գլուխկոնձի է տալիս կարոսի ածուի մեջ, կրակելով մի... երևի թափանջա...

Ու կարևոր նիստը փակվում է:

... Գրաված շրջաններում գյուղացիներին թուրքերը չեն սպանում. նրանց երկար քարավաններով թույլ են տալիս, որ վան մանեն՝ սովամահ անելու համար բնակչությունը, ծունկի բերելու համար կուլոդներին:

— Հա՛ց, հա՛ց, հա՛ց...

Բացվում են ունևորների ցորենի և ալյուրի թաշիրները, մորթվում են մասնավոր—սեփական անասունները, արագ սպառվում է սլաշարը, և սովն ու մահը նայում են բոլորի աչքերից ներս:



Պաղջուրենց Սիմոնի կինը՝ Փառանձեմը, փախավ թուրքերի մեջ. ասին, որ թուրք սիրեկան է՝ ունեցելու կուրը հասնում է դիրքը, կռվող Սիմոնին: Սիմոնը դուրս է գալիս դիրքերից և կանգնում կես ժամ թշնամու համադարկերի առաջ: Ոչ մի գնդակ նրան չի դիպչում: Սիմոնն ստիպված ինքնասպանություն է գործում:

Սիմոն՝ն, ես քեզ տեսնում եմ մտքերի արնամշուշում...



Փոլատենց Օհանեսը, տասնվեց տարեկան մի տղա, թլնդանոթ հնարեց, փոքրիկ թնդանոթ, երկաթե փողով, շարժական լծակով, փայտե անիվների վրա: Իրենց այգում հավաքեց թաղի տղաներին՝ փորձնական դիտման, Գյուտարարը լցրեց նրա մեջ վառոդ, երկաթի կտորներ, ապա բերանը փակեց կլոր երկաթե սալով:

— Էդ պերա՞նն ինչի կը փակես,— հարցրեց Բաշոյենց Գասպարը՝ «կոլոն»:

— Որ ձեն տա,— պատասխանեց հնարագետ Փուլատենց Օհանեսը:

Երբ վերջացրեց նախնական գործողությունները՝

— Զատ գնացե՛ք, զատ կայնեք,— կարգադրեց նա:

Դիտողները հեռացան՝ մի մասը աջ, մի մասը՝ ձախ: Օհանեսը կանգնեց թոփի գլխին և լուցկին մոտեցրեց թնդանոթի փողի ստորին մասում բացված անցքին, փողի մեջ լցված վառոդամասին: Վառոդը ֆշշաց, թնդանոթը դողաց և կայծակի արագությամբ փողը ետ դարձավ իր շարժական լծակի վրա, ուղիղ դեպի գյուտարարը, և... պայթեց:

Բայց, ավա՛ղ, գյուտարարը չսեց, թե որպիսի՞ ահռելի ձեն տվեց իր ձեռագործ թոփը...

Մահը վայրկենական եղավ:



...Կամավորները մտան Վան:

Նազելին, մի մեծ փունջ ծաղիկ ձեռքին, խառնվեց դեպի հաշ-փողան շտապող բազմությանը:

Ես էլ նրա հետևից:

Հաշ-փողանի երկու կողմերը եզերող խիտ ծառերի պես կանգնել է բազմությունը:

Մովը, ծովի կապույտն սպիտակեց:

Այդ թուրքերն են փախչում առագաստանավերով:

Խանդավառ բացականչությունները, որոտընդոստ «կեց-ցե»-ները ծալր առան հաշ-փողանի ծալրից:

Եկա՛ն... եկա՛ն...

Մարդկային զուգահեռն ալեկոծվեց:

Նազելին ուղղում է օղակը ճեղքել և առաջ անցնել:

— Դո՞ր կը մտնես:

— Քեզ ի՞նչ... ես ծաղիկները նվեր պիտի տամ:

— Մի՛ տա...

— Ինչի՞ շիտամ:

— Մի՛ տա, քե կասեմ:

— Ինչի՞, ինչի՞, է՛,— համառեց նազելին:

— Քե... կը պաքի:

— Անամո՛թ,— կարմրատակած ասաց նա, շուտ եկավ, բաղմությունը հեղքեց և անցավ առաջին շարքը:

Վերից մի բարակ ճյուղ ընկավ վզիս: Ես նայեցի վեր: Ուռննու վրա բարձրացել էին տասնյակ տղաներ, դիտելու համար զորանցքը: Ես էլ մագլցեցի:

Մառի վրա բռնեցի մի հարմարավոր տեղ, աչքերով փնտրեցի նազելուն, դտա. նա նայում է անհամբեր աչքերով դեպի փողոցի ծայրը և երևի բնավ չի հիշում ինձ:

Ինչո՞ւ սիրտս ծակեց... ես այսպիսի դժացմունք դեռ երբեք, երբեք չէի ունեցել: Վառվեց երևակայությունս: Ի՞նչ կլուիններ, հանկարծ պատահեր այսպիսի մի հրաշք: Գալիս է ձիավոր խմբապետը, զինվորները հետևից: Նազելին առաջ է վազում և խմբապետին է պարզում ձեռքի ծաղկեփունջը ու... հանկարծ տեսնում է, որ խմբապետը ոչ այլ ոք է, եթե ոչ Աճմոնց Գուրգենը: Ես կընդունեմ նրա ծաղիկները և ձիով առաջ կանցնեմ, առանց մինչև անգամ նրա վրա նայելու: Դրանից նրա սիրտը շատ կցավի, նրա համար էլ ես նրան կժպտամ և շնորհակալություն կհայտնեմ... Ո՛չ, ո՛չ, ես կիջնեմ ձիուց, կդնեմ նրա վրա նազելիին և ձիու սանձից բռնած կտանեմ նրան ուր որ նա ցանկանա... իսկ զինվորները:— Ես նրանց կասեի.— հպատակվեք նազելուն, որովհետև ձեր խմբապետը նրան է հպատակվում...— Ու ցույց կտայի նազելիին: Իսկ եթե նրանք հակառակվեին, ես...

Նորից ալեկոծվեց բաղմությունը: Վերջապես երևաց ուսական բանակի կամավորական առաջին ձիավոր գունդը: Թնդաց երաժշտությունը:

Առաջից գալիս էր հրամանատարը, իսկ այդ հրամանատարը ես չէի: Նա մեծ փափախ ուներ, սև երկար բեղեր, զինված և խաշփակ փամփշտակալներով: Նա ժպտում էր այդ ու ձախ և գլուխ էր տալիս:

Նազելին:

Առաջ վազեց նազելին, հրամանատարին պարզեց ձեռքի ծաղկեփունջը, և նրա ձեռքը հասավ մինչև հրամանատարի ծունկը: Թշնամական մի ձեռք բարձրացրեց նազելուն, պարզեց նազելուն իր ծաղիկներով՝ հրամանատարին: Նա կարծես չքնաղ սլուսլրիկ լիներ:

Գրկեց Նազելուն հրամանատարը, իմ գուշակության համաձայն համբուրեց նրան, ինչպես համբուրեց այն մի մարդը Անիկ դուդուին ժողովարանի ճանապարհին, ապա վերցրեց ծաղիկները, իսկ Նազելուն իջեցրեց:

Նազելին:

Կարծես չէր ուզում իջնել Նազելին: Երևի նա կցանկանար, որ մի անգամ էլ, գուցե երկու անգամ էլ համբուրեր իրեն:

Ես շտապ ծառից վար իջա: Կարմրատակած՝ շարքերից դուրս թռավ Նազելին՝ երջանիկ ժպիտով: Պետք էր, որ ես այդ րոպեին պետք եղածից ավելի հուզված դեմք ունենայի, որովհետև հենց որ ինձ տեսավ, չքացավ նրա դեմքի ժպիտը և ներողութուն խնդրողի դեմքով ասաց.

— Ինչ էլա՞վ որ... պան չէլավ:

Ես նորից հիշեցի Անիկ դուդուին, Սիմոն աղային և լուռ քայլեցի առաջ:

Նազելին հասավ, բռնեց իմ թևից.

— Գուրգեն, դո՞ր կերթաս:

Ես ինքս էլ չգիտեի, ո՞ւր գնայի. բացի Նազելուց, փողոցում ոչինչ չէր երևում աչքիս. անկասկած, եթե այդ րոպեին ինձ համար էլ կանչեին Սիմոն աղայի պատվելուն, նա աչքը պիտի ձգեր երկինք և ասեր.

— Գուրգեն ծառային կանչեր է Հիսուսը, ըսեր է՝ «եկո՛ւր...»:



...Այո, ես, անձամբ ես, բարկացած ասացի Նազելուն.

— Քե՞զ ինչ դոր կերթամ:

— Մեյտեղ էրթանք:

— Քե չեմ ուզե:

— Ապա վի՞ր կուզես, Շամրիկի՞ն:

Շամրիկը Նազելու փոքր քույրն էր:

Նազելու այս հարցը դանակի պես կիսեց սիրտս, բայց ես ոչնչով չմատնեցի իմ թուլանալը և նույն խիստ տոնով հարցրի.

— Դու վի՞ր կառնես:

— Իշխանին,— պատասխանեց նա:

— Իշխանին սպանեցին:

— Գիտեմ,— տխրութեամբ մրմնջաց նա, կարծես շիմանալով, ինչպե՞ս արդարանալ Իշխանի սպանութեան համար:

— Խմբապետի՞ն կառնես,— շարունակեցի ես իմ անողորմ հարցապնդումը:

Նազելին ժպտաց երջանիկ ժպիտով և դիտով դրական նշան արավ, թաշկինակի եզերքը ատամներով բռնած, երկու ձեռքով մեղմութեամբ քաշքշելով և ոտների վրա իրանով օրորվելով...

— Մնաս բարով,— ասի ես դառնութեամբ:

— Էրթաս բարով,— պատասխանեց նա անտարբերութեամբ, այնպիսի սպանիչ անտարբերութեամբ, որ ես պատրաստ էի պառկել գետնին, հեկեկալ և հողը ճանկել:

Բայց ես շուտ եկա և մթնած աչքերով սկսեցի քայլել, անտարբեր շրջապատի անցուդարձին:

Իտ նայեցի:

Քսան քայլ հեռու կանգնել էր Նազելին և, աչքերը մեծ-մեծ բացած, նայում էր իմ հետևից:

Ես մեքենայաբար գրպանիցս հանում եմ իմ հայրենական փոքրիկ և փայլուն ատրճանակը, դնում եմ հետև և շարունակում ճանապարհը:

— Կայնի,— լսում եմ Նազելու ձայնը:

Կանգնում եմ:

Նա վազելով հասնում է ինձ, նայում է ձեռիս ատրճանակին և հարցնում է.

— Էդ ի՞նչ ի...:

— Ըռվել,— ասում եմ ես և ատրճանակը փայլեցնում եմ նրա աչքերի դեմ:

— Իշխանի տվա՞ծ:

— Ձէ,— պատասխանում եմ ես սրտնեղած:

— Ապա վո՞ւ է տվել:

— Ես եմ շինեմ,— հպարտութեամբ փշում եմ ես:

— Գնա՛... էլ բան չեմ ասեմ,— հիասթափված ասում է նա և սառած ու անտարբեր շուտ է գալիս:

Ես շտապեցի ուղղել իմ սխալը:

— Խապեցի... Իշխանն ի տվե:

Նրա դեմքը նորից բոցավառվում է:

— Ես գիտե՛մ ախր... դու ի՞նչիս կանաս էդպես ըռովել շինել:

— էս՝ «Սիմիթ-Վիլսոն»-ի, — քաջասիրում եմ ես:

Նա նորից ընկնում է մտածմունքների մեջ:

— Կուզե՛ս քե առնեմ, — հանկարծ հարցնում է նա:

— Կուզեմ, — ասում եմ ես և ղգում եմ, որ շունչս կտրվում է:

— Ախր դու շա՛տ պատիկ ես. — կշռադատում է նա՝ ղելին, — ես մեծ-մե՛ծ մարդ կուզեմ... դու իսկի բեղ էլ չունես...

— Է, դու էլ պատիկ աղջիկ ես... Ես որ մեծանամ՝ բեղ էլ կլինի, — հակաճառում եմ ես:

— Է՛, — ծիծաղում է նա, — քե բեղ չէլնե՛...

— Ինչի՞...

— Դու պը՛ս-տի՛կ ես, պը՛ս-տի՛կ ե՛ս, պատի՛կ... — ասում է նա ու ղույգ ոտների վրա վեր-վեր թռչելով, թաշկինակն ափերի մեջ ծափ է տալիս:

Հետո նա հարցնում է.

— Դու կանա՞ս ինձ գրկե, տանե...:

— Կանա՛մ, — պատասխանում եմ ես իմ ուժերի և նրա թեթևության վրա վստահ:

— Զեա կանա, — վստահեցնում է նա:

Ես հակաճառելու փոխարեն մոտենում եմ նրան և ուզում եմ ապացուցել, որ կարող եմ:

— Լստեղ չելնե՛, — ճշում է նա բարձր ձայնով, — էրթանք ձեր այգին:

— Էրթանք, — ասում եմ ես երջանիկ և պատրաստակամ:

Գնում ենք:



...— Դուք վարդնոց ունե՞ք, — հարցրեց նա, երբ մենք մտանք մեր այգին: Ես նրան առաջնորդեցի դեպի մեր վարդնոցը:

— Մեր վարդնոցն մե՞ծ ի,— մրմնջաց նա մանկական դժգոհությամբ:

— Մերն էսքան ի,— խոցված ինքնասիրությամբ ասացի ես: Փորձեցի նրան վարմացնել սաքուի շուրջ արդեն պտկած սպիտակ բարդիսարախներով, կարմիր կակաշներով, դեղին արևածաղիկներով և զամբելներով,— բան դուրս չեկավ:

— Մեր շա՞տ ի:

Զգացի, որ նա սառչում է և նորից հիասթափվում: Ինձ համար պարզ էր, որ եթե ես նրան գրկելու ցանկություն հայտնեի, նա լսել անգամ չէր կամենա, այնքա՛ն փոխվել էր նրա տրամադրությունը:

Նորից դիմեցի ատրճանակի կախարդական ազդեցությանը. հանեցի և սկսեցի խաղացնել ձեռքիս մեջ:

Ոչ մի տպավորություն:

Ես քնազդաբար ասացի.

— Ես ձի է՛լ ունեմ...

Նա իր ցրված հայացքը բոպեապես դարձրեց ինձ վրա և լարվեց.

— Դո՞ր ի քո ձին:

— Քեռանց տուն:— Եվ ավելի քաջալերված իմ գլուտից՝

— Հալա քուռակ էլ ունի,— ասացի:

— Քուռակ չեմ ուզե,— մերժեց նա, սառ ջուր լեցնելով իմ գլուտի վերջին մասի վրա,— ապա ինչի՞ չես հեծնե:

— Կուզես՝ կհեծնեմ,— խոնարհ հնազանդությամբ ասում եմ ես:

— Կուզեմ, կուզեմ,— ծափ տվեց նազելին,— ես քեզ խամար ծաղիկ կպիրեմ, դու ինձ կդնես ձիու վերեն...

— Զէ, ծաղիկներ չուզե,— շոր կերպով առարկեցի ես,— քե կդնեմ ձիու վերեն, շմբուլ կառնեմ ձեռքս, կտանեմ քե՝ դո՞ր որ ուզես:

— Դե,— անձնատուր եղավ նազելին՝ ոգևորված ինձնով,— կանա՞ս ինձի գրկե:

Ես լուռ մոտեցա նրան:

— Էրթանք վարդնոցի իտե, — այս անգամ ցած ձայնով ասում է նա, և նրա այդ ձայնից ես սարսռում եմ:

Մենք անցնում ենք վարդնոցի հետև. նա գնում է առա-

ցից, աջ ու ձախ ձեռներով փեշերի երկու կողմերից բռնած
և տարածած, գլխիկոր և մտածկոտ:

...Վարդենոցի հետևեալ բռնեցի նրա ծունկերից բարձր,
սոսա թևերիս օղակի մեջ և բարձրացրի:

Նազելու ոտները հասնում էին իմ ծունկերին, իսկ իմ
գլուխը հավասար էր նրա վզին:

— Չուր դո՞ւր կտանես:

— Չուր դոր որ ուզես:

— Չո՞ւր... — նա մի րոպե մտածեց, — չուր աշխարի ծեր...

Նա ամուր փաթաթվեց վզիս, խլրտաց և շնչեց:

Ես տարա նրան մինչև հաջի նանի ալուշի ծառը:

— Է՛լ տար:

Հասցրի մինչև այգու վերջը, հացիների և թեղիների մոտ:

— Աշխարհի ծերն է՞ս ի,— հարցրեց Նազելին:

— Չէ, շատ կա,— պատասխանեցի ես շնչասպառ, չու-
ղենալով զրկվել իմ քաղցր բեռից:

— Դե՛ տար:

Նա նորից խլրտաց և շնչեց, թևերիս մեջ ծանրացա՞վ,
ծանրացա՞վ...

Ինչո՞ւ իմ շունչը կտրվեց. նա այնքան թեթև էր:

Ես վար դրի նրան, ընկա խոտերի մեջ և սկսեցի մոլեգ-
նաբար հեկեկալ, Ինչո՞ւ էի լալիս, ինքս էլ չդիտեի, ես շքն-
չում էի հողի և խոտերի սուր բույրը, և դա ավելի էր գր-
գրոում ինձ:

Իսկ քիչ հետո, երբ ես արցունքից թեթևացած և հանգըս-
տացած գլուխս բարձրացրի, Նազելին գնացել էր, Նազելին
չկար...

Ես բռնեցի այգուց դեպի տուն ձգվող ուղղահայաց
կածանը:

Կանաչ ծառերի ժանյակների միջից փայլատակում էր
վերջալույսը:

...Վարդենոցը խշխշաց: Ես կանգնեցի: Վարդենոցի հե-
տևից դուրս եկավ նա՝ Նազելին:

— Ինչի՞ լացիր,— հարցրեց նա:

Ես նկատեցի, որ նրա աչքերի թերթերունքների մեջ փայ-
լատակում է արծաթ արցունքը:

— Դո՛ւ ինչի կոչաս,— դիմադարձ արի ես:

— Ես... ես,— մրմնջաց նա,— Իշխանի խամա՞ր կու-
լամ... ապա դո՛ւ...

— Ես էլ... Շամրիկի խամար...

— Հա՛, հա՛,— արցունքների միջից ուրախացավ նա,—
դու Շամրիկի խամար լաց, քիչ մէլ ինձի խամար, ես՝ Իշ-
խանի խամար...

— Որ էդպէս ի,— սակարկեցի ես,— քիչ մէ՛լ դո՛ւ ինձ
խամար...

— Ես քե խամար լաց չե՛մ էլնե,— ասաց նա և գլխիկոր-
հեռացավ:

Ես տուն մտա այն ժամանակ, երբ ծղրիղներն սկսել էին
իրենց իրիկնային ալգեստանյան համերգը:

Բարձրացա «Սալոն»-ը, պատշգամբը:

Այնտեղ վժժում էր իմ ամբողջ խումբը: Ինձ տեսնելով՝
նրանք մոտ վազեցին.

— Գուրգեն, կշլեն կվառվի...

Ջրմփ-զրմփ մաղարի գագաթի վրա շինված թուրքա-
կան սպիտակ զորանոցը, որը հեռվից նման էր սպիտակ,
քառակուսի տուփի, վառվում էր:

— Տղեյներ,— հրահանգեցի ես իմ խմբին,— վաղը խըմ-
բով էրթանք զենք պիրենք:

— էրթա՛նք, էրթա՛նք,— ուրախացան նրանք:

Ես զգացի, որ մի անկյունից ինձ վրա նայում են երկու
մեծ աչքեր: Ես բնազդաբար հասկացա, թե այդ ո՞ւմ աչ-
քերն էին:

Մոտեցավ ինձ նա.

— Դու,— ասաց,— խոնց մե՞ծն ես:

Ես դիտով դրական նշան արի:

— Զիդ կպիրե՞ս...

Գլխով եմ անում,— հա՛,— բայց մտածում եմ, որտե-
ղի՞ց ձարեմ ձի...

— Ե՞փ:

— Վաղ:

Այդ միջոցին, դիմացի շքեղ դարբասից դուրս է գալիս
նազելիենց սպասուհին և կանչում է.

- Նազելի, արե տուն, Մարինա հանրմ կկանչի:
- Ինչի՞ խամար:
- էսօր խուր կուգա, խո՞ւր:
- Ի՞նչ խուր, վո՞վ:
- Հրամանատարները...

Ես նայում եմ նրանց շքեղ տանը: Բոլոր պատուհանները ողողված են տոնական, հյուրընկալ լույսերով: Նազելին, ուրախ ծափ տալով և ծղրտալով, սանդուղքներից ներքև է վազում:

Սիրտս ծակում է նույն ծանոթ ցավը, իսկ այգում բացվում են սպիտակ բարդիսաքախներ, կարմիր կակաչներ, դեղին արևածաղիկներ ու զամբեխներ:

Ողջ գիշեր ես չքնեցի: Մտածում էի մյուս օրը ձի գրտնիլու և Նազելուն ներկայացնելու մասին...

Քանի՞, քանի՞ նժույգներ անցան այդ գիշեր երազներիս կանաչ դաշտերով...

Իսկ Նազելիենց տանը ողջ գիշեր կերուխում էր:

Առավոտյան Սուրենի, Վարդանի, Խորենի ու Ոստանիկի հետ միասին դուրս եկանք խմբի մյուս անդամներին ճարելու, կշիւն գնալու և դենք բերելու համար:

Ոչ մեկը չերեաց:

Անցանք երկու փողոց:

Շուտով իրար կորցրինք:



Ամայի այգում, ածուների մեջ արածում էր լղար մի ձի առանց սանձի և կապի:

Գլխապատառ թռա դեպի ձին:

Ջրհորի մոտ ընկած է մի հին պարան: Հստ երևույթին կտրել և դույլը տարել են: Այնտեղ գտա ես նաև մի ծաղկաման:

Ես փերցնում եմ պարանը և ծաղկամանը ու մոտենում ձիուն: Ձին թողեց արածելն ու հնազանդ իշու պես կանգնեց:

Մի կերպ պարանը կապեցի վզից և քաշեցի: Ձին առանց դիմադրության հետևեց ինձ:

Ծաղկամանը ձեռիս և ձին հետևիցս, փողոց դուրս եկա:

Մութը փնշաց կողոպտված տան պատուհանից:

Թալանելուց հետո կրակ էին տվել:

Գնում եմ փողոցով իմ թանկագին ավարի հետ և ուրախությունից ոտներս գետնին շեն դիպչում:

Միայն թե շուտ հասնեմ: Նազելին, Նազելին, որքա՞ն կուրախանա Նազելին: Ես նրան կդնեմ ձիու վրա և կտանեմ...

— Զուր աշխարհի ծեր...

Ես թողի գլխավոր փողոցը և մտա մի կողմնակի «ջրի փողան»:

Այսպես ավելի ապահով է:

Տասը քայլ շարած, դեմս դուրս եկավ մի ածղահա մարդ, հաստ, սև բեղերով և ջգմաներով:

— Դո՞ր կտանիս էդա ձին, շան ցինած, տուր էստեղ: Ոնց որ գլխիս տային:

— Ես Աճմոնց Գրիգորի տղեն եմ, էսա ձին կամավոր տվեց, մի՛ առնե, մի առնե,— լացակումած ասացի ես:

Ածղահան ուշադրությամբ նայեց ձիու դեմքին և քնքուշ ձայնով ասաց.

— Գնա, բալամ, դնա, քե պան ասող չկա...

Կրկնակի ուրախությամբ շարունակեցի ճանապարհը:

Տուն հասա և դիմեցի ուղիղ այգի:

Կապեցի ձին մի կանաչ ածուի մեջ, խնձորի ծառից, և ծաղկամանը ձեռքիս սենյակ մտա: Անուշը չկար:

Սենյակում նստած էր տատս և արագ-արագ, ըստ երևիության բարկացած, գուլպա էր գործում:

— Մայրիկ, ծաղկաման եմ պիրե՞,— ուրախ ասացի ես:

— Դե՛ն թալ, խարամ մալ ի... մեր ունեցածից ի՞նչ խեր տիսանք, մնաց օտարի ունեցածից ինչ տիսանք:

Զիու մասին լռեցի:

Ես դիմեցի դեպի Նազելիենց տուն: Ներս մտա դարբասից, կանգնեցի ջրհորի մոտ և կանչեցի.

— Նազելի՛... Նազելի՛...

Ոչ մի պատասխան:

— Նազելի՛...

Բակում օրորվում են խնձորենիները, գուլալ ջուրը լըց-

վում է ավազանը, իսկ մի թռչուն ծառի վրայից երգում է.
— Սծծծծհի՛... ծծծծծհի՛-հի՛-հի՛...

— Նազելի՛...

Առաջին հարկի պատուհանից երևում է սպասուհին:

— Նոր լողացավ, քնե, շի՛ կանա գա:

— Ձէ, պիտի գա,— ասում եմ ես,— պան պիտի ասեմ:

Պատուհանից անհետացավ սպասուհին, ապա երևաց
նազելու գլուխը.

— Ի՞նչ կատես:

— Նազելի՛,— ճշում եմ ես հուզված և ուրախ,— ձին
պիրի:

Նա սառն անտարբերությամբ ասում է.

— Քո ձին ի՞նչ պիտի անեմ որ... տե՛ս,— ու ցուցամա-
տով ցույց է տալիս բակի ձախակողմը: Այնտեղ, ծածկի տակ
կապված են հինգ-վեց ձի:

— Էդ վի՛րն ի,— հարցնում եմ ես շանթահար:

— Խմբապետներին...

— Իմ ձին քոնն ի...

— Խմբապետն ասաց, որ իտոնք իմն են:

— Դուրս չե՞ս գա,— հարցրի ես, ինչ ասելս չիմանալով:

— Դո՛ր:

— Էրթանք... Վարդնոց:

— Ձէ՛,— ծղրտաց նա,— քե չեմ ուզե... Շամրիկն էլ քե
չուզե:

— Ի՞նչ գիտես:

— Ինքն ասաց:

— Ի՞նչ ասաց:

— Ասի՛ Գուրգենին կուզե՞ս, ասաց՝ չէ, կամավոր կու-
զեմ...

Սպանիչ էր հարվածը: Ես նրանց բակից դուրս թռա, մտա-
մեր տուն, սանդուղքների տակից վերցրի մի հաստ փայտ և
կատաղած մոտեցա ձիուն: Ձին կանգնել էր անշարժ, գլուխը
բարձր: Ամբողջ ուժով ես բարձրացրի փայտը նրա գլխին
իսկելու համար: Ձին տեղից չշարժվեց:

Ես ուշադրությամբ նայեցի նրա դեմքին:

Ձին երկու աչքով կո՛ւյր էր...



Խաշ-փողանից սրընթաց մի կառք անցավ: Ես տեսա մի ժպտուն, ալեզարդ դեմք:

Հովհաննես Թումանյանն է,— ասաց Աղասին:

«Գառնիկ ախպե՞ր»...

Բայց ես ավելի սիրում էի տատիս սովորեցրած մի ուրիշ քանաստեղծությունը.

Այունը կուզա փաթիլ-փաթիլ,
Հետն էլ անձրև կաթիլ-կաթիլ,
Այդ միջոցին մի պառավ կին
Հորթ կը փնտրեր դաշտի միջին...
Կովը եկավ լեցուն կրծքով,
Շուրջը նայեց լացով, կոծով,
— Հորթուկս ո՞ւր է,— նա քառաչեց,
Խեղճ պառավին ցավ պատճառեց:

Միշտ ինձ թվում էր, որ այդ կորած հորթը ես եմ, տալիս փնտրում է ինձ և չի գտնում...

.
.

...Այո, այո, այդ կորած հորթը ես եմ...

Ես բաց եմ անում աչքերս, ուզում եմ շարժվել և չեմ կարող: Գնում են, փախչում, շտապում, ես մնացել եմ, ես ընկել եմ անօգնական:

Վերջացավ ամեն ինչ: Վեր կաց, Գուրգեն, հիմա դու ես քո գլխի տերը:

Ո՛չ մանկական երազներ, ո՛չ թոռնիկային ցնորքներ.— ամեն ինչ վերջացավ...

Ես շարունակում եմ ճանապարհը հիվանդի պես, ո՛չ, հաշմանդամի՝ պես...

4. ՆՈՐԻՑ ՀԱՆԴԻՊՈՒՄՆԵՐ

Ճանապարհից դուրս կանգնած ձեն երկու բեռնավորված ֆուրգոնների: Ձիերը բաց են թողնված ազատ արածելու:

Փուրգոններից մեկի բեռների գլխին մուշ-մուշ ննջում է

Վանի տոհմիկ, սպիտակ ու մեծ կատուն: Ես այնպես նա-
խանձում եմ նրան:

Այդ ո՞ր երջանիկներն են տեսնես, որ շեն մոռացել իրենց
կատուն անգամ այն ժամանակ, երբ շատերը թողնում էին
իրենց որդիներին:

Սա առաջ եմ անցնում:

Այնտեղ, ֆուրգոնի բարձր ստվերի տակ, ծաղկանկար
չուլի վրա նստել է Նազելին, հայրը, մայրը, քույրը, եղբայր-
ները, ապա հորեղբայրը նրա, իր ընտանիքով:

Նրանք ուտում են:

Նոր զգացի, որ սարսափելի քաղցած եմ: Աղիքներս
խառնվեցին ու դառնահամ մի ջուր լցվեց բերանս:

— Նազելի:

Իմ ձայնը պետք էր որ շափազանց նվաղ լիներ. չլսեց նա:

— Նազելի:

Նա նայեց ինձ և կարծես շճանաչեց:

— Ես եմ... Գուրգենը...

Հանդարտ նա բարձրացավ տեղից և մոտեցավ ինձ. բո-
լորն էլ ինձ նայեցին, ապա շարունակեցին ուտել:

— Ես քե էնտեղ ասի, էստեղ էլ կասեմ, քե շեմ ուզե:

— Նազելի, անոթի եմ... խաց տուր:

— Խաց է՞լ չունես,— ասաց նա այնպիսի տոնով, որ
կարծես հանցանք էի գործել...

— Մերոնք... ես...

Նա երկու քայլ առավ, ապա մտածկոտ կանգնեց:

Նայում է ոտիցս գլուխ:

— Իշխանի ըռովել քո մո՞տն ի:

Ես հիշեցի իմ ունեցածը: «Մեղրագետ»-ը կորցրել էի,
իսկ ատրճառակը...

Շոշափեցի գրպաններս:

— Մատս ի...

Մտածում է:

— Տուր՝ քե խաց տամ...

— Առ,— ասացի ես և, առանց ցավ զգալու, ատրճառա-
կը պարզեցի նրան:

Նա վերցրեց, վազեց յուրայինների մոտ, ցույց տվեց,—
նրանք դիտեցին ապրանքը մեկը մյուսին տալով:

Ապա թե նազելին մոտ է վազում մի մեծ լավաշ ձեռքին,
պարզում է ինձ լավաշը և հարցնում.

— Քո ըռովելի անունն ի՞նչ ի:

— «Սիմիթ-Վիլսոն»,— պատասխանում եմ ես և սիրտս,
սիրտս լցվում է երախտագիտությամբ...

• • • • •

Գետ է, կիրճ և զարհուրելի գիշեր:

Քերկրի, Քենդի — մահու...

Հասել է թշնամին և կրակում է լեռներից:

Գալարվում է մի դանթեական խուճապ: Փախչում են,
տրորում մեկմեկու, կանչում են իրար ու նորից:

Գիսախռիվ են կիները, իսկ տղամարդիկ՝ արյունոտ աշ-
քերով:

Թողնում են սալերը, ձիերը, անասունները, վազում են
դեպի կամուրջը, շատերն իրենց գետն են նետում՝ նորից
դուրս շփալու համար:

Մայրը գետ շարտեց իր երեխային և թեթևացած առաջ
վազեց:

Գնում է մայրը և ծիծաղում է, գնում է մայրը և նորից
է ծիծաղում, գնում է մայրը ու խելագարվում է:

Ես լսում եմ ծանոթ մի ձայն:

— Մայրիկ, մայրիկ, քելի, քելի...

Ես վազում եմ դեպի այդ ձայնը և բռնում ծանոթ մի
փեշից:

Մայրս է:

— Անո՛ւզ...

— Գուրգեն, մայրիկ էլ չի կանա քելե,— ասում է մայրս
և լալիս է...

— Խմն էստեղ պրծավ,— ասում է տատս,— դուք գնա-
ցեք...

Ու սողում է դեպի գետը:

Խառնվում է այստեղ հիշողությունս, հիշողությանս աղ-
մուկի միջից լսում եմ տատիս «ամա՛ն...» հառաչանքը, տա-

տիս վերջին ձայնը, տատիս ձայնը, որն այլևս չհնչեց ինձ համար ոչ մի արևի տակ...

Ջուրը, ջուրը թեթև լինի քեզ վրա, իմ լուսավոր տատիկ, ու թող ձկները շմոտենան քո քաց և սառած աչքերին...

Բայց գիտե՞ս, տատիկ, ես մինչև հիմա չեմ հավատում, որ դու մեռած ես, ես դեռ փնտրում եմ քեզ:

... Այդ տատս ըէ՛ր, որ երգում էր.

Հայրիկ, հայրիկ, քո հայրենիք,
Վասպուրական մեր աշխարհ,
Վարդի փոխան քեզ փուշ բերավ,
Ցավերդ առավ մեկ-հաղար...

Կեղևներ տատս և կքանար վանքի դռները:

Կշրջեր վանքի պարիսպների տակ, խաչ կհաներ երեսին և կմյոմնջար.

— Բարի լուսու սիրուն Քրիստոս, դու օրն բարի անես...

Կխաղար դուլալ քամին մեջ դաշտերուն ու կեղևներ արևը:

Հեռու քյրի լանջին հովիվ Անդրոն է իր հոտով:

— Հովիվ Անդրո, է՛յ, հովիվ Անդրո...

Տատս մթնում է, տատս ստվերում է, ահա խավարում է արևը գեներթի վրա, իսկ Սուրենը լալիս է:

— Ջրնգըր, զրնգըր, զրնգըր, զրնգըր...

Այդ — գյուղերից է:

Գյուղացիները խփում են պղինձներն իրար, որպեսզի արևը դուրս գա:

Սև յափուռնջին հագին՝ բլուրից բարձրանում է քեռիս: Նա ժպտում է, իսկ նրա ատամները սև՝ են:

Կանգնել է մեր դռան վրա մի ուռու կաղակ:

— Բրատ, բրատ...

Նա խմելու բան է ուզում:

Ծա վազում եմ և ջուր եմ բերում նրան մի մեծ թասով:

Նա վերցնում է թասը, ջուրը թափում է գետին և թասը դժգոհությամբ տալիս է ինձ:

Ես վազում եմ և կաթ եմ բերում:

Նա թափում է կաթն էլ:

Ախ, դու, ոտ'ւս բրատ, գինի է քո ուզածը...

Ես վազում եմ ու գինի եմ բերում:

Նա մի քիչ խմում է հայկական գինուց, հետո թռչում է իր սև ձիու մեջքին և ուրախ սրտով հեռանում:

— Ռո'ւս բրատ, բարի ճանապարհ...

— Խա'-ռա'-շո'...

Այսօր Մայիսը դպրոցական հանդեսին արտասանեց.

Մեր Մարիամ բաջին մածուն էր մերել,

Մածուն էր մերել, մառան էր դրել,

Որ երեկոյան նոր փեսան որ գա՝

Սեր ձվածիզով մի լա՛վ պատիվ տա:

Փիսոն թաքուն ուտում է մածունը, իսկ Մարիամ բաջին հալածում է նրան:

Զէ, շէ, պատահում է ճիշտ հակառակը.— Մարիամ բաջին մերում է մածուն,— մեծ, սև ու շար փիսոյին պատիվ անելու համար: Փեսան մտնում է մառան ու թաքուն ուտում է մածունը: Մարիամ բաջին փայտը ձեռքին հալածում է փեսին:— Ի՞նչ պատասխան տա Մարիամ բաջին փիսոյին... իսկ գող փեսան նստել է մի ծառի վրա ու ներողություն է խընդրում Մարիամ բաջուց:

...Փեսա, ինչ փեսա,— Մարիամ բաջին տեսնում է ծառի վրա գող փեսին՝ ահ՝ փիսոյի գլխով, հետո երևում է փիսոն՝ փեսի գլխով, ֆասն էլ գլխին:

Փեսան ծառի վրայից «միառո՛ւ» է անում, իսկ փիսոն ասում է.

— Մարիամ բաջի, բեր մածունն ուտեմ...

Մայրս բաց է անում իր օժիտի սնդուկը: Նրա մետաքսե շորերի վրա լայն, դեղին բծեր կան: Մայրս սարսափահար փակում է սնդուկը և դուրս վազում: Քիչ հետո սենյակը լրջվում է դրացի կանանցով.

— Անուշ հանքմի շորեր պատանաներ տարեր են, հագեր, հարսանիք են գնացել, լաքոտել են...

— Ո՞ւ-ա՞, ո՞ւ-ա՞... — պարում են սատանաները պատահանի տակ:

Իսկ Վարդանը բակից կանչում է:

— Գուրգեն, ծիրան խասե՛, ծիրան խասե՛...

Վազում ենք այգի և հասնում ենք ամենից շուտ հասնող ծիրանի ծառի տակ:

Չորացել է ծիրանի ծառը, իսկ խակ շալաղաները թափվել են դետնին...

.

Պղնձե աքլոր:

Փայլուն իրից արևի անդրադարձումը պատի վրա, — դա պղնձե աքլորն է:

Պղնձե աքլորը խաղում է պատի վրա:

Նա՛ պղնձե աքլորը, հաղորդում է ծնողներին՝ երեխաների կատարած հանցանքների մասին:

Գիշերները գալիս է պղնձե աքլորը, նստում է բարձիս վրա և իր պղնձե թևերով ծեծում է երեսս:

Լուսաբացին խփում են «գողի ժամ»-ի կոչնակները:

Այդ ժամին բոլոր գողերը պետք է վերջացնեն իրենց գործը և փախչեն տուն:

Իսկ պղնձե աքլորը շարունակում է ծեծել իմ երեսը պղնձե իր թևերով:

Ես ի՞նչ հանցանք եմ գործել որ:

Քեռուս սեղանի վրայից թոցրի մի պապիրոս ու տանիք ծլկվեցի:

Երդիկի տակ, մեծ տաշտի մեջ լողանում էր կենվոր Վարդանուշը: Երբ նա ոտքի կանգնեց և ծածկվեց սպիտակ սավանով, դարձավ իսկական սպիտակ սատանա...

Իսկ տանիքի վրա փռված փշատենին բուրում է բարկ, բուրում է հաճելի և խեղդող:

Դեպի այգին ձգվող առուն սկսում է երգել:

— Գուրի՛ս, — կանչում է տատս ներքևից, — դո՞րի իմ Գուրիս, ջուրն էկավ, էթթա ածուենի ջրի...

Ես դնում եմ փոքրիկ բահը ուտիս և վազում եմ Դեպի այգին:

Տատս նստում է թմբի վրա, երգում է ու գուլպա է գործում: Հետո հանկարծ հառաչում է ու հառաչելու պես ասում.

Խնկան ծառի նման ես,
Պտուղ, դու քաղցրահամ ես,
Բարի պտուղ, գովյալ ես,
Աստվածածին, մեղա քեզ...

— Մեղա քեզ, մեղա՛,— կրկնում է տառա տեքստից
դուրս, իսկ ես ուզում եմ ջրել երրորդ, նանաստրիսունի ածուն։

— Էդ ածուն մի ջրե,— ասում է տառա։

— Ինչի՞, մայրիկ։

Նա նայում է շուրջը և ցած ձայնով ասում է.

— Իտոր տակ զենք կա թաղուկ...

...Մի հաստ ծառ է բարձրանում գետնի տակից։ Նրա
ճյուղերը սրեր են և հրացաններ, տերևները փամփուշտներ
են, իսկ մրգերի փոխարեն կախվել են «սիմիթ-վիլսոններ»,
ախ, որքան «սիմիթ-վիլսոններ»...

■ . . . ■
Ծառը կրակում է,— տրախկ-տրարա՛խկ, տրախկ-տրա-
րա՛խկ։

— Տրախկ-տարարա՛խկ, տրախկ-տարարա՛խկ...

Ֆուրգոն՝ն է գնում ճանապարհով, իսկ ես ֆուրգոնի
մեջն եմ։

Ես բաց եմ անում տենդից ծանրացած աչքերս։

Դղրդալով առաջ է վազում ֆուրգոնը։ Ֆուրգոնը լցված է
ինձ նման անտեր երեխաներով։

5. ԻԳԴԻՐՈՒՄ

Բարդինների փոքրիկ մի պուրակ, ծառերի տակ սպիտակ
վրաններ. ահա այն, ինչ որ ինձ համար կոչվում է Իգդիր։

Ուրիշ ոչինչ, ուրիշ ոչ մի հուշ, ոչ տան մի քար, ոչ փողո-
ցի մի կտոր։

Մեզ ֆուրգոններից վար իջեցրին և, նախքան տեղավո-
րելը, շարեցին նկարելու համար։

Հոսանկարիչը կանգնեց կազմ ու պատրաստ։

— Տխրեք, լացեք,— կարգադրեց կարգադրիչը։

Ինչ վերաբերում էր տխրելուն, այդ միանգամայն ավճ-

լորդ կարգադրութիւնն էր, որովհետեւ բոլորն էլ տխուր էին, իսկ գալով լալուն, այդ նույնքան դժվար էր, որքան ծիծաղելը, այս իսկ պատճառով ոչ ոք չարձագանքեց կարգադրիչի մարտական կոչին։

Կարգադրիչը ենթադրելով, որ մենք չենք հասկանում նրա լեզուն, դիմեց իլյուստրացիայի.

— Լացեք, լացեք, այ, այսպես, հը'-հը'-հը'-հը'...

Ու ցուցամատով ճմրթեց աչքը։

Բոլորն էլ գործի անցան։ Բարձրացաւ մի անդուր երաժշտութիւն։ Նկարչական գործիքը շիկաց, Բայց պատահեց մի զարմանալի բան.— ցուցադրական լացը փոխվեց իսկական լացի, և իդուր կարգադրիչը կարգադրում էր.

— Բավական է, բավական. էլ պետք չէ։

Մեր խումբը հանդիսավոր իր երաժշտությամբ դիմեց դեպի վրանները և դադարեցրեց լացը միայն այն ժամանակ, երբ սպիտակ հագած աղջիկները բերին տաք թէյ և սպիտակ բոքոն։

Անցանք միահամուռ հարձակման։

Նրբ վերջացրինք առաջին բաժակը, սպիտակ հագած աղջիկներից մեկը հարցրեց.

— Էլի ածե՞մ...

Ես շատ զարմացա այս, որքան ինձ թվաց, անհարմար և միաժամանակ հետաքրքիր հարցի վրա։ Հավաքեցի իմ ուժերը և ասի.

— Աժի... տեսնե՞ք։

Նա լցրեց իմ բաժակը։

Այսպես ուրեմն. ածել նշանակում է լցնել, իսկ ես կարծում էի...

Ես չեմ մոռանա այդ ածող օրիորդին։

6. ԱՄԻՐ

Խոտի ներքնականների վրա քուն մտանք։ Որքան էի քնել, չգիտեմ. խոր քունս փոխվեց սովորական քնի, քունը՝ նիրհի, նիրհը՝ թեթեւ նիրհի ու որքան թեթեւանում էի քնից, այնքան

ավելի պարզ և մոտիկ լսում էի երաժշտության օրորող հրնշյուսները:

Երբ ավելի կենտրոնացա, իմացա, որ նվագում են վրաններից դուրս ծառերի տակ և նվագում են զուռնա-նաղարա, միայն ո՛ւր մեր երկրի աղմկալի զուռնա-նաղարան, ուր սրանք...

Աշխատելով որքան կարելի է՝ շխանգարել կողակիցներին, ես զղուշությամբ սողացի դեպի վրանի դուռը և դուրս նայեցի:

Ծառերից լուսավորում էին նավթի կախված լամպեր, ծառերի տակ նստել էին... ահա նա, որը կարգադրեց, որ լաց լինենք, հետո սպիտակ հագած երկու օրիորդները, որոնցից մեկը՝ ածող, ինչ-որ երկարաճիտ կոշիկներով և կարճ խուզած բեղերով երիտասարդ, մի հաստ կին, որը շարունակ ծիծաղում էր և ուտում... նվագողները, ապա կադակի շորերով, փափախով և թրով տասներեք տարեկան մի տղա:

Նստել են ծալապատիկ, ուտում են, խմում ու քեֆ անում:

— Ածի՛ր, — գոռում է երիտասարդը՝ կարճ, սև փափախը աչքերին իջեցնելով. իսկ այն օրիորդը ոչինչ չի ածում: Դրա փոխարեն մեղամաղձոտ նվում է զուռնան ու տմբտմբում դհուլը: Իսկ երիտասարդը երգում է.

Նրևան բաղ եմ առե՛մ,
Կամավոր յար եմ առեմ.
Խմբապետ Անդրանիկից
Խաչ ու խաչվառ եմ առեմ...

— Ածի՛ր, — գոռում է երիտասարդը, իսկ օրիորդը չի ածում:

Ես մի ծառ եմ ծիրանի,
Հին արմատ եմ անվանի՛,
Պտուղներս պատվական,
աման, աման,
Բոլոր մարդկանց պիտանի...
Հին ծառ եմ արևելյան...

էլ չեմ հիշում...

— Ազգի կենաց, հին արմատ հայ ազգի...

Խմում են, իսկ օրիորդները կշկշում են, կշկշում են, ինչ-

պես տաստ էր ասում, «կըր-կըր», բայց այնքան զուլալ, այնքան հատակ, որ զարմանալի: Չէ՛, վանում այդպիսի ծիծաղես չամ լսել:

Օրիորդները ծիծաղում են նորից, վերջն էլ ասում,— «Օ՛յ...» — այդ օյ-ն էլ ինձ սարսափելի դուր է գալիս...

Հետո երիտասարդն է սկսում պարել. նա պարում է խելագարի պես և որքան այն ժամանակ թվաց ինձ՝ հաջող, զարմանալի հաջող և ճարպիկ. ապա նա հանեց ատրճանակը և տասը անգամ կրակեց օդի մեջ, երաժշտության համաշափ տակտով:

Օրիորդները ճշում են, իսկ պայթյուններն արձագանքվում են շրջակայքում:

7. ԷՋՄԻԱՄՆՈՒՄ

Մայրիկանց տան վերի օդի հենց ճակատին կախված էր էջմիածնի մեծադիր նկարը: Ամեն անգամ զարթնելիս, անկողնի միջից ևս երկար-երկար դիտել և՛ այդ նկարը և պատկերացրել նրա փառահեղ կառուցվածքը: Ինձ այնպես էր թվում, որ վանքը, վանքի բակը, շրջակայքը, ամեն ինչ, ամեն ինչ այնտեղ սպիտակ մարմարիոնից է: Եվ երբ որբերով բռնավորված ֆուրգոնները շարժվեցին առաջ, երբ ֆուրգոնից-ֆուրգոն տարածվեց այն լուրը, որ մեզ էջմիածին են տանում, ևս ուրախությունից մոռացա ամեն ինչ և մինչև անգամ մըտքիս մեջ սկսեցի երգել վանում սովորած էջմիածնական մի երգ...

Քեզի մեռնեմ, էջմիածին,
Նանի, նանի, նանի ջան...

Ի՞նչ կապ կար էջմիածնի և նանի մեջ, չգիտեմ. առհասարակ այդ երգը սովորեցնող երգեցողության ուսուցիչը արտառոց երգեր էր սովորեցնում մեզ: Այդ նա էր, որ մինչև հիմա ինձ անծանոթ լեզվով սովորեցրեց մի երգ, որի յուրաքանչյուր տան վերջում կրկնվում էր.

Յուփայ-դիյայ-դիյայ-դա
Յուփայդի-յուփայդա,
Յուփայ-դիյայ-դիյայ-դա
Յուփայ-դիյայ-դա...

Հետո սատանան գիտե, թե ինչ...

Հետո ես հիշեցի նույն այդ ուսուցչի մի ուրիշ արտառոց երգը՝ «Երեք ագռավ ծառի վրա», որի յուրաքանչյուր տողավերջում կրկնվում էր.

Օ՛, Բիլի-մակի-մակա...

Այս հիշողություններն ու էջմիածինը տեսնելու հեռանդկարը զվարթություն պատճառեցին ինձ: Ես մինչև անգամ կատակելու ցանկություն ունեցա. նայեցի կողքիս նստած տղային. հազիվ լինեք նա 12—13 տարեկան, թուխ դեմքով և սև մազերով, փոքրիկ, սև և անփայլ աչքերով այդ տղան զարմանալի մոտիկ և հարազատ թվաց ինձ. մինչև անգամ ինձ թվաց, որ ես նրա անունն էլ գիտեմ.

— Բիլի-մակի...

Նա նայեց ինձ և ժպտաց վախկոտ ժպիտով:

— Բիլի-մակի,— կրկնեցի ես:

— Ես Բիլի-մակ չեմ,— կամաց և հայցող ձայնով առարկեց նա, կարծես ցավելով, որ ուրիշ անուն ունի:

— Ապա ի՞նչ է քո անունը...

Նա կենտրոնացավ, հետո լարվեց ու հանկարծ սկսեց լաց լինել:

— Մոռացել եմ:

— Ռուբեն՞ն, Խորեն՞ն, Վահագն՞ն, Վարդան՞ն, Վազգեն՞ն...

— Չէ՛...

Էլի մի քանի անուն տվի:

— Չէ՛...

Ես սկսեցի նրան մխիթարել, վեր հանելով Բիլի-մակի անվան բարեմասնություններն ու առավելությունները. ես մի տեսակ շար խնդություն էի զգում դեպի նա, որը մոռացել է իր անունը, և զվարճանում էի, որ նրան կպցնում եմ մի ծաղրական անուն: Երբ մենք էջմիածին հասանք, երբ նախքան մեզ տեղավորելը արձանագրեցին բոլորի անունները, իմ փոքրիկ հարեանը պատասխանեց «ի՞նչ է քո անունը» հարցին՝ տխրությամբ և թախիծով.

— Բիլի...

— Եվրոպական անուն ունեւ, փոքրիկ,— նկատեց արձանագրողը, որը սեւ ակնոցով, նիհար և զարմանալի երկար մի կիւն էր:

— Հայրանո՞ւնը,— շարունակեց արձանագրողը:

— Մակ,— մեքենարար արտասանեց Բիլին:

— Ա՛զգդ...

— Խայ եմ...

Դուրս եկավ այսպես.

Բիլի Մակ Խայեմ...

Ու ամեն անգամ, երբ ներկա-բացակա էին ամուսնի մի ատանձին հանդիսավորութեամբ հնչում էր նրա անունը.

Բիլի Մակ Խայեմ...

Նա հլու և հնազանդ պատասխանում էր.

— Ներկա...

— Բիլի-Մակ-Խայեմ,— ինչ-որ ֆրանս նորվեգական հյուպատոս, այնպես չէ՞...

.

էջմիածին:

Ես երբեք, երբեք իմ կյանքում չեմ կրել այնպիսի հիասթափություն, ինչպես կրեցի այն ժամանակ, երբ տեսա էջմիածնի խունացած դեմքը:

Շոգ, Փոշի: Կեղտոտություն: Վանքի խունացած սիլուետը: Իսկ պարիսպների տակ իրար վրա թափած գաղթականություն:

Ճեմարանի բակի ծառերի տակ մեզ շարեցին ծալապատիկ և ճաշ տվին:

Բիլի Մակը կծկվեց մոտս: Ես մի անգամ էլ հիշեցի մայրիկանց տան վերի օդի պատից կախված էջմիածնի փառահեղ նկարը, մի անգամ էլ նայեցի Բիլի Մակի վրա, և սիրտս լցվեց անասելի դառնութեամբ:

Ճաշից հետո լուր տարածվեց, որ բոլոր որբերին տանելու են բաղնիք, հին շորերը ոչնչացնելու և նոր շորեր տալու: Այդպես էլ եղավ:

Այստեղ ես շատ վնասվեցի, որովհետեւ ես կորցրի իմ նոր և վայելուչ շորերը և բոլորի նման հագա ծաղկավոր շթից կախած մի շապիկ, մի վարտիք, իսկ գլխիս կապեցի մի ծաղ-

կավոր թաշկինակ։ Ուրիշ ոչինչ։ Այլ պայմաններում ես կամաշի այդ դրությամբ՝ մի տակ շապիկ-վարտիքով և բորիկ ոտներով ման գալ, բայց ստեղծված կացությունը թույլ չէր տալիս զբաղվել նման կենցաղային մանրուքներով։

Ինձ մոտեցավ ինձնից մեծ, հանդուգն աչքերով մի տղա և մի կողմ տարավ։ Զգուշությամբ, շուրջը նայելով, նա շապիկի տակից հանեց մի ծաղկավոր թաշկինակ և ցույց տվեց։

— Թոցուցի... շորերդ ինչի՞ տվիր։

— Ի՛նչ անի... առին։

— Մը, ծը, ծը... թաժա ին... գնա ուղի, տանենք ծախենք... էս ալնախ կուտամ քե։

— Զեն տա։

— Կուտան։ Ասա մորքուր ունեմ, տանեմ տամ ինոր, խեղճ ի։

— Զեն տա,— պնդեցի ես, զգալով, որ այդ իմ ուժերից վեր է...

— Ես տեր կելնեմ. դու սուս կաց... խա՞։

— Խա՛։

Նա ներս մտավ բաղնիք և հինգ րոպե հետո դուրս եկավ արցունքները սրբելով, ձեռքին իմ շորերը։ Մոտեցավ, շարությամբ ծիծաղեց արտասուքների միջից։

— Զուր լաց չելա՝ շտվին շանորդիք... արե։

Ես հետևեցի նրան։

Մենք դուրս եկանք վանքի դարբասից, անցանք փողոց և մտանք առաջին պատահած խանութը։ Քիչ հետո մենք նրստեցինք փողոցի մի քարի վրա, քանդեցինք մեր գլխի թաշկինակները և բաժանեցինք 300 հատ կոնֆետ մեր մեջ։

— Քո անունն ի՞նչ ի,— հարցրի ես նրան՝ լցված անսահման երախտագիտությամբ։

— Կուշո... քո՞ն։

— Գուրգեն...

Մենք մտերմացանք. նա դարձավ իմ խնամատարն ու շահերի պաշտպանը։ Ես իմ բաժին կոնֆետից մաս հանեցի նաև Բիլի-Մակին, որի համար և արժանացա Կուշոյի հանդիմանությանը։

Ես խոսք չգտա արդարանալու։

8. ՄԱՀ ԵՎ ԹՈՒՄԱՆՑԱՆ

Ամեն առավոտ շրջիկ դագաղ-ֆուրգոնը շրջում էր դաղ-թականների մեջ և հավաքում էր մեռածներին: Զորանոցային խոհանոց դիմող հում և վատ մսով բեռնավորված ֆուրգոնների նման մեռելատար ֆուրգոնները առաջ էին շարժվում տեղ-տեղ կանգնելով:

— Մեռել կա՞...

Մեռել շունեցողներն անիծում էին ծերունի ֆուրգոնչուն, իսկ ունեցողներից ոմանք լալով, ոմանք քարացած սրտով և դեմքով օգնում էին նրան՝ դիակը, հաճախ դիակները դիակույտի վրա բարձրացնելու համար: Ամեն մեռելատեր հրրճվում էր, որ իր մեռելը չէր պառկում դիակների տակ, բայց լեցվում էր ֆուրգոնը մինչև բերան, և նրա կողքերից կախվում էին ճոճվող ձեռներ, ոտներ, գլուխներ:

Պատահում էր, որ ուժեղ ցնցումից մի դիակ ներքև էր շարժվում, և ծերունի ֆուրգոնչին չէր նկատում: Այդ միջոցին մաքրության անգոր հսկիչները կանչում էին.

— Ադա, մեռել վեր գցիր, է՛յ...

Կանգնեցնում էր ֆուրգոնը ծերունին, դժգոհ մրթմրթում էր ինչ-որ, բարձրացնում էր դիակը և խցկում ֆուրգոնի ճաղերի հետև, այնպես, որ երկրորդ անգամ շրնկնի ներքև:

Վերից կրակ էր թափում արևը: Չէր շարժվում և ոչ մի տերև, ու հնամյա վանքի պատերի ու օգոստոսյան արևի տակ մեռնում էր մի ամբողջ ժողովուրդ:

Կեսօրին կապտում էին Մասիսները, ու շոգը դառնում էր արվելի ահռելի:

Շրջում է մահը, իսկ նրա հետևից՝ դագաղ-ֆուրգոնը: Նիհար ձիերը գլխիկոր և հնազանդ տանում են իրենց դարհուրելի բեռը վանքի պատերից դուրս, դեպի բաց դաշտը: Այնտեղ ամեն օր փորվում է մի մեծ սենյակի շափ փոս: Գերեզմանափորները ընդունում են ֆուրգոնները և սկսում են դատարկել: Շարժվում են փոսի մեջ իրար վրա ծեր, կին, աղջիկ, տղա, ծծկեր երեխաներ. ընկնում են նրանք կողքի, փորի, կոնակի վրա, բաց, քարացած աչքերով նայում են նրանք, մինչև գալիս են նորեր և ծածկում նրանց մի նոր շերտով:

Մի ծերունի ընկավ դեղին, ցցված քեղերով, նրան ծածկեց սև, երկար մազերով մի երիտասարդ աղջիկ. ծաղրածու դեմքով, անմիտ ժպիտով, մի տղա թռավ և պառկեց կռնակի վրա. նա կարծես մեռած չէր և թռավ իր կամքով, մի կողմից՝ գերեզմանափորին ձեռք առնելու, մյուս կողմից՝ ստուգելու համար, թե ինչպես կարող է այնտեղ զգալ իրեն մեռելը: Բայց նա մնում է անշարժ, նրա ժպտացող դեմքը դառնում է ավելի սարսափելի և նա դառնում է ավելի մեռել, քան մյուսները, որոնք իսկական մեռելներ են, իսկական մեռելներ:

Հետո սկսում են ծածկել արևի տակ շորացած հողով. ծածկում են մինչև կեսօր. թռչում է հողը, ցանվում է դիակների երեսներից ու թվում է, որ ահա, ահա նրանք կարող են փռչտալ: Բայց նրանք չեն փռչտում, և ծածկվում են, անընդհատ ծածկվում: Երբ հողը գետնից կես վերշոկ բարձրանում է, բահերի հակառակ կողմով տափում են հողը և գրեթե խնամքով հարթում: Ապա թե նրանցից մեկը բահի կոթով մի մեծ խաչ է քաշում այդ վիթխարի շիրմի վրա, և նրանք, առանց մի խոսք փոխանակելու, սկսում են նոր փոսեր փորել:

Դատարկված ֆուրգոն-դազազը գլորդալով ներս է մտնում վանքի պարիսպներից և հազարավոր աշքեր նայում են նրանք ութ սարսափով.

— Մեռել կա՞...

Բոլորը կամավոր կերպով շեն հանձնում իրենց մեռելները. շատերը դիմադրում են, ուրիշները վերմակների տակ թաքցնում, մինչև որ նեխման հոտը բռնի շրջակայքը, մինչև խուղարկություն կատարելը: Երեք օր սլահված 23 տարեկան որդու դիակից կախվել է մայրը, ճշում է շի թողնում, որ սանիտարները տանեն իր որդուն: Քաշքշում են դիակի շորերից՝ մի կողմից մայրը, մի կողմից՝ նրանք: Սանիտարներից մեկը չղայնացած բռնում է դիակի ոտից և ձգում դեպի իրեն: Բայց այդ միջոցին սառը քրտինքը պատում է նրա ճակատը. նա ղզում է, որ եթե մի քիչ էլ ուժով ձգեր, դիակի ոտը պիտի անջատվեր մարմնից և մնար իր ձեռքում:

Խելացնոր մորը մի կողմի վրա են քաշում և դիակը, որպես բացառիկ պատիվ, պատգարակով տանում են ֆուրգոնին հանձնելու:

— Մի՛ տանեք.— ճշում է մայրը,— ես ինոր երկիր կը տանի, մեր սարերու ջուր կը խմցուցի, կը սաղցուցի... մի՛ տանեք...

...Եկավ Հովհաննես Թումանյանը և շրջապատեց իրեն յորրերով. ես նրան գիտեի. այդ նա է, որը դրել է «Մի կաթիլ մեղրը», «Շունն ու կատուն»։ Նա հագել էր սպիտակ շորեր և դրել էր կեպի։ Կեռ քթով, սպիտակ ընշացքով, խաղաղ դեմքով կանգնեց նա, լուռ նայեց բոլորին, հետո նայեց հեռու և հեռացավ։

Հետագայում, երբ ես կարդացի նրա «Հոգեհանգիստ»-ը, ինձ թվաց, որ նա հենց այդ օրը, մեղնից հեռանալուց հետո գրեց այն։

...Կապտում են Մասիսներն ավելի և ավելի, ու մահու թևերով իջնում է գիշերը վանքի և աշխարհի վրա։

9. ԿՈՒՇՈՆ ԵՎ ԲԻԼԻՆ

Փայլուն, քառակուսի, սպիտակ քարերով սալարկված մի հսկայական դահլիճ— այդ նախկին ճեմարանի ճաշարանն էր և մեր ներկա ննջարանը. մի տակ շապիկ-վարտիքով, կողք-կողքի ընկնում էինք պաղ սալարկի վրա և քնում, սղմված իրար, որպեսզի չմրսենք։

Գիշերները ցուրտ էր լինում։

Մոտ հազար երեխա։

Առաջին իսկ գիշերվանից ստեղծվեցին անհարկի բարդություններ։ Երեխաների 50 տոկոսը ամեն գիշեր ամենայն բարեխղճությամբ թացում էր տակը, իսկ շատերը մինչև անգամ ավելի հեռու էին գնում...

Հոսում էր ջուրը, լճանում բոլորի տակ, և անմեղներն ստիպված էին բաժանելու թացության մեջ պառկելու և հարակից բարդությունների ողջ բավականությունը, մյուսների հետ համահավասար։

Կուշոն գործի անցավ։ Նա աղմկեց, գոռգոռաց, մինչև կարողացավ անժխտելի փաստերով ապացուցել, որ մեր կողքին պառկողներից հինգը հիվանդ են։

Նրանց տարան հիվանդանոց, որից հետո Կուշոն ապահովեց մի փոքրիկ անկյուն: Կուշոն առաջարկեց Բիլուն էլ մասնակից դարձնել մեր նոր հարմարությանը ի դարմանս ինձ, որովհետև այդ նույն Կուշոն էր, որը հանդիմանեց ինձ նրա համար, որ ես խեղճ Բիլուն բաժին հանեցի իմ կոնֆետներից:

Բիլուն բերինք:

Անցավ երեք օր: Բիլին պառկում էր մեջտեղ և գանգատվում էր, որ Կուշոն իրեն ամեն գիշեր խտուտ է տալիս և չի թողնում, որ հանգիստ քնի: Իսկ առավոտյան, երբ զարթնում էինք և զգում, որ սալաքարը շոր է, մեղ զգում էինք մետաքսե անկողիններում պառկողների շափ երջանիկ:

Բիլին գունատվում էր օր-օրին:

Չորրորդ գիշերը ես զարթնեցի Բիլու լացի ձայնից:

— Բիլի, Բիլի Մակի, ինչի՞ կուլաս...

— Թացեր եմ...

Թացել էր ոչ միայն իրեն, այլև մեղ:

Ես շատ դարմացա, որ Կուշոն գիշերը չզարթնեց, իսկ մյուս օրը դժգոհության ոչ մի խոսք չասաց: Կուշոն անհասկանալիորեն հոգատար էր դարձել և ներողամիտ դեպի Բիլին: Նա միայն ոտից գլուխ շափեց Բիլուն և ասաց.

— Ասեմ, քե հիվանդանոց տանեն... բոշ ես:

Բիլին շառարկեց: Կուշոյին հաջողվեց նրան հիվանդանոց ուղարկել տալ:

.

Երեկո էր:

Ես և Կուշոն նստել էինք Գամառ-Քաթիպայի արձանի տակ և ցրված նայում էինք մեր շուրջը: Ես արդեն մի քանի անգամ կարդացել էի բանաստեղծի կտակը և նկատում էի, որ այն հանգամանքը, որ ես կարդալ գիտեմ, իսկ նա ոչ, իմ վարկը որոշ շափով բարձրացրել էր նրա աչքում:

— Բիլին գնաց,— ցրված ասաց Կուշոն և ձեռքի ճիպոտով սկսեց գետինը խազմզել:

Ես նայեցի նրան և առաջին անգամ նկատեցի, որ նրա ճակատի վրա մի սպի կա և որ ընդհանրապես նրա դեմքի արտահայտությունը խիստ է և երկյուղալի:

Զգիտեմ ինչու, խռանին հիշեցի:

Հետո նա ասաց.

— Բիլին գնաց, մեկ-երկու օրից մենք էլ կերթանք: Ես էլ կհիվանդանամ, դու էլ, զբմմենն էլ...

Այնքան համոզիչ հնչեցին նրա խոսքերը, որ ինձ թվաց, որ ես արդեն հիվանդ եմ, և որ հարկավոր է ինձ էլ տանել Բիլու մոտ:

— Ի՞նչ անենք,— հուսահատ հարցրի ես:

— Փախնենք:

— Դո՞ր:

— Բազառ:

— Բազա՞ռ:

— Խա՞ռ:

— Էնտեղ ի՞նչ անենք:

— Կապրենք:

— Ի՞նչ ուտենք:

— Էնքա՞ն:

— Դո՞ր քնենք:

— Հստեղի պես սալի վերեն շենք քնե... հիվանդանա...

— Ապա Բիլի՞ն:

Կուշոն ընկավ մտածմունքի մեջ:

Ես ուրախացա, որ կարողացա իմ առարկությամբ ետ կանգնեցնել նրան և ինձ՝ որրանոցից փախչելու վտանգավոր ձեռնարկությունից:

Կուշոն հեռացավ: Անցավ քավական ժամանակ, Հնչեց իրիկվա թեյի դանգը: Վերջապես երևաց Կուշոն, Բիլին հետևեց:

Ես իմ աչքերին չհավատացի:

— Ահա՛ն Բիլին,— ասաց Կուշոն, ցույց տալով Բիլու վրա այնպես, որ կարծես ոչ թե մարդ, այլ սեղան կամ աթոռ էր բերածը:

Բիլին նայեց ինձ և խեղճ ու կրակ ժպտաց:

— Բիլի, փախնե՞նք,— հարցրեցի ես:

— Ես չեմ իգա:

— Կուգա՞ս,— ատամների միջից մռմռաց Կուշոն, և նրա աչքերը կիսախավարի մեջ բարկությունից փայլեցին:

— Կուգա՛ս:

— Չեմ իդա,— կրկնեց Բիլին, և արցունքները հեղեղի պես թափվեցին նրա գունատ աչտերի վրա:

— Ես էլ չեմ իգա,— սրտապնդված Բիլու արցունքներից, ասացի ես:

Կուշոն մթնեց:

— Մարդ չեք դուք, թուլա եք, ճիժ... գնացեք մտեք օրիորդի... գիշերներն էլ թացեք տակերդ: Մի օր էլ թալեն ֆուրգոնի մեջ, տանեն թալեն փոս... որդերն ուտեն...

Ասաց ու գնաց, դուրս եկավ դարբասից և լուծվեց մթության մեջ:

Ես և Բիլին նայեցինք իրար երեսի:

Մենք իրար կարդացինք:

Մի րոպե երկուսս էլ զղջացինք, որ չգնացինք: Ես հիշեցի մեռելների փոսը և մի սարսուռ անցավ մարմնովս: Բայց երբ նայեցի ցանկապատից դուրս, փողոցի խավարին, ավելի գրավիչ լթվաց ինձ փողոցի հեռանկարը, քան մեռելների փոսը:

Մենք քնում ենք արձանի տակ:

10. ՆՈՐԻՑ ԲԻԼԻՆ

Ես լսում եմ մի զսպված հեկեկանք և աչքերս բացում եմ, նստել է Բիլին արձանի մոտ, հենել է գլուխը նրա պատվանդանին և լալիս է:

— Ինչո՞ւ ես լալիս, Բիլի...

Փայլում է բարակ մի լուսին, նայում են աստղերը դեղին, աչքերով, հետո ոստոստում են նրանք տեղում.— մի աստղ սուրաց և անհետացավ:

— Ինչո՞ւ ես լալիս, Բիլի...

Քնել են հիմա Մասիսներից այս կողմ տասնյակ հազարավոր որքեր: Ժպտում են նրանք ու գիշերվա մեջ բացվել են տասնյակ հազարավոր ժպիտներ: Ծրագում տասնյակ հազարավոր մայրեր գուրգուրում են տասնյակ հազարավոր որբերին...

— Ախր ինչո՞ւ ես լալիս, Բիլի...

Տեւար— մի որք ճշաց, ճշաց պիշերահալի պես սուր և հատու։ Ապրած սարսափներից մի կտոր՝ սև դանակի պես կտրեց նրա լուսավոր քունը։ Ճշաց նա և լռեց։ Տասնյակ հազարավոր մեռած մայրեր թարթեցին իրենց աչքերը և ուղեցին բարձրանալ ու մեռելների անծայրածիր թափորով գալ նրան օգնության։

— Բիլի, դու ո՞րտեղացի ես։

— Արտամետա...

— Ուստա լող տվողներ Արտամետից շուր Աղթամար լողալով կերթին, չէ՞, Բիլի։

— Չեմ գիտե...

— Կերթին, կերթին, Բիլի։

— Մովու վերեն գյամի կեր...

— Է՛լ...

— Վանք։

— Է՛լ...

— Քումբեթ։

— Է՛լ...

— Է՛... — Երտնեղած ասում է Բիլին ու ժպտում է։

Քիչ հետո մենք շատախոսում ենք ամենաուրախ բաների մասին։ Բիլին այնքան զվարթացավ, որ մինչև անգամ սկսեց շնիկի պես հաշել, և նրա ձայնի ամենափոքր նմանությունը մեզ անասելի հրճվանք էր պատճառում։

Աստղերը գունատվեցին։

Ես սկսեցի երգել մի երգ. այդ երգը ես սովորել էի Հայոց-ձորի գյուղացիներից։

Բարի լուսու աստղն էրևաց,
Աղոթարանն դռներն իրաց,
Բարով բացվե՛ր լուս-աղոթրան.
Լծեմ սարվածք,
Էրթամ գութան.
Գութնի թախըմ նմուշ-նմուշ,
Չկեր վաստակ շանգ էն անուշ,
Գութան շելներ, աշխարհն ի՞նչ էր,
Աշխրի շեն վեր գութնին էր...

Փշեց լուսարացի ցուրտ հովը, ու մենք ոտքի կանգնեցինք:
— Բիլի, արե էրթանք բազառ:
— էրթանք,— ասաց Բիլին ու իր փոքրիկ թփթիկները
դրեց իմ ձեռների մէջ:

11. ՓՈՂՈՑ

Այդպես ուրեմն, մենք փողոցայիններ ենք:

Մենք միացանք որբանոցից փախած ուրիշ որբերի և
կազմեցինք մի 10—12 հոգանոց խումբ:

Թոցնում էինք ձմերուկ, հաց, ինչ-որ հանդիպել, իսկ գի-
շերներն հոգնած մեր արշավաւորներից և տպավորություննե-
րից, հոգնած ու ջարդւած, քնում էինք փակւած խանութների
տախտակների վրա:

Ես պարզապես գաղանացել էի: Եվ մինչև անգամ մոռա-
ցել էի, թե ո՞վ եմ ես, որտեղի՞ց եմ եկել, ինչպե՞ս ընկա փո-
ղոց. այս վերջին հանգամանքն այնքան հասարակ էր թվում
ինձ, որ կարծես ես ծնւել էի փողոցում, պիտի ապրեի փո-
ղոցում ու փողոցում էլ կնքեի իմ մահկանացուն:

Կուշոն չկար, անհետացել էր, և այս հանգամանքը Բի-
լուն ուրախություն էր պատճառում: Նա շէր բաժանւում ինձ-
նից, կատարում էր իմ ցանկությունները և դրա փոխարեն
վայելում էր իմ հովանավորությունը:

Ես շուտով կարողացա արժանանալ մեր խմբապետի
բարեհաճ ուշադրությանը: Իսկ երբ նա իմացաւ, որ ես կար-
դալ գիտեմ, ինձ ազատեց թոցնելու սև աշխատանքից և
ինձ էր հանձնարարում լուծել մանր-մունր կոնֆլիկտներ և
թյուրիմացություններ, որոնք թեև անպակաս ու շնչին՝ բայց
կենսական էին և խռովահուշ:

Ես կամաց-կամաց վերածւեցի մի տեսակ հաշտարար
դատավորի:

Մեր խմբում կար մի տղա, որը կոչւում էր Սև-Սահակ,
մի վերին աստիճանի անհաջողակ ու խեղճ տղա, Չեղավ,
որ նա մի անգամ ավարի գնար և արյունլիւա ու ծեծւած

շվերադառնար: Եվ երբ խմբապետը նրան ուղարկում էր մի որևէ հանձնարարություն, պարզապես ասում էր.

— Սե-Սահակ, էսօր քո ծեծվելու օրն ի... յալլա՛:

Ու Սե-Սահակը հուր ու հնազանդ գնում էր կատարելու իր պարտականությունը:

Մի անգամ նա վերադարձավ առանց ծեծվելու, այնպես, ինչպես գնացել էր, բայց վերադարձավ առանց ավարի: Խմբապետ Սենոն վերականգնեց խախտված օրինականությունը և ծեծեց նրան ոչ նվազ հաջողությամբ:

Խմբի տղաները դժգոհեցին: Սե-Սահակը դառնագին արտասովեց. բանը հասավ այնտեղ, որ դժգոհությունը վերածվեց ավաշկարա բողոքի տիրող ղեկավարության դեմ, ես չեմ մոռանա Սե-Սահակի լացը. ինչ-որ հերոսություն և հերոսական զոհի բան կար նրա արտասուքների մեջ, Իսկ խմբապետ Սենոն խեղճացել էր, ահավո՛ր Սենոն, որի խոսքը օրենք էր բոլորի համար, այժմ նայում էր մեզ երկչուտ ու խուժափուկ:

Եվ երբ կոմիկ Սիկոն առաջարկեց Զարգանդին՝ միասին գնալ քոստանները բան-ման թռցնելու, Զարգանդը ձեռքը խփեց իր մերկ փորին և ասաց.

— Թող Սենոն էրթա...

Ազդանշանը տրված էր: Տապալվեց Սենոյի ղեկավարությունը, և նրան հաջորդեց Զարգանդը:

Սենոն առանց մի բառ արտասանելու հեռացավ: Տասնհինգ րոպե հետո վերադարձավ նա ծեծված, արյունահոս քթով, մի ամբողջ սպիտակ բոքոն ձեռքին:

Ուրախությունն անսահման էր:

Սենոն չարտասանեց ոչ մի բառ, ոչ իսկ վերաբերմունքի մի նշույլ ցույց տվեց դեպի մեր խանդավառությունը, նրստեց մեզ հետ, շապիկի փեշով սրբեց արյունոտ քիթը և սկսեց լուռ ծամել:

Նրա այս ժեստը մեծ տպավորություն թողեց մեզ վրա: «Ճաշը» անցավ հանդիսավոր լուծությամբ: Եվ երբ ճաշից հետո Սենոն հեռացավ մոտակա առվի ջրով լվացվելու, ես, որպես իրավախորհրդատու, առաջարկեցի, որ խմբի ղեկա-

վարության գործը տանեն Սենոն ու Ջաքանդը հաճախ
իրավունքներով և պարտականություններով:

Այս առաջարկությունն անցավ միաձայն, և մենք միա-
պետությունից անցանք դեմոկրատիկ կարգերի:

12. ԿՈՒՇՈՆ ՀԱՅՏՆՎՈՒՄ Է

Երեւոյ նա փողոցի ծայրից, մաքուր շորեր հագած, սև,
փայլուն կոշիկներով, փափախը աջ հոնքի վրա ծուած, ձեռքին
դամշի, շուրջը նայելով, ըստ երևոյթին սուլելով:

— Կուշո՛ւ:

Նա ինձ նկատեց և մոտեցար՝ հասարակ և անժպիտ:

— Ի՞նչ կանես:

— Հեշ, որբանոցից փախանք:

— Բիլին դո՞ր ի...

— Բոստաններ: Դու դո՞ր ես:

— Էրեւան գնացի, էկա... էսօր Բաքու կերթամ:

Խոսում է ու շարունակ նայում է շուրջը:

— Էդ շորեր ո՞րտեղից, — հարցնում եմ ես:

— Տես... — ու նա ղգուշությամբ ցույց է տալիս թղթա-
դրամների բավական հաստ դարս:

— Որտեղի՞ց է...

— Գնանք, — ասում է նա, — Բիլուն գտնենք:

— Մենք խումբ ունենք, — ասում եմ ես, խոսքը մի կերպ
շուռ տալու համար:

— Խո՞ւմբ:

— Խա՛...

— Քանի՞ հոգի...

— Տասներկու:

Մտածում է:

— Ձեր տեղ ո՞րտեղ ի...

Ես ցույց եմ տալիս մեր տեղը:

Կուշոն առանց ցտեսություն ասելու գնաց, համարյա թե
փախավ, և այդ շափազանց տարօրինակ տպավորություն
թողեց ինձ վրա:

Նս խմբին զեկուցեցի Կուշոյի մասին: Խմբի երեակայությունը վառվեց: Որտեղի՞ց է հարստացել, ինչո՞ւ է գնում Բաքու, Կուշոն, շապիկ-վարտիքով Կուշոն, բախտակից Կուշոն, նա, որն ամենից շատ կարող է լինել Սենո, կամ առնվազն Զարզանդ, ինչպե՞ս կարողացավ տիրանալ այդ բախտին:

Բիլին կարծես չէր լսում, Բիլին անտարբեր էր:

Եվ երբ երեկոյան մենք՝ իմ և Լեմշիկի ձեռներով թոցրած ծիրանները ոչնչացնելուց հետո համառորեն քնելու նշաններ էինք ցույց տալիս, եկավ Կուշոն:

— Գուրգեն, — ասաց Կուշոն, — խումբն է՞ս ի...

— Էս ի:

— Կերեք:

Ու նա գրպաններից հանեց զանազան կոնֆետներ, մի լիմոն, որը շնայած ինքը կերավ, բայց ինձ վրա մեծ տպավորություն թողեց նրա սուկայությունը... այնուհետև մի քանի լավաշ, մի կտոր պանիր, որտեղից որտեղ մի ներկած ձու...

Իսկ ամենից զարմանալին այն էր, որ Կուշոն ոչ մի վերաբերմունք ցույց չտվեց Բիլու հանդեպ: Նա համարյա թե նրան չնկատեց, Գալով Բիլուն, նա, երբ տեսավ Կուշոյին, խռովկանի պես քաշվեց մի քարի վրա և երեսը շուռ տվեց, իսկ երբ նկատեց Կուշոյի սառնությունը դեպի իր ներկայությունը, կամաց-կամաց սկսեց ճշտել իր դիրքը հանդեպ Կուշոյի բերած բարիքները: Իսկ երբ Կուշոն համառորեն շարունակեց նրան չնկատել, Բիլին անցավ իր մասնագիտությանը. նա սկսեց հաշել և դրանով արժանացավ խմբի լիաթոք ծիծաղին և Կուշոյի ներողամիտ, զուսպ ժպիտին:

Փոշեհագ իրիկուն:

13.

.
.
.

14. «ՇԸՄԸՆԴԸՑԸՌ»

Թռչում է գնացքը Արարատյան դաշտով:

Առաջին տպավորությունը, որ ստացա ես գնացքից, դա մի անանուն սարսափ էր:

Ու երբ տագնապով ճշաց նա, թվաց ինձ դնացքը մի խելագարված հրեշ, մի վիթխարի զարհուրանք. իսկ երբ շարժվեց տեղից, ես զգացի, որ նրա աղմուկի նման իմ կյանքում աղմուկ չեմ լսել, չեմ լսել:

Շըմընդըֆը՛ն...

...Վանքի բլրի տակ, պուրակի եզերքին, ձգվում է փշատենիներով եզերված մի ճանապարհ:

Հագեցել է օդը փշատենինների բույրով, լսվում է առվի խոխոջը, հետո բզզում են ինչ-որ բզեզներ, կախձեռն խմբով են երգում նրանք և նրանց այբբենարանում երկու տառ կա միայն, երկու տառ.

— Ժ-զ...

— Զ-ժ...

— Ժժժժժ...

— Զզզզզ...

Պառկեմ հիմա խոտերի վրա ու նայեմ ահա այն մի կտոր երկնքի կապույտին.

— Օհո-հո-հո՛...

Դանդաղ ճռռոցով, արտերի ճամփով մի սառլ է գալիս:

Ճոնչում է սալը, բարկ բուրում են փշատենիները, բզեզները շարունակում են սերտել իրենց դասը, իսկ առուն խոխոջում է:

Առվի եզերքին, հենց ջրերի մեջ, ծաղկել են սպիտակ ջրաշուշաններ:

Ես ձգվում եմ թմբից ներքև, պարզվում իրանով, որպեսզի կարողանամ քաղել ահա այն մեծ ջրաշուշանը,

Ես կորցնում եմ իմ հավասարակշռությունը, թրմփում եմ ջրի մեջ, և լցվում է ականջներիս ու ողջ էությունս մեջ մի սարսափելի աղմուկ:

Հետո զգում եմ, որ մեկը բարձրացնում է ինձ,

Ես բաց եմ անում աչքերս:

Սեււորն է, նա կանգնեցրել է սայլը կամուրջի վրա,
սայլի մեջ նստած նրա 14—15 տարեկան աղջիկը սարսա-
փահար ճշում է և ինչ-որ բան է ասում:

Աղջիկը փեշերով շորացնում է իմ գլուխը, դողացու-
մատներով քանդում է կոճակները, և ես անձնատուր եմ լի-
նում նրան, նրա հոգատար ձեռներին:

Իսկ սայլը գնում է:

Շնորհակալություն, փշատենի, և ձեզ, բղեղներ, շնորհա-
կալություն, շնորհակալություն և քեզ, սպիտակ ջրաշուշան,
որովհետև դու երջանկացրիր ինձ այսօր:

Վաղը ես ձեզ ավելի զգուշությամբ կքաղեմ ու ձեզնով
կզարդարեմ աստվածամոր պատկերը:

... Կամաց գնա, գնացք, գուցե ահա այս առվի մեջ մի
տղա՝ է խեղդվում...

Գնացքը շի լսում, գնացքը սլանում է:

Իսկ ես սպիտակ ջրաշուշաններ եմ ուղում:

15. ԻՆՉ ԵՎ ԻՆՉՊԵՍ ՊԱՏԱՀԵՑ

Կանգնել է մեկը գնացքի պատուհանի մոտ և ժպտում է:

Բիլին է այդ:

Վագոնը լիքն է որբերով: Նրանք աղմկում են, լալիս,
երգում, կանչում, կանչվում, վժվժում:

Բիլին լուռ է, բարակ ժպտում և նայում է ինձ:

Ի՞նչ ես հիշում, Բիլի...

... Այդ օրը Կուշոն երկար խոսեց, շատախոսեց, պատ-
մեց նրեանից, ապա ծրագիրներ կազմեց իր Բաքու գնալու
մասին, հետո Բիլուն առաջարկեց գնալ միասին ման գալու:

Բիլին մերժեց:

Կուշոն փոշ առաջարկեց:

Բիլին մերժեց:

Կուշոն սպառնաց:

Այդ էլ շօգնեց:

Կուշոն հայհոյեց, թքեց և հեռացավ:

Հնկանք տախտակների վրա և քնեցինք:

Առավոտյան թալանի գնացողները դատարկաձեռն, խուճապի մատնված վերադարձան և գուժեցին, որ ինչ-որ մարդիկ շրջում են, բռնում խուժաններին և քշում են որբանոց:

Կարգադրվեց փախչել քաղաքից դուրս, և խումբը ստրատեգիական նկատառումներով զանազան ուղղություններով ցրվեց:

Ես բռնեցի Բիլու ձեռքը, և մենք առաջ անցանք:

Հիշո՞ւմ ես, Բիլի, քո պատճառով մենք գնում էինք դանդաղ, Հանկարծ հետևից մի երիտասարդ կանչեց.

— Կանգնե՛ք, կանգնե՛ք...

Մենք ուժ տվինք մեր ոտներին, բայց իզուր: Երիտասարդը հասավ ու բռնեց երկուսիս:

— Մա՛րշ, որբանոց:

— Չենք գա, թո՛ղ:

Չեզ նոր շորեր կտանք... Դիլիջան կտանենք:

— Չե՛մ...

— Չե՛նք...

— Ուսումնարան քաց կանենք... կսովորեք, մարդ կդառնաք:

Ի՞նչ դարձանալի բան կատարվեց, Բիլի...

Բոպեական կայծակի լույսով կարծես լուսավորվեց իմ անցյալը:

Ես հիշեցի հորս նկարը, գիրքը ձեռքին կարդալիս. հետո նրա մահից հետո մնացած գրքի սնդուկները, իմ առաջին աշակերտական տետրերը, «Մեղրագետ»-ը, դասարան, նստարաններ, գրատախտակ, կավիճ, քարետախտակ, քարեգրիչ.

Մեղնից շատ առաջ կար մի թագավոր,

Հոգով դեռ արի, գլխով ալևոր,

Մեծ ծով էր պատել նրա աշխարհը,

Ոսկի կոշեցին իրոք այն դարը.

Ուներ նա երկու մատղահաս աղջիկ,

Մինը խիստ տղեղ, մյուսը գեղեցիկ...

Կամ՝

Աղատն աստված այն օրից...

Երբ հավաքվում էին աշակերտները, նախքան դասերն ակսելը կանգնում էինք դպրոցի ընդարձակ բակում և երգում

էինք «ձուլս»։ Լալ ձայն ունեցող աշակերտներից մեկը մեն-
երգում էր մի «լուլս» բազում ելեէջներով, երեք ընթերցի տեղ-
դությամբ, որից հետո խումբն սկսում էր «Արարիչ լուսո, ա-
ռաջին արդար լուլս...»

Ի ծագել լուսո առաւոտու,
Մազյա ի հոգուս մեր
Զլուլսն քո իմանալի...

Հետո դասեր,— հայերեն, թվաբանություն, աշխարհա-
գրություն, կրոն, իրավագիտություն, գեղագրություն, գծա-
գրություն...

Հայերեն.— Ես տեսնում եմ մինչև անգամ դասագրքի
երեսն ու տասները.

Մայրենի լեզու, մայրենի բարբառ,
Ախորժ, ընտանի իմ հոգու համար...

Երբ ամուսնացավ հայերենի ուսուցիչ պարոն Գրիգոր
Դարբինյանը, ամբողջ աշակերտությունը դնաց եկեղեցի և
սեղմեց նորաստեղծների ձեռքը. երբ հերթը հասավ ինձ, ես
այնքան տարվել էի քողի տակ թաքնված հարսի դեմքը տես-
նելու մարմաջով, որ իմ ձեռք սեղմելն անցավ վերին աստի-
ճանի անհաջող և խորդուբորդ։

Թվաբանություն.— Ավագան մը ունի երեք խողովակ։
Ամեն մի խողովակ մեկ ժամվա մեջ 3 դուլլ ջուր կհոսեցնե։
12 ժամ ետք քանի՞ դուլլ ջուր կհաշվվի ավագանի մեջ։

— Գումարման նշան... բազմասլատկման նշան, իշու
կտոր,— գոռում էր թվաբանության ուսուցիչ պարոն Ահարոն
Դուդիկյանը, որը կորցրել էր հարյուր տոկոսով իր ազդեցու-
թյունը դասարանում, որովհետև աշակերտներից մի քանիսը
տեսել էին նրան մի անգամ արտաքնոցից դուրս գալիս...

Կրոն.— Ես տեսնում եմ մորթված այն գառը, որի ար-
յամբ ներկվեց Հովսեփի Գեղեցիկի սպիտակ շապիկը։

Մովսեսն իր ժողովրդին առաջնորդում է դեպի Ավետ-
յաց երկիրը, դեպի Քանան։

Ահա Սավուղը քնար է նվագում Դավիթ թագավորի գահի-
ոտների տակ, իսկ թագավորը նիզակ է շարտում երգչի վրա...
Թե՞ ընդհակառակը...

...Տեսա՞ր դու, Բիլի, ինչպես անմոռնչ հնազանդությամբ
ևս հետևեցի այն մարդուն, որը եկել էր մեզ որքանոց քշելու
համար:

Գնում էր նա առաջից, ևս նրա հետևից, զլխիկոր ու հու-
շերով քեռնավորված, իսկ դու հետևում էիր ինձ, Բիլի...

Մեզ սրբեցին փողոցից, նրա մրից, ախտից, նստեցրին
ֆուրգոնների մեջ, ֆուրգոնները շարժվեցին դեպի «էջմիա-
ծին» կայարանը:

Երբ ֆուրգոնները դուրս եկան վանքի դարբասից, ևս քեզ
ցույց տվի, Բիլի...

Երկու զինված ոստիկաններ տանում էին Կուշոյին. իսկ
Հեմշիկը փառած մի խնձոր նետեց մեր ֆուրգոնի հետևից:

16. ԱՆՏԱՌՆԵՐ

... Անձրե՛ է, անձրե, մեղմ ու քաղցրաշիթ՝
անտառի վրա,
Երգ կա ամեն տեղ, ամեն թփի տակ
մի տրտում աղջիկ...

Գ. Մ ա ն ա ռ ի

«Անտառ կկոչվին այն մեծ տարածություն-
ները, որոնք ծածկված են միառեսակ կամ
այլազան ծառերով»:

Տեսեյանի աշխարհագրության գրքից

«Ղարաքիլիսա» կայարան:

Մեզ նախաճաշ տվին, ապա թե լցրին ֆուրգոնները, և
անտառապատ շոսեով շարժվեցինք դեպի Դիլիջան:

Գնում ենք, Բիլի, Դիլիջան ենք դնում...

Բլուրների վրա բարձրանում են բլուրներ, իսկ բլուրները
ծածկված են ծառերով:

Անտառ:

Անցնում ենք գյուղերի միջով, իսկ այդ գյուղերն իմ աշ-
քին փոքրիկ քաղաքներ են թվում, որովհետև տների կտուր-
ները տափակ չեն, և ամեն տուն ունի պատշգամբ:

Խաղում է բարակ մի քամի, փայլում արևը անտառի վրա,
իսկ ձորամիջով օձագալար հոսում է սպիտակ շոսեն:

Բիլին բռնել է ֆուրգոնի ճաղերից և նայում է ուր որ ես
եմ նայում: Նրբ ես սկսում եմ ուրիշ կողմ նայել, նա էլ
նույնն է անում: Արևը փայլփլում է նրա թարթիչների վրա և
երևում է, որ նա իրեն լավ է զգում:

Անտառը ապրում է:

Կանաչավարս, գանգրահեր դուխների նման օրորվում
են ծառապատ բլուրները. մի նապաստակ թռավ թավուտնե-
րի մեջ, անտառամերձ փոքրիկ տափաստանի վրա մի կով
բառաչեց, և շարունակեց ապրել անտառը:

Անտառը:

Գայլեր են ապրում ալստեղ և եղջերուներ. աշխարհի բո-
լոր անտառներում գայլերը սիրում են եղջերուներին, իսկ
եղջերուները գայլերին՝ ոչ: Վայրի մեղուները մեղր են շինում
ծառերի փշակներում, իսկ արջը երկու ոտների վրա կանգ-
նած ուտում է անտառային տանձր և օր ու գիշեր մեղր է
փնտրում:

Անտառը, ապրում է անտառը:

Մտքերս խառնվում են, մտքերս թռչում են ետ, վան և
Լեյզեստան:

Ո՛ւր է տատս, ո՛ւր են Լենուշը, Սուրենը, Խորենը:

Ո՛ւր եմ գնում ես, մեղ ո՛ւր են տանում:

Հովր հիմա խաղում է Լեյզեստանում, իսկ մրգերը հաս-
նում են: Մշուշի միջից նայում են Սիփանն ու Արտոսը, իսկ
քաղաքում ոչ մի մարդ:

Քաղաքում ոչ մի մարդ:

Դատարկ են եկեղեցիները, և նրանց դռնօրները լուռ են:
Շներն ու վայրենացած կատուները մտնում են տնից տուն:
Հոսում են ջրերը, և ոչ մի բահ չի փոխում նրանց ուղղությու-
նը, և օրեր են անցնում, իսկ աղբյուրները ոչ մի կուժ չեն
տեսնում:

Էլի արև կա այնտեղ, և կա լուսին. բայց արևը չի շորաց-
նում լվացքի ոչ մի շոր, իսկ լուսինն իդուր է խուզարկում
Լեյզեստանի թավուտները՝ սիրահարված զույգերի սերը գե-
ղեցկացնելու համար:

Իդուր կարոսի, գինձի, նանայի, տրխունի ածուներն սպասում են, որ կաղատվեն մուխոտերից, որոնք աճում են և տիրաբար խլում են նրանց սնունդը։ Այգեստանները վրդովվել են, ոչ մի խնամող ձեռք, ոչ մի մարդկային շունչ։

Վախենում և սարսռում են այգեստանները։

Հետո արծիվները քաղաք կմտնեն։ Այդ առաջին անգամ կնկատի մայրիկանց այգու բարձր բարդենու վրա բույն դրած կոտ-կոտ-արագիլը, մայր արագիլը։ Ծվ երբ նա կթռչի, կգնա իր ձագերի համար գորտեր բերելու, երկու արծիվներ շառաշուն թևերով կիջնեն բարդու գագաթին և կթռցնեն բնից արագիլի ձագերին։

Արծիվներն աղատորեն կարող են ներս մտնել բաց պատուհաններից, մայրիկանց վերի օդեն և այնտեղ, գորգերի վրա ճաշակել արագիլի ձագերին։ Նրանցից մեկը հանկարծ հայելու մեջ կը տեսնի երկու արծիվներ, որոնցից մեկն արնոտ կտուցով իրեն նայելիս կլինի, իսկ մյուսը՝ իր որսի մնացորդները դիշատելիս։ Քինախնդիր արծիվը կթռչի դեպի հայելին և կտեսնի, որ արծիվը թռչում է դեպի իրեն. նա կխփվի թափով մեծ հայելուն, իսկ հայելին կընկնի հատակին և փշուր-փշուր կլինի...

Այդ միջոցին կանափի տակ պահված հսկա բուն կթարթի իր կույր աչքերը և անհամբեր կսպասի խավարի իջնելուն։

Իսկ արծիվները, թափահարելով իրենց թևերը, դուրս կթռչեն մայրիկանց տան վերի օդի բաց պատուհաններից։

Կվերադառնա մայր արագիլը՝ մի գորտ կտցին։ Ձագերը չկան։ Գորտը վայր կընկնի նրա կտցից և խոտերի վրա կմնա անշարժ։ Հետո արագիլը կծալի իր թևերը և իրեն բաց կթողնի բարդու ամենաբարձր ճյուղից։ Վայր կընկնի նա քարի պես և կմեռնի կիսաբաց կտուցով և ինքնասպան...

Մայր արագիլը...

.

Հեռվից երևում է Դիլիջանը։ Բիլին ուրախ ծափ է տալիս, և անտառապատ բլուրների գոգից մեզ է նայում փոքրիկ և զվարթ մի ամառանոց։

17. ՈՐԲԱՆՈՑՈՒՄ

Որբի՛ հայրենիք,
Ողբի՛ հայրենիք...

Հ. Թ ու մ ա ն յ ա ն

Ռուսական եկեղեցու դիմաց, բլուրի վրա, կանգնած է մի հարկանի շենք:

Կաղարմա են ասում նրան:

Իսկ այդ մեր որբանոցն է:

Դա մի երկար շենք էր, նեղ փողոցի նման երկար միջանցքով, որը գնում էր, հետո դառնում ձախ, էլի էր գնում և հասնում էր մինչև խոհանոց, բաղնիք և սլահեստները:

Միջանցքի արևելահայաց պատուհանները նայում էին անտառի վրա, իսկ արևմտյան կողմը սենյակներ էին, նորից սենյակներ, փայտի մահճակալներով, խոտե վերմակ-ներքենակներով:

Ես և Բիլին բռնեցինք կողք-կողքի դրած երկու մահճակալները:

Կառավարչուհին 40—50 տարեկան, սպիտակած մազերով, նիհար, մազադաթե դեմքով մի կին էր, որին Օրիորդ էին ասում: Դաստիարակչուհին՝ օրիորդ Մարդոն, գեղեցկատեսիլ մի աղջիկ էր, քավականին գեր, սպիտակ վզով և սև մազերով: Նա հագնում էր սպիտակ իալաթ և, հակառակ կառավարչուհու խիստ սակավախոսության, զվարճախոս էր ու անհանգիստ: Նա խոսում էր մայրապետների, ծառայողների հետ, իսկ երեխաներին օրական հաղար անդամ ասում էր.

— Երեխե՛ք, խելոք...

— Երեխե՛ք, սուս...

— Երեխե՛ք, վե՛հ՛...

Մայրապետներից մեկը մի վիթխարի, առողջ և դեղեցիկ այրի էր. նրան Աքաբի էին ասում: Մի անգամ նա ինձ բարձրացրեց խաղալիքի պես և համբուրեց. ես սպառնացի, որ կհայտնեմ կատարված դեպքի մասին Օրիորդին, նա ծիծաղեց բարձր. հետո ինձ կաշառեց շամիշով, և ես լռեցի:

Մեղ հագցրին նոր շորեր, սպիտակեղեններ և շթից կար-

ված պատրաստի բլուզներ ու շալվարներ բաժանեցին՝ վառ-
կարմիր ծաղիկներով: Զգեստավորվելուց հետո ես նայեցի
Բիլու վրա և չկարողացա զսպել իմ ծիծաղը: Նա իր մեծ շո-
րերի մեջ շէր երևում:

Ճաշից հետո նստում էինք որբանոցի դռան առաջ դրված
նստարանների վրա... Օրիորդ Մարգոն առաջարկում էր եր-
գել, և ամեն անգամ երգում էր միայն Վահանը և միշտ միև-
նույն երգը.

Սև սարեկներ դուլալ-դուլալ կիսադան,
հաղան, թափվեն արծաթավաղ ավազան...

Առավոտյան ես և Բիլին նստում ենք բարձր բլրին և նա-
յում ենք ամառանոցի վրա: Կալում է դետի խուլ խշշոցը, իսկ
բլրի ստորոտին մի տուն կա, միհարկանի, սպիտակեցրած
պատերով և կանաչաթիթեղ տանիքով: Դուրս է գալիս մի կին,
պառավ կին, և ինքնաեռի մեջ կրակ է դցում: Հետո երևում է
սպիտակ շորեր հագած մի աղջիկ և օգնում է նրան:

Քիչ հետո մի բարձրահասակ երիտասարդ, որսորդական
հրացանն ու պայուսակն ուսին, անտառ է մտնում, իսկ նրան
հետևում է շագանակագույն մի շուն:

...Մի տղա և մի աղջիկ բարձրացան արահետով դեպի
անտառ. բարձրացան և նստեցին մեզնից քսան քայլ հեռու:
Տղան գիրքը դրեց գլխի տակ և ձգվեց խոտերի վրա, իսկ աղ-
ջիկը մնաց նստած: Նա կանաչ խոտ էր քաղում և լեցնում
էր տղայի դեմքին և մազերին: Հետո աղջիկը տղայի գլուխը
վերցրեց և դրեց իր ծնկներին: Մի ժամ հետո, երբ նրանք
շարժվեցին դեպի անտառի խորքը, խոտերի վրա թողին մի
գիրք: Բիլին գնաց և բերեց գիրքը: Այդ գիրքը Շիրվանզադեի
«Արտիստն» էր:

Բիլին գնաց ծաղիկներ հավաքելու, իսկ ես սկսեցի հա-
փրշտակությամբ կարդալ ու քանի կարդում էի, այնքան ան-
տառը, որբանոցը, ծաղիկներ որոնող Բիլին, ամեն ինչ, ուրիշ
տեսակ էին թվում:

— Այդ ի՞նչ է, — լսեցի իմ գլխի վերև մի ձայն: Օրիորդ
Մարգոն էր: Ես հանցանքի մեջ բռնվածի պես ոտքի կանգ-
նեցի:

— Դու կարդա՞լ գիտես,— հարցրեց նա սիրալիր։
Ծա գլխով արի.

— Այո...

— Ապա՞, ինչ ես կարդում... այ-այ-այ,— ժպտաց նա,
վերցնելով և նայելով գիրքը,— այս քեզ չի կարելի կարդալ.
ես քեզ համար գրադարանից հարմար գիրք կրերեմ, լա՞վ...

— Էս լավ է,— կոտրված սրտով ասի ես։

— Ձէ, ջանիկ, ես քեզ համար լավերը կրերեմ...

Այդ «ջանիկ»-ը այնքան ազդեց իմ վրա, որ սիրտս լցվեց
արցունքով։ Ես անհուն երախտագիտությամբ նայեցի օրիորդ
Մարգոյին, և նա ինձ թվաց աշխարհի երեսին եղած աղջիկ-
ների մեջ ամենագեղեցիկը. իսկ երբ նա շոյեց իմ գլուխը,
ես փաթաթվեցի նրան ու լաց եղա...

Բիլին կանգնել էր հեռու և, անտառային ծաղիկների մի
փունջ ձեռքին, նայում էր այս տարօրինակ տեսարանին։
Վերջապես նա սիրտ առավ, մոտեցավ կամաց-կամաց և
փունջը տվեց ինձ։

Ես վերցրեցի ծաղկեփունջը և պարզեցի օրիորդ Մարգո-
յին։

Օրիորդ Մարգոն վերցրեց ծաղիկը և ժպտուն հեռացավ։
Քիչ հետո եկավ նա Օրիորդի, պահեստապետուհի տիկին
Վարսենիկի և ինչ-որ երիտասարդի հետ՝ ինձ տեսնելու։ Մո-
տեցան և որբերն ու շրջապատեցին ինձ։

Ինձ մանրամասնորեն գրեթե պատմել տվին իմ կյանքը։

Օրիորդը հուզմունքից արտասվեց, իսկ որբերի մեջ տա-
րածվեցին զանազան սենսացիաներ իմ մասին, ի թիվս որոնց,
այն, որ ես տասներկու լեզու գիտեմ...

...Անտառի իրիկունը։

18. ՄԵՆԱՇՆՈՐՀՈՒՄՆԵՐ

Ամեն առավոտ, երբ որբանոցը զարթնում էր, օրիորդ
Մարգոն մտնում էր մեր ննջարանը.

— Գուրգեն, զարթնե՛լ ես...

Հետո գալիս էր Օրիորդը։— Ո՞նց ես...

Որքերն անում էին ամեն ինչ, ինձ անախորժություն
չպատճառելու, իսկ հասակավոր որբուհիներից երկուսը պա-
հեստից թեւ վերցրին և սկսեցին գուլպա հյուսել ինձ և Բիլու
համար:

Միշտ մեր թելը քաղցր էր լինում ավելի, իսկ ճաշին մենք
ստանում էինք ամենալավ պատառ:

Օրիորդ Մարգոն ամեն օր գիրք էր բերում ինձ համար:

Որքերն իրավունք չունեին որբանոցի շրջակայքից հեռա-
նալու, իսկ ես բռնում էի Բիլու ձեռքից, և գնում էինք ան-
տառի խորքը, որքան քեֆներս ուղեր:

Իսկ երբ լողացնում էին մեզ, հասակավոր որբուհիները
մի առանձին խնամքով լողացնում էին ինձ ու Բիլուն և մեզ
էին հատկացնում եղած շորերի մեջ լավագույնները:

Ես իմ ստացած բոլոր մենաշնորհումները բաժանում էի
Բիլու հետ համահավասար: Իսկ Բիլին երջանիկ էր. նա թրու-
կոտում էր քուռակի նման և գլուխկոնժի էր տալիս խոտերի
վրա:

Որքերը կազդուրվում էին օրը օրին, սկսեցին լավել ծի-
ծաղի ձայներ: Մի օր էլ կլոր պար բռնեցին որբանոցի բա-
կում:

Գութանը մանի-մանի,
Շեկ աղջիկը հաց կտանի,
Ոտ մի քելա, տաս կայնի,
Մարգու խելքը կտանի...

Երգեց ամեն մեկն իր երկրի պարերդը, մեկը Մշից, մյու-
սը Բիթլիսից, երրորդը Բուլանխից, խնուսից, Վանից: Դառ-
նում է շուրջպարը, ու վառվում են որբերի դեմքերը հուզմուն-
քից և ոգևորությունից: Ո՛վ գիտի, ո՛վ ինչ է մտածում, ո՛վ
ինչ է հիշում: Պարը կարող է լացի փոխվել, բայց ահա Ար-
ճակեցի Գառնիկը մի կոմիկական պարերդ է սկսում և էլեկ-
տրականացած տրամադրությունները խաղաղվում են:

Ինչո՞ւ չգրել այդ պարերդը. նրա յուրաքանչյուր տողի
վերջում կրկնվում էր.

«Մաքրուհի ջան, Մաքրուհի»...
Քարվանն էկավ զնգզնգալեն,

Մեջ քարվնին՝ ջորի մը կեր (այսինքն՝ կար)
 Վեր էն ջորուն՝ սնդուկ մը կեր,
 Մեջ էն սնդկին՝ շահմաջեմ կեր,
 Մեջ շահմաջին՝ շուշա մը կեր,
 Մեջ էն շուշին՝ շուշփա մը կեր,
 Մեջ էն շուշփին՝ աղջիկ մը կեր.—
 — Աղջի, աղջի, անունդ ի՞նչ ի...
 — Խորած, խեղդված, Դավիդ ի՞նչ ի,
 Իմ խեր լսի՝ քե կսպանի,
 Արուն կանի ջուր — կը խմի,
 Մազերդ կանի բուրդ — կը մանի,
 Քիթըդ կանի զուռնա — փշի,
 Կաշիդ կանի դրժ — կը զքնի,
 Ատամդ կանի ուլնիկ — շարի,
 Կանի թագրեխ, ինձի կուտա,
 Ես իմ սիրած տղին կուտամ...

Ահա թե ինչ,— խեղճ սիրահար, դի՛ր աղջկան շուշի մեջ,
 շուշեն դիր շուշփի մեջ, էն շուշփեն՝ շուշփի մեջ, շուշփեն
 շահմաջի մեջ, շահմաջեն՝ սնդուկի մեջ, դիր սնդուկը ջորու
 վերեն, աուր ջորին քարվանին, թող էրթա՛, էրթա՛...

Գիշերն Արտաշը մի հեքիաթ պատմեց:

«Ջմրուխտ-ղուշ» էր կոչվում այդ հեքիաթը:

Ողջ գիշեր իմ հրազներում զմրուխտե զուշեր են թևում:

Ես ուղում եմ «Ջամբիլ-Ֆրոշը» հիշել և պատմել, բայց
 սիրտս լցվում է արցունքով:

Քամի է:

Դրսում շառաշում է անտառը...

19. ԱՆՏԱՌԱՅԻՆ ՀԵՔԻԱԹ

Ես բռնում եմ Բիլու ձեռքը, և մենք մտնում ենք անտա-
 ուի խորքը:

Բարկ բուրում են մշտադալար սոսիները, բարակ արահե-
 տը կորչում է խիտ ծառերի հետև, իսկ անտառի վրա իջել է
 հավիտենական մի խաղաղություն:

Բիլին հրգում է, ավելի շուտ հրգելու պես է անում, հա-
 շում է, տրտինդ է տալիս և ղվարթ ձայներ է արձակում:

Անտառի խորքում, խոտերի վրա: Մի փոքրիկ, շիկահեր
և խաժ աչքերով աղջիկ է նստած:

Կլինի նա 17 տարեկան:

Նրանից քսան քայլ հեռու արածում է մի սպիտակ գառ:
Նա կարոտով գրկում եմ գառը, համբուրում եմ նրա խո-
նավ դունչը և թվում է մի բուպե, որ ես գտնվում եմ Հայոց-
ձորում, վանքի պուրակում:

Բիլին եռանդով շփում է նրա բուրդը, իսկ աղջիկը բարձր
ու դիչ ծիծաղում է:

Աղջկա մոտ վազեց մի փոքրիկ շուն. ես գառը թողի և
ամենաբարձր զգացումներով մոտեցա նրան և բռնեցի:

— Մի'... — լսեցի աղջկա ճիշը և միևնույն ժամանակ
զգացի, որ ցուցամատս տաքացավ:

Ես դասեցի իմ վախն ու ճիշը և ասի.

— Կծեց...

— Արուն,— գունատված արտասանեց Բիլին:

— Կաց, շարժիլ մի,— կարգադրեց աղջիկը և վազեց դե-
պի իրենց անտառային փոքրիկ տնակը:

Կանաչ խոտերի վրա կաթնեցին արյան երեք կարմիր կա-
թիլներ:

Վերադարձավ աղջիկը, սպիտակ մի լաթ ձեռքին, և հուզ-
ված հոգատարությամբ կապեց իմ մատը.

— Ցավո՞ւմ ա, շա՞տ...

Նա նայում եմ նրա դեմքին, մազերին, ձեռներին, ու նա
թվում է ինձ անտառային ֆեյա:

Անտառային ֆե'յա:— Սպիտակ աղավնին իջել է լճափը,
թողել է իր փետուրները լճափին, դարձել է աղջիկ և լողացել
է լճի արծաթե ջրերում: Հետո միշտ է անտառային մի քամի
և ցրիվ է տվել լճափի սպիտակ փետուրները: Աղջիկը դուրս է
եկել աղավնակերպվելու և չի դտել, չի գտել իր փետուրները:
Հետո նա մտել է անտառ և եկել, բնակություն է հաստատել
ահա այս անտառային փոքրիկ տնակում և ապրում է որպես
մարդացած աղավնի, որպես անտառային սպիտակ ֆեյա:

Անտառային ֆեյա, դու սպասում էիր ինձ: Դու դիտեիր,
որ ես պիտի գամ հեռու-հեռավոր երկրներից: Երբ ես
դուրս եկա իմ երկրից, դու տեսար քո երազը:— Գալիս է մի

տղա, գալիս է յոթ սարով ու յոթ ձորով, գալիս է արշունոտ
ռտներով ու հոգնած...

Անտառային ֆեյա, դու կախարդ ես. այդ դու արիւր
այնպեա, որ ես կորցնեմ իմ բոլոր հարազատներին, գամ և
մտնեմ այս անտառը: Դու հնարեցիր այն գառը, որպեսզի ես
մոտենամ նրան, դու հնարեցիր այն շունը, որպեսզի կծի ինձ
և դու կապեա իմ մատը և ինձ՝ քեզ:

Ասա, ի՞նչ անեմ, ի՞նչ անեմ քեզ համար, ինձ համար,
այս սեզի համար, արևի ու բլրի, հողի և մարդու համար,
ի՞նչ անեմ ես...

...— Անունդ ի՞նչ է,— հարցրի ես նրան:

— Նունիկ...

— Ի՞նչ կանես էստեղ...

— Հերս մեշի պահապանն ա... ապրում ենք...

— Ես որք եմ,— ասում եմ ես,— Բիլին էլ որք է...

Բիլին բարակ հառաչեց, հարմարվելով իմ լիրիկական
տրամադրությանը, իսկ աղջիկը հազիվ նայեց նրա վրա:

— Գիտեմ...

— Ի՞նչ գիտես...

— Իմացա, որ որք ես... ցավո՞ւմ ա...

— Չէ, անցավ...

Բիլին վաղեց մի թիթեռնիկի հետևից:

— Բիլի, չկորչե՛ս,— կանչեցի ես:

— Չէ,— կենսուրախ ճիշով պատասխանեց նա:

— Քո անունն ի՞նչ ա...

— Գուրգեն...

— Վա՛յ, էդ ինչ լավն ա...

— Ի՞նչը...

— Անունդ... դու էլ լավիկն ես...

Ես որպեսզի կարողանամ վարձահատույց լինել, ասում
եմ.

— Դու սիվտակ, սիրուն, մեծ կատու ես...

— Դու էլ դե՛ շուն ես... մատս կծես ոչ...

Ու ծիծաղեց, գրնգուն ծիծաղով, ծիծաղեց և ավելացրեց.

— Թե ուզում ես՝ էստեղս կծի...

Ու ցուցց ավեց երեսը:

Երկուսս էլ լռեցինք. թվաց, որ նա զղջաց իր ասածի համար:

— Այ, հերս, գնանք, քեզ տանեմ հորս մոտ:

Անտառի ճանապարհով առաջանում էր մի լայնաթիկունք մարդ, երկարաճիտ կոշիկներով, ամառային բլուզով, մորթի փափախով, մեջքին փամփոշտակալ և հրացան, իսկ ձեռքին մի պայուսակ:

Նա նայեց աղջկան ու փափուկ ձայնով հարցրեց.

— Գառն ո՞ւր ա...

Աղջիկը շուրջը նայեց.

— Հրեն հա՞...

— Կորչի ոչ...

— Կորչիլ չի... պապա, այ, որբ... լավ տղա է... շունը՝ մատը կծեց, կապեցի... հեշ լաց չէլավ...

— Տենամ...

Անտառապահը քանդեց շորը, զննեց ուշադրությամբ, հետո նորից կապեց:

— Հեշ բան ա...

Հետո անժպիտ՝ բայլեց դեպի տուն, կարծես ինքն իրեն ասելով.

— Կրակ վառի, միսը խորովենք...

— Տեղ չգնաս, մեղ հետ ճաշենք,— ասաց նունիկը:

— Չէ: Գնալու ենք... Բիլի, Բիլի...

— Նա թող դնա, դու կաց... կգնանք ման գալու...

— Բիլի,— պնդեցի ես:

— Պապա,— քմահաճ և խռովկան կանչեց աղջիկը, — պնդում ա...

— Ո՞ւր ես գրնում, տղա ջան, կաց, կաց...

— Ախր Բիլին կկորի...

— Ես կգտնեմ,— ասաց աղջիկը և վիթի նման անհետացավ ծառերի հետև: Հինգ րոպե հետո վերադարձավ մենակ:

Բիլին չկար ու չկար:

— Որբանոց գնացած կլինի, մտածիլ մի,— ասաց աղջիկը և, գրեթե քաշքշելով, ինձ տարավ խրճիթը:

Փոքրիկ մի նախախրճիթ, անկյունում մի ավել, մի դուլ:

մի քանի սղնձե և մի քանի կալե ամաններ, հետո խրճիթը, մաքուր ավելած, հողե հատակով, մի կոշտ սեղանով և նստարաններով, երկու փայտե թախտեր՝ համեստ անկողիններով, պատից կախված դանազան դործածական և անդործածելի զենքեր, մի քանի շորացած թռչուններ, մորթիներ, թռչունների թևեր...

— Դե նստի, ես միսը խրովեմ...

Նա դուրս եկավ: Ես մոտեցա պատուհանին և դուրս նայեցի: Հեռու, անտառի մի բացատում երևում էր Բիլին, նա նստել էր մի ծառի տակ և հայտնի չէ, ինչով էր զբաղված: Ես առանց երկար-բարակ մտածելու դուրս թռա պատուհանից և աննկատ վաղեցի դեպի Բիլին:

Նա նստել էր մի ծառի տակ և լալիս էր.

— Չեմ ուղե դու երթաս ինձնց մո՞տ...

— Ինչո՞ւ Բիլի...

— Չեմ ուղե...

— Ախր ինչի, է...

— Ես մենակ կմնամ... ես կվախենամ...

Ես Բիլուն մխիթարեցի և սրտապնդեցի.

— Հիմար ես, Բիլի, ի՞նչ կա վախենալու... ես քեզ հետ չեմ... տեսա՞ր, Բիլի, ինչ խորոտ աղջիկ էր...

— Չեմ ուղե...

Ես նայեցի դեպի անտառապահի խրճիթը: Կանաչ ծառերի մեջ ոլորվում էր կապույտ ծուխը: Ինձ թվում էր, որ ես հեքիաթումն եմ, կամ երազում. ահա, ահա կարթնանամ ես և հօդս կցնդի այս անտառն էլ, այն կապույտ ծուխն էլ, տնակը անտառապահի, անտառապահն ու նրա սպիտակ աղջիկը...

Ահա կարթնանամ ես, կցնդի այս ամենը և կմնա միայն Բիլին, խեղճ, լացող Բիլին:

Հստեմ եմ աղջկա հեռու, դանգակ ձայնը.

— Գուրգե՞ն, Գուրգե՞ն...

Նա ինձ կանչում է, նա ինձ շի նկատում:

Ես և Բիլին քաշվում ենք թավուտների խորքը և ննջում ենք անտառային հարբեցնող ու հստակ նինջով:

Անտառային, լուսնահար գիշեր:

Նա սպասում էմ, մինչև քնում է Բիլին: Ահա նա դադարում է լեզվին տալուց, և գիշերային անդորրը տարածվում է անտառի և որբանոցի վրա:

Նա գղուշությամբ հազնում էմ իմ շորերը և դուրս եմ սահում որբանոցից:

Խորունկ, վիթխարի գիշեր:

Լավում է գետի միակար վշտոցը վարից, ծառերի արանքից նայում են մի քանի գունատ, էլեկտրական լամպեր, իսկ վերից լուսինը հոսում է աշխարհի վրա ունրա լույսը կարծես, դնարով ավելի է մոլեգնում, ավելի է շատանում ու հորդում:

Ամեն ինչ լուսնով է հարբած:

Նա առանց մի փոքրիկ վախ անգամ զգալու՝ մտնում է անտառ:

Գնում էմ ծանոթ կածանով, քայլում էմ սովերների ժանյակների վրայով, իսկ սիրտս երգում է:

Երգում է սիրտս, իսկ ես լցված եմ նոր ճայթող հունդերի, նոր ծաղկող ծաղիկների և հասնող առաջին պտղի երգով:

Թվում է, որ ես լսում եմ ծիլերի ծլիլը, լսում եմ ավիշի երգը. նա երգելով բարձրանում է դեպի ծառերի գագաթը, և ապրում են ծառերը, իսկ լուսինը նրանց քաշում է:

Լուսինը քաշում է անտառին, — դրանից է, որ հաճախ կանգնում է ավիշների ընթացքը նրա երակներում, և անտառի սիրտն սկսում է ավելի ու ավելի արագ բարախել:

Նա լսում էմ իմ սրտի տրոփը. այդ իմ սիրտն է, իմ սիրտն է տրոփում, անտառի սիրտն է տրոփում, աստծո՝ սիրտն է տրոփում...

Անտառապահի տունը:

Պատուհաններից լույս է երևում, գունատ մի լույս, ու ես բոբիկ ոտներիս մատների վրայով դիմում եմ դեպի լույսը:

Հանկարծ հիշում եմ շան գոյության մասին. նա կարող է հասնել և ինձ կծել: Բայց այդ միտքն անգամ ինձ անսպասելի հրճվանք է պատճառում: Ախ, միայն թե գա, միայն թե կծի այդ շունը: Դուրս կգա նա՝ անտառապահի աղջիկը, և սի-

քով ու հոգատարութեամբ կկապի շան կծածը: Հետո նրա լուկյաց ու բարեհամբույր հայրը բաց կանի վերքը, կնայի և կասի.

— Հեշ բան ա...

Բայց ոչ մի շուն ինձ չի մոտենում, իսկ ես մոտենում եմ անատապահի տան պատուհաններին:

Նա նստած է զունատ լամպի առջև և ինչ-որ բան է կարում, Անկողիներին ձեռք չի արված: Հայրը տանը չէ:

Ես ծեծում եմ ապակին այնքան կամաց, որ ես հազիվ եմ լսում ապակիների բռնի ձայնը:

Նա մի րոպե լարված լսում է, ապա հանգստացած շարունակում է իր կարը:

Ես նորից եմ ծեծում.

— Քո՛ք-քո՛թ-քո՛թ...

Նա թողնում է կարը և բոցավառ ու լարված դեմքով վազում է դեպի պատուհանը:

Ես փախչում եմ շնչասպառ ու շնչակտուր. վազում եմ դեպի անատառի բացասը և նորից ետ եմ նայում: Նա ապահովարար ինձ չի տեսնում հիմա: Նա ինձ չտեսավ:

Պատուհանի մեջ երևում է նրա գլուխը, հետո անհետանում, նորից է երևում:

Մի սալեր է մոտենում նրա պատուհանին: Ես լարում եմ տեսողութունս. ճի՞շտ է տեսածս, թե՞ ինձ այդպես թվաց...

Հետո լույսը մարում է:

Հետո...

Նրկու հոգի նրանց խրճիթի մոտով բարձրացան դեպի անատառ:

Ես մինչև անգամ լսում եմ նրա ձայնը:

Ճի՞շտ է լսածս, թե՞ ինձ այդպես թվաց...

Շվար ու լուսնահար մտքերով ևս դիմում եմ դեպի որբանոց:

Բիլին նստել է դռնն վրա և լալիս է...

— Ինչի՞ ես նստե, կուլաս, քուռա՛կ,— արդեն ջղայնացած ու անզուսպ գոռում եմ Բիլու վրա:

Նա պետք էր որ սսկվեր, բայց նրա լացը հիստերիկայի է փոխվում, և նա համարյա թե ճշո՛ւմ է.

— Ինչի՞ կերթաս էնտեղ... ես... ես... ես... կը... կը...
վախենամ... դու... դու... դու փիս... ես... մի էրթա... մի...
Ես բռնում եմ նրա ձեռքից ու ջարդված սրտով մտնում
եմ ննջարան:

Բոլորը քնած են: Պառկում ենք մենք էլ:
Ախ, միայն թե շուտ քացվեր առավոտը:

21. ՆՈՒՆԻԿ.

— Նունիկ, Նունիկ,— մրմնջում եմ ես ու կարծես շուրջս
ծավալվում է անտառաբույրը:

Տոն է, տոն-տոն-տոն,
Տոն է, տոն-տոն-տոն,
Տան-տան-տան-տոն...

Հովտում փռված ամառանոցի փոքրիկ եկեղեցու դան-
դակներն են հնչում:

Տո՛ն է, իմ սրտի, իմ արյան, իմ աչքերի տոներ,— ես մո-
տենում եմ անտառապահի տանը:

Տոն է, տոն-տոն-տոն,
Ծիլ-ծիլ-ծիլ...

Ես ողջունում եմ ամեն մի ծառ ու թուփ, ու քար: Ես
բարձր հրդում եմ, և իմ ձայնը թվում է ինձ ամենաուրախ
ձայնը իմ լսած բոլոր ձայներից...

Անցնում է մի պառավ, շալակած մի մեծ խուրձ կանաչ
խոտ:

Ես ուզում եմ փախաթվել այդ ցնցոտիապատ պառավին,
համբուրել նրա խորշոմած դեմքը, հետո վերցնել նրա բեռը
ու տեղ հասցնել, որպեսզի շհոգնի նա, իր թեթև բեռի տակ
կքած այդ պառավը:

Ճանապարհը մի անգամ էլ ոլորվում է, և հեռվից ողջու-
նում է ինձ անտառապահի տունը:

.
.

Մենք ժամերով կարող ենք նստել այսպես լուռ, կամ
խոսել ամենահիմար բաների մասին:

Հետո կգա անտառապահը, մենք կխոսենք գայլերի և
որջերի մասին, իսկ հենց որ արևը թեքվի, մայր մտնի արևը,
ևս որբանոց կվազեմ, որովհետև հենց որ ուշանամ, Բիլին
անտառ կմտնի ինձ որոնելու:

Հենց որ ուշանամ:

Մի օր ինձ ասաց նունիկը.

— Արի գնանք անտառ, պսակվենք...

Ես ուրախացա.

— Տասնհինգ տարեկան դառնամ՝ նո՛ր...

Նա բարձր ու զիլ ծիծաղում է:

.
.
.

Լուսինը շառաշում է անտառում, հետո ամպում է և խրչ-
խրչում քարակ մի անձրև:

Մենք վար ենք իջնում:

Անտառապահն արդեն վերադարձել է և կրակ է արել:
Նա դժգոհում է անձրևից ու նայում է վեր.

— Հիմա կդադարի...

Դադարեց անձրևը. լուսինը վար նայեց սպիտակ լեռների
կապույտ ձորերից. անտառապահի աղջիկը կրակն է բորբո-
քում, իսկ անտառապահը նայում է ինձ իր թավ հոնքերի
տակից և հայտնի չէ, ժպտո՞ւմ, թե՞ մի բան է ուզում ասել...

Ուշ է, պետք է գնալ, Բիլին հիմա խենթացած կլինի, մի
խոսք պետք է ասել, հետո հեռանալ. ես փնտրում եմ այդ
խոսքը և չեմ կարող գտնել...

Թիֆուրը խշխշաց: Անտառապահը լարվեց.

— Ո՞վ ա...

Ոչ մի ձայն,

— Ո՞վ ա...

Թիֆուրը նորից խշխշաց. — ոչ մի պատասխան:

— Մոլորված պախրա կըլի, յա թե չէ՝ արջաքոթոթ, —
մոմռաց անտառապահը, մտավ խրճիթը և հրացանով դուրս
եկավ:

Իմ ուրախությանը չափ ու սահման չկար...

22. ՆՂՆԻԿԸ

... Բայց իմ հոգիս,
Իմ խեղճ հոգիս,
Այս բոլոր թաղումներեն
Ու մահացումներին վիրավոր,
Անտառներուն սարսափին մեջ
Բանտարկված մնաց՝

Ս Ի ա մ ա ն ք ո

... Անձրև կիջնի հոգվոյս մեջ.
Կզգամ մահվան սրսփութ,
Ջեղքս է առկախ մնացեր
Պարասին մեջ սղավոր:

Մ. Մ Ե ծ ա ր Ե Ն Կ

Անտառապահն ուղղեց հրացանի փողը դեպի թփուտ-
ները:

Ես և նունիկը մատներով փակեցինք մեր ալանջները,
որոտը խլացնելու համար:

Բո՛ւմ-բո՛ւմ-բո՛ւմ...

Պայթեց երեք որոտ իրար հետևից:

Թփուտների մեջ մի բան թրլմփաց:

Անտառապահը հրացանը հենեց ծառին և դիմեց գեպի
թփուտները:

Մենք լսեցինք նրա հեռու, շոր ձայնը.

— Թյո՛ւհ, սատանա՛...

Նա գրկել էր մի բան և գալիս էր կարծես դժվարությամբ,
ծնկին տալով:

Մոտեցավ, կանգնեց ու, ծանրացած բազուկներով, խփած
որսը բռնեց լուանի դեմ, իր գլխից մի քիչ բարձր, իրենից մի
քիչ հեռու, լավ տեսնելու համար:

Լուանի գունատ շողերի դեմ բռնել էր նա...

Բիլու դիա՛կը, Բիլու դիա՛կը...

Ես շեմ մոռանա իմ Բիլուն, եթե ապրեմ անգամ այնքան,
մինչև որ ածխանա լուսինն ու մոխրանա արևը:

Իմ խեղճ, իմ անուշ Բիլի, անցար դու հազարավոր սար-
սափներից ու արյունոտ ճանապարհներից, հասար այս ա-

դատ անտառները, ժայռացիք, լեզվին տվիր, սկսեցիր աճել, ու կույր պատահականությունն արմատահան արավ քեզ:

Դու կապվեցիր ինձ հետ, ինչպես շի կապվել ոչ մի կարապ իր լճի, ոչ մի ծաղիկ իր արմատի և ոչ մի եղբայր իր եղբոր հետ:

Մա'րդ, ընթերցող, որքան տարօրինակ է լինում որբերի սերը. որքա՜ն տարօրինակ...

Տարիներ են անցել, տարիներ այդ օրից, բայց ամեն անգամ, երբ լուանկա է գիշերը, ևս իմ դեմ տեսնում եմ Բիլու գիակը:

Իսկ ականջներիս մեջ խշխշում է խռոված անտառը... խռոված ու լուսնահար անտառը...

.

...Մեկը կարծես դիպավ իմ թևին: Ես շուրջս եմ նայում: Ոչ ոք չկա: Մենակ ես եմ: Կեսգիշեր է և ես, նստած լենինականի հյուրանոցի № 19 սենյակում, դրում եմ իմ կյանքի ողիսականը: Ո՞վ էր դիպավ իմ թևին: Հիմա արդեն մի ձեռք ծանրացել է ուսիս վրա և, կարծես ապտակից, այրվում է իմ կիսադեմքը: Ես ուզում եմ աղատվել այդ ծանրությունից և բարձրացնում եմ գլուխս...

Հուսի՜նն է նայում պատուհանից, ապրիլյան լիալուսինը... ապրիլյան լիալուսինը ծեծում է իմ կիսադեմք ու ծանրացել է աջ ուսիս վրա...

Բիլի, Բիլի, նա արդեն հրհրում է ինձ, և գրիչը վայր է ընկնում իմ ձեռքից...

23. ՄԱԿԻՆՈՒՄ

Ես գարթնում և ինձ ցտնում եմ բարձր ճաղերով մի մահճակալի մեջ, դով և թեթե քրտինքով ողողված:

— Հիվանդանոցային բաժին, — անցնում է մտքովս, և ես ճիգ եմ անում հիշելու ինձ հետ պատահածը:

Ոչինչ, ոչինչ չեմ հիշում. գլխիս մեջ դատարկութուն կա, և այդ դատարկությունը լցված է ծանր խավարով:

Համաշխի հեռավորության վրա դրված են երկու տաս-

նշակի շափ մահճակալներ, որոնցից միայն մի քանիսն են դատարկ:

Թարմ օդը բալզամի նման հոսում է մեջս, և ես դդում եմ, որ բոպե առ բոպե հառնում են ներքին ուժերս, և ես կազդուրվում եմ բոպե առ բոպե:

Քրտինքը դառնում է ավելի և ավելի հաճելի, ու ես, ամբողջ էությամբ կարծես, լողում եմ զով մի մեղկության մեջ...

Ոստոստացող հայացքս դուրս է ընկնում պատուհաններից և սահում է անտառի վրայով: Ու բուսեապես, կարծես անտառային հովից, քշվում է ուղեղիս վրայից մառախուղը, ու ամեն ինչ, ամեն ինչ հիշում եմ...

— Բի՛ւ-ի՛... — ինձ թվաց, որ ձշացի ես, բայց անդոր հառաչանքի նման միայն մի ձայն լսեցի:

Իսկ այդ ձայնը իմս էր:

Ներս մտավ հերթապահ քույրը, սպիտակ դիխաշորով, կլոր, սպիտակ դեմքով մի աղջիկ: Նրբ նա տեսավ ինձ բաց աչքերով, անձայն և ուրախ ծիծաղեց, ու երևացին նրա կանոնավոր, սպիտակատամները:

Բարձրացրեց իմ գլուխը, մի մեծ գդալով կաթ լցրեց բերանս և վաղելով դուրս թռավ:

Քիչ հետո ես շրջապատվեցի հասակավոր որբ-որբուհիներով, կառավարչուհիով և բժշկով:

Ակնոցավոր, կարճահասակ բժիշկը դարձավ կառավարչուհուն և, կարծես շարունակելով ընդհատված զրույցը, ասաց.

— Նվ ներվային ուշաթափությունն այսպես կոչված... վտանգն անցել է:

Ներս մտավ կապույտ աչքերով, շեկ հյուսերով և կարճ, նուրբ շրջադգեատով մի աղջիկ:

— Օրիորդ Նազիկ, — երգեցիկ ձայնով ասաց կառավարչուհին, իսկ ես ուշադրությամբ նայեցի նրա դեմքին ու շրթթունքներին. դարձանալի բան, ինչպես մինչև հիմա ես չեմ նկատել, նրա վերին շրթունքի վրա սեին է տալիս խիտ և սև աղվամազ, իսկ ծնոտի վրա, տեղ-տեղ, որպես ցանցառ բուսականություն, երևում են հատ-հատ ցից մազեր... — Օրիորդ Նազիկ, Գուրգենը առողջանում է, դու նրա համար գրքեր կբերես, այնպես չէ՞...

— Անպայման, — ժպտալով ասաց օրիորդ Նազիկը:
Նս հիշեցի օրիորդ Մարգոյին.

— Օրիորդ Մարգոն դո՞ր ի...

Օրիորդն ու օրիորդ Նազիկը նայեցին իրար երեսի, և ես գուշակեցի իրերի դրուժյունը. ինչպես երևում է, օրիորդ Մարգոն հեռացել էր գործից և այժմ նրա տեղ աշխատելու էր օրիորդ Նազիկը: Գրքի մասին դրույցը տեղի ունեցավ նրա համար, որ ես առանձնապես շղգամ որևէ տարբերություն երկու օրիորդների մեջ, մի խոսքով իմ կառավարությունը փոխվել էր, և նրանք հոգում էին, որ անցումը լինի առանց ցնցումների... իսկ իմ հարցին հետևող նրանց նայվածքների փոխանակությունը նշանակում էր, որ նրանք գուշակել են իմ կողմից բավականին էներգիա խլող վայնասուն, որը պիտի բարձրացնեի ես, անձամբ, հենց որ լսեի օրիորդ Մարգոյի հեռանալու լուրը:

Այժմ համարյա թե ես լուրը լսել եմ... քաղաքավարության համար մի քիչ թնկթնկում եմ, իսկ մտքիս մեջ մտածում, որ օրիորդ Նազիկն ամենևին վատ չէ օրիորդ Մարգոյից և, ընդհակառակը, Նազիկը նման է մինչև անգամ մի տեսակ հրեշտակի, ոչ, նման է այն աղջկան, որին ես տեսա էջմիածնում, կոնֆետների թղթերի վրա, և որն այն ժամանակ ինձ շափազանց դո՞ւր եկավ...

24. ՏԵՄԻՐ ԱՅՑ

Նս դիմում եմ դեպի անտառ և ինձ թվում է, որ ինձ հետևում է Բիլին: Մի թիթեռնիկ թռավ, ինչպե՞ս է որ Բիլին անտառեր է, Բիլին շհետևեց նրան, ճշալով շվաղեց նրա հետևից...

Բիլին չկա, և ես մենակ եմ աշխարհում և անտառում:

Յհա անտառապահի տունը:

Նս նայում եմ նրան ու թվում է, որ այս այն տունը չէ, ինչ-որ բան է փոխվել նրանում, բայց ի՞նչ... նույն դուռը, նույն փոքրիկ պատուհանները, նույն պատերը...

Դռան վրա նստել է մի պառավ և քաղած կանաչներն է

կարգի բերում: Իս տատանվում եմ. մոտենա՞լ, թե շահ-
տենալ...

Մոտենում եմ:

Չնայած որ արե շկա նրա վրա, բայց նա աջ ձեռքով հով
է անում աչքերին և նայում է ինձ.

— Ի՞նչ կա, տղա ջան:

— Էն, որ էստեղ կապրեր, դո՞ր ի:

— Պոնեցին, տղա ջան:

— Վո՞վ,— հաղիվ կարողանում եմ հարցնել ես:

— Զանդարմեք... վո՞վ պտի պոնի... մին պուճուր աղի
էր դարկել սրպանե՞լ... պոնին, քշին...

— Աղջիկը ի՞նչ էլավ:

— Բո՞... մաղերը կտրեմ էդ թավուր աղջկան... լրբի
մեկը... անառակի մեկը... հի՞նչ պտի ըլի... հրեն, թաղումն
ա... աղաք ու պսակված տղերանց խելքից հանում ա ու
ապրում...

Պառավր արտքալով վեր կացավ, գոգը թափ տվեց ու
կարծես նոր տեսավ ինձ:

— Դուն վո՞վ ե՞ս...

— Որք եմ,— տասցի ես անուշադիր ու ցրված:

— Դե որ որք ե՞ս...

Նա մի բռակ մտածեց, կարծես շիմանալով ինչպե՞ս շա-
րունակել...

— Հա՛վ ա, լա՛վ ա,— հետո, մաքրված կանաչները բուռ
արած, խրճիթ մտավ.

— Հա՛վ ա...

Նա նայում եմ շուրջս. արևը ծածկվում է ամպերի հետև,
իսկ անտառը մթնում է ու տխրում:

...Սպիտակ աղավնին իջել է լճափը, թռչել է փե-
տուրները լճափին և լողացել է լճի արծաթ ջրերում: Հետո
փչել է անտառային մի քամի և ցրիվ է տվել լճափի սպիտակ
փետուրները: Աղջիկը դուրս է եկել աղավնակերպվելու և չի
գտել, չի գտել իր փետուրները: Աղջիկը աշխարհ է մտել և
ապրում է հիմա ո՞վ գիտի, ո՞ր անտառում, ո՞ր քաղաքում,
կամ ո՞ր հովտում...

Նունիկ, որքա՞ն դու նման էիր այդ մարդացած աղաւթ-
նուն և որքա՞ն նման շէիր...

Սա որտե՞ղ, որտե՞ղ գտնեմ նրան, որտե՞ղ որոնեմ, շէ՞
որ ես ծնւել ևմ նրա համար, որպէսդի գտնեմ, դտնեմ նրան...

էլ ինչո՞ւ եմ ապրում ես, ինչո՞ւ դաղթի ձանապարհին մի
ծի շկոխոտեց ինձ, ինչո՞ւ անտառապահի գնդակներից մեկը
ինձ շղիպավ...

...Ամպը որոտաց անտառի վրա, և կաթեց անձրևի խո-
շոր կաթիլը:

25. ՕՐԵՐ

(Հասկածներ հուշատետրից)

191... ր., օգոստոսի 6, Դիլիջան

Այսօր շատ ուրախացաւ Օրիորդ Նաղիկը ինձ սպիտակ
կոթով մի դանակ նվիրեց:

8 օգոստոսի

Այսօր եկավ Արտաշի մայրը և գտավ Արտաշին: Արտաշի
մայրը լաց եղավ, Արտաշն էլ լաց եղավ, հետո հավաքվեցին
որքեր, նրանք էլ լաց եղան, եկան օրիորդներ, օրիորդներն էլ
լաց եղան, բոլորն էլ մի խոսքով լաց եղան, իհարկե, ես էլ
լաց եղա:

Շատ ուրախ էր:

9 օգոստոսի

Այսօր ես նստել էի խոհանոցում և նայում էի վարպետի
պատրաստած կոստիւտները ինչպէս են եփւում: Վարպետը
պոլսահայ է, իսկ անունը Սիմոն: Ներս մտավ մայրապետ
Աքաբին և հարցրեց՝ ճաշ պատրա՞ստ է: Հետո շատ և շատ

պինդ խփեց վարպետ Սիմոնի մի տեղին և փախավ: Վարպետ Սիմոնը բարակ բեղեր ուներ. նա Աքաբու գնալուց հետո ասաց. «բեղերս կկտրեմ, թե օր մը քեզի...» — ու վատ խոսք ասաց: Ես գնացի անտառ ու նրա ասած խոսքը մի քանի անդամ ասի: Լավ չէր:



12 օգոստոսի

Այսօր օրիորդ Նազիկը ասաց ինձ — «քեզ հետ ոռւսերեն պարտապեմ», ես շատ ուրախացաւ, իսկ նա վաղը գիրք պիտի բերի: Այսօր անձրև եկավ և անանակ դուրս եկավ. ես Սուլթանին ասի, ասի «Սուլթան, դնա անանակի տակով անցի, դարձի տղա» նա ասաց՝ «աղջիկ լավ է», և ես նրա հետ համաձայն էի, որ աղջիկը ավելի լավ է,



13 օգոստոսի

Այսօր հիշեցի մորս, իսկ սուպը լավ էր: Իսկ Սիմոնն ու Աքաբին անտառ գնացին: Օրիորդ Նազիկը երեկոյան ինձ կանչեց իր սենյակ և գիրք սովեց ոռւսերեն: Հետո սկսեց պարտապել: Մի քանի գիր սովորեցի, իսկ օրիորդ Նազիկը շատ է ուզում, որ ես ոռւսերեն սովորեմ:

Իսկ ես կսովորեմ,



14 օգոստոսի

Օրիորդ Նազիկը այսօր չեկավ: Ես ոռւսերեն գիրքն առի և գնացի անտառ: Բայց չգնացի հեռու և շատ պառկեցի: Այսօր լավ չէր: Հետո Աքաբին ինձ զարթեցրեց և հարցրեց՝ վարպետ Սիմոնին չե՞մ տեսել. ես մայրապետ Աքաբուն ասի, որ չեմ տեսել: Հետո նա գնաց, իսկ ես շատ պառկեցի:



15 օգոստոսի

Այսօր եկավ օրիորդ Նադիկը: Հետո ինձ հետ շատ մուտ եկավ: Հետո հարցրեց՝ լա՞վ էր վան: Իսկ ես նրան պատմեցի: Հետո ասաց, ոչինչ, էլի կերթաս վան, ես շատ ուրախացա, հետո նա տխրեց, ասաց՝ ես էլ կգամ վան, մեկտեղ երթանք վան, հետո նա ուրախացավ, և ես տխրեցի: Հետո պարապեցինք:



15 օգոստոսի

Այսօր երեք մարդ եկան գրեցին, թե ո՞վ ի՞նչ է կորցրել: Ասին, ով բան է կորցրել կամ թալանել են, կգրենք, կուղարկենք Ֆրանսիա, Նգիպտոս, Գերմանիա, նրանք կուղարկեն: Արտաշ գրել տվեց 10 կով, 10 արտ, 10 ոչխար, 10 գառ, 10 այծ, 10 ուլ, 10 հավ, 10 ճուտ, 1 աքլոր, 1 հալլ: Իսկ ես ոչինչ չասի, իսկ օրիորդ Նադիկ շատ բան ասաց իմ տեղ: Լավ էր:



16 օգոստոսի

Այսօր մայրապետ Աբաբին լաց էր լինում և թեյ էր բաժանում: Ես հարցրի՝ ինչո՞ւ կուլաս, իսկ նա ասաց՝ Սիմոնին հարցրու. իսկ ես Սիմոնին հարցրի, նա ասաց. երեխով են ձգեր, է, ո՞վ է մեղավոր: Ես շատ դարձացա: Հետո նա ասաց, ուրիշի տղա պահելու հետ քեֆ չունեմ, եղածը եղած է... հետո սկսեց թուրքերեն երգ երգել:



17 օգոստոսի

Այսօր նկարվեցինք: Ես նստեցի օրիորդ Նադիկի մոտ. նա ասաց՝ մի անգամ էլ մենակ ես ու դու նկարվենք, ես ասի՝ հա: Հետո ճաշեցինք, պարապեցինք. հետո Օրիորդը և օրի-

որդ նազիկը շատ խոսեցին Աքաբու մասին. խոսեցին ոռան-
րեն, հետո հայերեն ասին՝ հիվանդանոց տանել, իսկ Աքա-
բին շատ հաստ և առողջ է: Ի՞նչ հիվանդանոց: Հետո նրանք
կանչեցին Աքաբուն և հարցրին, որտեղից է, իսկ նա լաց
եղավ և ասաց, չգիտեմ. իսկ Օրիորդը բարկացավ ասաց, չորտ
զնայետ, որ դու չգիտես, ե՞ս գիտեմ...

Սա շհասկացա, այնպես որ չգիտեմ, լավ էր, թե լավ չէր:
Իսկ երբ որ մարդիկ լալիս են, լավ չէ:



18 օգոստոսի

Այսօր մի շատ լավ և դարմանալի բան կատարվեց: Օրի-
որդ նազիկի հետ մենք նստեցինք իրենց սենյակ, պարապե-
ցինք: Հետո սեղանի վրա մեր դիմաց հայելի կար: Օրիորդ
նազիկ ասաց, տես ինչ սիրուն է, ու ցույց տվեց հայելին:
Իսկ հայելու մեջ երևում էր մեր երկսի գլուխը իրար մոտ,
շատ գեղեցիկ: Հետո նա դարձավ դեպի ինձ և ասաց.—
ապա՞,— ու նա մոտեցրեց հայելին, և մեր գլուխները կողք-
կողքի շատ գեղեցիկ էին: Էլ դրավոր շնայեց, հետո ասաց,—
ե՞ս եմ երկար, թե դո՛ւ,— և իհարկե, նա էր երկար: Հետո նա
ասաց՝ համբուրիր ինձ և գնա քնիր, իսկ ես համբուրեցի, իսկ
նա ասում էր՝ այստեղ էլ, այստեղ էլ. իսկ ես համբուրեցի:

Այսօր ուրիշ տեսակ էր:



19 օգոստոսի

Այսօր մայրապետ Աքաբին չկար և շատ փնտրեցին. իսկ
Սիմոնն ինձ տեսակ-տեսակ բան պատմեց, և ես չեմ կարող
գրել: Այսօր չպարապեցինք: Այսօր քաղցր շայ խմեցի երկու
բաժակ և շատ լավ էր:



20 օգոստոսի

Այսօր Աքաբուն անտառից մեռած բերին, և նա մեռած էր: Իսկ նրանից մի քիչ հեռու եղել է մի ծանր քար և մի մեռած, շատ փոքրիկ երեխա: Աքաբին գնացել է անտառ, ծանր քար է վերցրել, և արշուն է եկել և մեռել է: Բոլոր որբերը խոսում էին, իսկ վարպետ Սիմոն չէր խոսում և միայն եփում էր, իսկ ճաշը շատ աղի էր: Իսկ Սուլթան ասաց, օրիորդ Նազիկն էլ ծանր քար պիտի վերցնի. ևս ասի օրիորդ Նազիկին, որ ծանր քար չվերցնի, իսկ նա դարմացավ և բարկացավ: Ես շատ դարմացա, որ նա դարմացավ և բարկացավ:

Հավ չէր և տւրախ չէր:

Իսկ մայրապետ Աքաբուն տարան և թաղեցին:



21 օգոստոսի

Այսօր երազ տեսա և շատ ուրախացա. տեսա Վան, մայրիկին, Անուշին, Կալիփսին և Սուրենին, Խորենին, Եվ նստած էինք Պանտիշի ձիու վրա և դնում էինք էրմանց. հասանք սուրբ Գրիգոր. տեսա Ադրին պատի տակ կուլա և շատ տխուր էր: Հետո ուզեցի օրիորդ Նազիկին պատմեմ, իսկ նա խռովել էր և չէր խոսում: Ես էլ խռովեցի և անտառ դնացի: Իսկ երեկոյան շոնացի նրա սենյակ, և նա եկավ և ասաց՝ անցիր պարապմունքի: Նա ժպտաց և պարապմունքը վերջացավ, և նա ասաց՝ դնա քնի: Իսկ ես շատ վատ եղա և հետո լացի: Նա գրկեց ինձ, համբուրեց, և ես շատ հանդստացա:

Այսօր սովորեցի պոլ, պատալոկ, ստոլ, ստուլ, խաւաշո, պլոխո:

Այսօր խաւաշո էր:



22 օգոստոսի

Այսօր եկան ասին՝ քեզ կանչում են. ևս դուրս եկա և տեսա մի տղա: Նա ասաց, դո՛ւ ես Աճեմյան Գուրգեն. ասի հա. ասաց նամակ ունիս, կարդա, պատասխանիր: Եվ կարդացի:

«Գուրգեն ջան, ջան, ջան...

Քեզ շատ եմ կարոտել, ջան, ջան, ախ, երբ կլինի մուրադիս հասնեմ, Գուրգեն ջան, ջան, ջան: Կսել եմ, որ նազիկի հետ ես լինում, ջան, նրա հետ մի լինի. նա լավը չէ Գուրգեն ջան, ջան ու ջան, ջան: Երեկոյան քեզ անտառում կապասեմ, կանաչ նստարանի մոտ: Կարոտել եմ աչքերիդ, երեսիդ, քթիդ, ջան, ջան, ջան, հազար ջան: Ն.Ս:

Իսկ ես շատ վատ եղա, քրտնեցի և սիրտս խփում էր. և տղան ասաց՝ պատասխան տուր, ասի թող գա անտառ, իսկ ես նամակը տարաւ տվի օրիորդ Նազիկին: Օրիորդ Նազիկ շատ բարկացավ և ասաց անտառ չերթաս, փճացած աղջիկ է: Իսկ ես, իհարկե, չգնացի և մինչև ուշ գիշեր օրիորդ Նազիկի մոտ պարապում էինք:



23 օգոստոսի

Այսօր նունիկը եկել, նստել էր որբանոցի մոտի դարի վրա. ինձ տեսավ և մատներով կանչեց: Իսկ ես չգնացի: Իսկ ես շատ վի ուղում գնալ և վախենում էի օրիորդ Նազիկից: Հետո պարապեցինք, իսկ պարապելու ժամանակ պատուհանը ծեծեցին: Օրիորդ Լուսիկը վարագույրը բացեց, նայեց, հետո պատուհան բացեց, և լսվեց, որ նվագում են: Եվ երևաց մի կանաչ գլխարկով տղա և նվագում էր, և օրիորդ Նազիկին ասում էր գնանք. իսկ օրիորդ Նազիկն ասում էր՝ Սաշա, չի՞ լինի որ չգամ. իսկ տղան ասում էր, որ տոմսեր տուել եմ: Հետո օրիորդ Նազիկ հագավ ժակետ և երեսի՝ քսեց սպիտակ, և տղան պատուհանի տակ նվագում էր և երգում: Եվ օրիորդ Նազիկ ինձ ասաց, գնա քնի հանգիստ, ես թատրոն եմ գնում, և ես շատ վատ եղա և ըղձացի, որ նունիկի մոտ չգնացի, երբ նա մատներով կանչեց. նրանք գնացին, իսկ ես դուրս եկա, և լուսին կար, և տղան շարունակ նվագում էր, և էլ չլսվեց:

Եվ ես գնացի նստեցի նունիկի նստած տեղը և քնեցի. և մեկ վր դարթնեցի, լուսին չկար, իսկ ես վախեցա, մի քիչ գնացի և լսեցի, որ էլի նվագում են. իսկ ես մութ-մութ տե-

աս, որ օրիորդ նազիկ և այն տղան գալիս են, և տղան մի
րան ասաց, իսկ օրիորդը բարձր ծիծաղեց և ասաց՝ մեռնես
Սաշա. և ես շատ ուրախ կլինեի, որ նա մեռներ:

Եվ օրիորդ նազիկը ներս մտավ, իսկ տղան մի երգ սող-
սողալով իջավ գնաց:



24 օգոստոսի

Այսօր եկան ու ասին, որ մեծ տղաների որբանոց է բաց-
վել և բոլոր մեծ տղաներ պիտի երթան այդ որբանոց, և ես
շատ տխրեցի: Օրիորդ նազիկը Օրիորդին ասաց՝ Գուրգենին
չթողնենք, իսկ Օրիորդ ասաց՝ ուզում ես մնալ, իսկ ես ասի,
որ ուրիշ տեղ չեմ գնա: Եվ օրիորդ նազիկ ասաց՝ քեզ հա-
մար մանդուլին նվագեմ, և գնացինք անտառ նստեցինք, և
նա նվագեց: Հետո ես բռնեցի նրա ձեռք և տեսա, որ շատ
փոքր և սպիտակ ձեռք ունի, և ուրախացա: Իսկ նա ժպտաց
ինձ, և ես շատ ուրախացա:



26 օգոստոսի

Բաց խուրջինը և տուր դանակը, և մայրիկին կարոտում
եմ, և սիրտս խառնում է:



27 օգոստոսի

Երեկ ես գնացի Օրիորդի սենյակ գիրք վերցնելու, և նա
ճաշում էր. և նա ասաց, ուզո՞ւմ ես կես բաժակ գինի, և ես
խմեցի, և փորս տաքացավ: Հետո նրան կանչեցին, և ես
մեկ էլ խմեցի, մեկ էլ, կես էլ, իսկ Օրիորդը ներս մտավ և
խփեց իր երեսին, ասաց, խմե՛լ է, հարբե՛լ է, հարբե՛լ է,
իսկ ես ծիծաղում էի և ասում՝ դու, Օրիորդ, գնա բեղերդ
կտրի, յո՛ւ, յո՛ւ յո՛ւ, Օրիորդ քեզ ունի, Օրիորդ քեզ ունի:
Հետո դուրս փախա և տեսա Սուլթանին և նրան կծեցի, և

նա ճվաց, գնաց Օրիորդի մոտ, և ես ով տեսա կծեցի և երգում էի: Եվ գնացի օրիորդ Նազիկի սենյակ և ասի՝ օրիորդ Նազիկ քեզ պիտի առնեմ, էրթամ Վան. հետո անտառ փախա և տեսա, որ ուղում են գան ինձ բռնեն. հետո ես էլ փախա և մյուս դռնով էլի մտա օրիորդ Նազիկի սենյակը, մտա մահճակալի տակ: Հետո օրիորդ Նազիկ ներս մտավ և գտավ ինձ մահճակալի տակ և սկսեց ծիծաղել, իսկ ես սկսեցի լալ: Իսկ ես նրան ասի՝ դու ծիծաղի, հետո Աքարու պես ծանր քար կվերցնես, և նա լաց եղավ, իսկ ես մահճակալի տակ շատ և շատ ծիծաղեցի, հետո ինձ տարան պառկեցրին և երազում տեսա, որ օրիորդ Նազիկը լայով գնում էր անտառ Աքարուն փնտրելու:

Այսօր, որ հիշում եմ, շատ վատ է և ղլուխս ցավում է: Իսկ Սուլթանը երեսը կապել է:



29 օգոստոսի

Այսօր միայն համբուրվեցինք. փորձեցինք. ով է ուժով և, իհարկե, օրիորդ Նազիկն էր ուժով. իսկ ես շուղեցի նրա փոքրիկ ձեռքը ցավացնեմ. հետո նա ինձ ասաց՝ կծիր ինձ, իսկ ես շուղեցի, որ նա էլ Սուլթանի պես երեսը կապի: Զկծեցի, և նա խռովեց և մանդուլինա նվագեց:

Այսօր գնացի անտառ և երգեցի, և իմ ձայնը շատ լավ էր:



30 օգոստոսի

Այսօր անձրև է գալիս և շատ տխուր է, իսկ միջանցքում տղաները պարում են ու երգում.

Մշու դաշտը դուման է,
Հա՛յ, դուման է, դուման է:

Եվ ես հիշեցի Ուրբաթ առուն: Այնտեղ ամեն ուրբաթ այգեստանցիք գնում էին, ման էին գալիս և պարում էին. հետո քաղաքացիք իրենց համար պատրաստեցին Շաբաթ.

առու և շաքաթ օրերին էին գնում քեֆի: Իսկ էնտեղ տղաներն աղջիկներին աչքով էին անում և հետո պատկւում էին: Հետո պարում էին, և հնչակներ ջոկ էին պարում, դաշնակները ջոկ և ռամկավարները ջոկ: Չեղոքները ման էին գալիս, իսկ Փարամազը Պոլսից եկավ ու ասաց՝ Չեղոք մարդիկ, անպետք մարդիկ:

Իսկ ես նստել եմ պատուհանի մեջ և նայում եմ անտառին, և հետո շգիտեմ ինչու սիրտս կտոր-կտոր է լինում: Իսկ անձրևը գալիս է, և շատ տխուր է:



31 օգոստոսի

էլի անձրև է գալիս: Այսօր ես հիշեցի, որ երեկ շեմ պարապել և գնացի օրիորդ Նազիկի մոտ: Նա պառկած կարգում էր և շատ ուրախացավ, որ գնացի: Հետո ես ասի, ինչո՞ւ երեկ չպարապեցինք, իսկ նա ասաց, որ ես չկանչեմ, չպիտի դաս. հետո ասաց՝ դու ինձ չես սիրում, իսկ ես ասի, որ սիրում եմ, և նա ցույց տվեց իր սպիտակ թևի վրա մի սև խալ և համրեց իմ երեսի խալերը ու ծիծաղեց:

Հետո մի մեծ մեշոկ շալակած ներս մտան Արտաշ, Խազալ և Ասատուր. նա ասաց՝ Օրիորդն ասաց այս մեշոկ օրիորդ Նազիկի սենյակ տար, իսկ օրիորդ շատ դարձացավ և ասաց, ինչ գործ ունի իմ սենյակում մեշոկ, և ասաց՝ դիր այդտեղ, և նրանք գնացին: Իսկ օրիորդ Նազիկ պատուհանի տախտակները փակեց, և շատ մթնեց, և նստեց իմ կողքին, և մեկը ծիծաղեց: Օրիորդ Նազիկ պատուհանը բացեց, և մեշոկը շարժվեց: Օրիորդ Նազիկ ոտքով խփեց մեշոկին, և լսվեց՝ վայ, կողս: Հետո դուրս եկավ Սուլթան և փախավ, իսկ տղաները շատ խոսում էին, երբ ես ներս մտա, սուտ արին, իսկ աղջիկները ծիծաղում էին:

Պլսխո:



6 սեպտեմբերի

Օրիորդ Նազիկը հրաժարվեց, գնաց, իսկ վաղ մեծ տղաներին տանում են նոր որբանոց:

26. ՆՈՐ ՈՐԲԱՆՈՑ

Բոլոր որբանոցներից հավաքեցին հասակավոր տղաներին (10—14—15 տարեկան), և եղավ մեծ տղաների որբանոց:

Գլխավոր խճուղու վրա կանգնած սպիտակ մի շենք էր սա, երկար պատշգամբով, իրար մեջ բացվող հինգ քառակուսի սենյակ-ննջարաններով, մի սերտարան ճաշարանով, մի խոհանոցով. ապա մի սենյակ, ուր ապրում էր մեր կառավարիչ՝ պարոն Տիգրանը, և դաստիարակը (պարոն Համբարձում, թե՛ վաղարշակ):

Էր տխուր և անձրևային օր, երբ զանազան որբանոցներից գրեթե միևնույն ժամին, իրենց հին տեղերին վարժված և այժմ նոր անակնկալների և փորձությունների առաջ կանգնած, անհանգիստ դեմքերով հասակավոր որբերը հավաքվեցին սերտարանում:

Եկավ պարոն Տիգրանը, կապույտ աչքերով, շեկ կիսազանգուր մաղերով, խոհական ժպիտով մի երիտասարդ և սկսեց հարցումն ունենալ ով որտեղացի է, ով որքան է սովորել, ով ինչ գիտե և այլն: Պարոն Տիգրանը բոլորիս վրա թողեց միանգամայն նպաստավոր տպավորություն, և առաջին իսկ զրույցից որբերը կապվեցին նրա հետ:

Հետո մենք սկսեցինք նայել մեկմեկու աչքերի և հոգու խորքը: Ձգվեցին անտես թելեր սրտից սիրտ, աննշմարելիորեն մշակվեցին կենդանի փոխհարաբերություններ. մենք ուզում էինք որքան կարելի է շուտ ծանոթանալ մեկմեկու նախասիրությունների, բնավորության, անցյալի և մտադրությունների հետ: Իսկ դա այնքան էլ հեշտ չէր: Ոչ ոք չէր ուզում առաջին հանձնվողը լինել, ոչ ոք չէր ուզում առաջին անկեղծն ու բացը լինել: Լեմեն ոք վախենում էր առաջինը մերկանալ, վախենալով, որ կարող է դառնալ ծիծաղելի:

Բայց ահա մեկն սկսեց նկարել և դուրս բերեց քաջ Վարդան Մամիկոնյանի դեմքը: Մի քանի հոգի կենդանի վերաբերմունք ցույց տվին դեպի նրա վաստակը: Մյուսը թղթից նավ շինեց, իսկ երրորդը՝ ծիտ: Մեկը շշուկով հարցրեց իր

հարեանին ինչ-որ տեղի մասին, և նրանք միասին վեր կացան ու գնացին: Հետո նրանք իմացան միմյանց անուններն ու մտերմացան:

Կյանքը նոր որբանոցում սկսեց հոսել և հյուսվել:

Մեծ տղաներից հինգ հոգու տեղավորեցին մի սենյակում: Այստեղից էլ սկսվեց հինգի մտերմությունը. նրանք էին՝ Հայեր, Գևորգ, Գառնիկ, Հարություն և ես: Գևորգը կառավարիչների համար ճաշ վեր տանում և դրանով նա երկու թե երեք գլխով բարձր էր հաշվվում մյուսներից: Հայերն աչքի բնկավ իր գեղեցիկ ձեռագրով, իսկ Հարությունը...

Այս տղան դաժ ձայնով խոսել չգիտեր. ինքը լեռնային երկրի զավակ՝ ամենահասարակ բանի մասին խոսելիս այնպես էր գոռում, որ մի անգամ պ. Տիգրանն ստիպված եղավ նրա վրա քրդերեն գոռալ:

— Հարություն, տո, իժի ծնունդ, մի գոռա, դանգետա շիյո կանառ... (ձայնդ գրասենյակ հասավ):

Արժանի է հիշատակել Գառնիկին. մի վերին աստիճանի միամիտ, բայց միաժամանակ խորամանկ տղա էր Գառնիկը: Այսպես, օրինակի համար, նա կղարմանար և կուրախանար, եթե մեկը մի քարով կարողանար դիպչել հավի պոչին, բայց նա կարող էր հավ սպանել, եփել, ուտել, իսկ փետուրները լցնել իր խոտե բարձի մեջ, վասն փափկության... Նվ այս ոչ ոք չէր իմանա:

Հիշատակենք և այն, որ մենք ճաշով կապված էինք աղջիկների որբանոցի հետ: Աղջիկների որբանոցը դառնվում էր մեր որբանոցից ոչ հեռու, կամուրջի վրա: Ամեն օր, ճաշի ժամանակ, շարքով գնում էինք, վայելում աղջիկների տեսքն ու սպասարկությունը, ճաշում և վերադառնում: Շուտով պարզվեց, որ մեզնից շատերն աղջիկների որբանոցից վերադառնում են ինչ-որ «տպավորություններով», իսկ դիշերներն զրազվում նրանց «վերանայումով»... սրա դեմն առնելու համար. պ. Տիգրանը գնեց և մեր մեջ տարածեց «Մտերմական խորհուրդներ պատանիներին» գիրքը, որն ընդունվեց խանդավառ ոգևորությամբ:

27. ԱՌԱՋԻՆ ԲԱՆԱՍՏԻՂԾՈՒԹՅՈՒՆԸ

Բաֆֆու «Խենթ»-ը վերջացնելուց հետո ևս փորձում եմ քնել, բայց ոչ մի կերպ չեմ կարողանում: Պատկերներ և տեսիլներ խժվժում են գլխիս մեջ: Ննջարաններում տիրում է խորին լռություն. լսվում է միայն քնած տղաների խաղաղ շնչառությունը: Ներս է մտնում մայրապետը, ծածկում է տղաներին և զգույշ քայլերով հեռանում: Ուրեմն կեսգիշեր է: Ես վեր եմ կենում, հագնվում եմ, անցնում եմ սերտարան, վառում եմ լույսը, վերցնում մի թերթ թուղթ և վերցնում գրիչը: Ինչի՞ համար եկա ես այստեղ, ի՞նչ անելու եկա:

Խաղաղ գիշերը փովել է Դիլիջանի և անտառների վրա, գետը խշխշում է ներքևում, իսկ վերևում վերի որրանոցն է,— այնտեղ կար մի Բիլի, իսկ հիմա չկա:

Ինչի՞ համար եկա ես այստեղ, ի՞նչ անելու եկա:

Բիլու հետ եկա ես այստեղ էջմիածնից, իսկ Բիլու հետ ևս ծանոթացա էջմիածնում: Որբեր կային այնտեղ, գաղթականներ և մեռելներ, ու մեռելների վրա նորից մեռելների: Յոթ սարերից անդին նրանք թողին ողջը, ինչ ունեին, տեղահանեց նրանց սև մի ձեռք և նետեց Մասիսից ասդին: Նդուվում են նրանք թագավորին և աստծուն, նդուվում են ու շեն հանգստանում:

Ինչի՞ համար եկա ես այստեղ, ի՞նչ անելու եկա...

Խաղաղ գիշերը փովել է Դիլիջանի և անտառների վրա, իսկ ներքևում խշշում է գետը:

...Շամիրամի գետ կար, Շամիրամի ջուր էր կոչվում. այնտեղ, այդ ջրերի մեջ, լողացել է Շամիրամ թագուհին: Հետո երևի նստել է քառաձի կառքը, կառքը կանգնեցրել է բերդի պարիսպների տակ, իսկ ինքը բարձրացել է բերդը:

Շամիրամի գետի մոտ, թուրքերի փախի օրերին, ես տեսա մի թուրք պառավի այլանդակված դիակը, իսկ դիակի մոտ սև մի կատու:

Երևի պառավը նրա տիրուհին էր:

Իսկ այդ գետում լողացել է սպիտակ թագուհի Շամի-

րամբ, նա, կրքոտ այդ թագուհին, Արա Գեղեցիկի լեզենդար
երկրպագուհին:

Պառավր: Կատուն: Շամի...

Սերտարանի լռության մեջ ճոճոում է գրիչը, և թղթի
վրա դուրս է գալիս մի բառ՝ «Հայրենիք»:

Հետո գրում եմ հինգ տուն բանաստեղծություն, որի վեր-
ջին տողն է. «Գրկիդ մեջ պառկեմ ու մեռնեմ...»:

Երբ վերջացրի բանաստեղծությունը, մեծ, շատ մեծ
մարդ թվացի իմ աչքին, այնքան մեծ, որ եթե հնար լիներ,
ծունր կղնեի իմ առաջ և աղոթքի ու փառաբանության խոս-
քեր կասեի:

Այդ բանաստեղծությունը...

Դրանից հետո ես շատ լավ ու վատ երգեր գրեցի, բայց
երբեք, երբեք իմ սիրտը չլցվեց վսեմ այդ զգացմունքով և
դողով:

Երբեք:

...Հուսաբաց էր: Մայրապետը վառեց ինքնաեռը, առա-
վոտվա թեյի համար:

28. ԱՐՅՈՒՆՔ ԵՎ ԱՐՏԱՍՍԱՆՈՒԹՅՈՒՆ

Մտանում էր նոր տարին:

Պարոն Տիգրանը պատրաստում էր հավուր պատշաճի
որբանոցային հանդես:

Ձեմ հիշում ու՛ր ինչ, բայց ինձ վիճակվեց արտասանել
պարոն Տիգրանի երկու ինքնուրույն բանաստեղծություննե-
րը, որոնցից առաջինում խոսվում էր ինչ-որ քույրիկի, հե-
ղինակի անմխիթար և լուրջ կացության մասին, ապա ինչ-որ
նուրբ ակնարկ այն մասին, որ հեղինակը սույն այդ քույրի-
կից սպասում է ինչ-որ օգնություն... Գալով այդ օգնության,
պետք էր որ այդ շափազանց անհրաժեշտ լիներ հեղինակի
համար, քստ որում շորս տուն ունեցող այդ բանաստեղծու-
թյան մեջ 6 հատ «ախ» կար և 3 հատ «հեյ- վախ»... Մյուս

բանաստեղծությունը նվիրված էր զուտ հասարակական
վշտին, որից շորս տող դեռ հիշում եմ.

Զուլում տարի, թալան տարի,
Խալան, գուլում, յաման տարի,
Սև սուգ բերի, սևով էկար,
Անտեր տարի, վերան տարի:

Բանաստեղծության վերջում կար ինչ-որ հաստատ
հավատքի պես մի բան առ այն, որ պետք էր վերջանար այդ
ամենը և ծագեր ինչ-որ արև...

Ավելորդ է ասել, որ այդ բանաստեղծություններն ինձ
վրա թողին ցնցող տպավորություն, և ես նրա վրա այն ժա-
մանակ սկսեցի նայել այնպես, ինչպես հիմա նայում եմ,
ասեմք Պուշկինի վրա... Անաշառ լինելու համար արձանա-
դրենք, որ նրա վսեմ հեղինակությունը զգալի չափով նսե-
մացավ, երբ նա փոխանակ նույն հիացմունքով ընդունելու
իմ սեփական ստեղծագործության երախայրիքը, բավականա-
ցավ թույլ տեղերը մատնանշելով և ինձ մի-երկու քաջալե-
րանքի խոսք ասելով...

Հասավ նոր տարին, երեկույթի օրը:

Դահլիճը լիքն է: Բոլոր արտասանողները բեմի հետևն
են: Վարադույրը փակ է, իսկ իմ սիրտը հուզմունքից դո-
ղում է:

... Երբ ես բեմ դուրս եկա ու նայեցի դահլիճից դեպի
ինձ սկենոված բաղձաթիվ աշքերին, ունեցա այն զգացմունքը,
ինչ որ կունենար բարձր սարից դեպի անդունդ նայողը: Ես
աչքս փակեցի և բերանս բաց արի: Զգիտեմ ինչպես վեր-
ջացրի, բայց վերջացրի: Այս ես իմացա նրանից, որ սկսե-
ցին բռնն կերպով ինձ ծափահարել: Ես գլուխ տվի և դուրս
եկա:

Բեմի հետև պարոն Տիգրանն էր: Նա ինձնից պակաս չէր
հուզվել:

— Մյուսն էլ, մյուսն էլ, — ասում էր նա: Ես «բիս»-երին
պատասխանեցի երկրորդ բանաստեղծությամբ:

Նորից ծափեր և «բիս»-եր:

Մինչև դահլիճում որոտում էին ծափերը, պարոն Տիգ-
րանը կուլիսներում, «օրվա» թերթը ձեռքին, մոտեցավ ինձ:

— Գուրգեն, ուրախ լուր...

— ...

— Կարդա...

Կարդում եմ, և աչքերս շաղվում են:

«Հայկանուշ Աճեմյանը կորցրել է իր ուղուն, Գուրգեն Աճեմյանին. տեղեկություն ունեցողներից խնդրվում է հայտնել Թիֆլիս, Վարանցովյան փողոց»...

Եվ հասցեն:

Կարծես գետինը շարժվեց ոտներիս տակ և հեկեկանքը բարձրացավ դեպի կոկորդս. այս ի՞նչ է, ցնո՞րք, իրականություն՞ն...

Իսկ դահլիճը շարունակում է ծափահարել և ինձ կանչել:

— Գնա խոնարհություն արա, — ասում է պարոն Տիգրանը:

Ուրախության և հուզմունքի արցունքով ես բեմ եմ մրսում գլուխ տալու, և հանկարծ դահլիճը լուռ է:

Ես ուղում եմ գոռալ, ասել, հաղորդել դահլիճին, որ գտե՛ք եմ մորս, որ կենդանի է նա, որ ես, ես ինքս անձամբ մայր ունեմ, և նա փնտրում է ինձ... բայց դրա փոխարեն ես արտասվում եմ և գլուխ եմ տալիս:

Ինձ հիմա այնպես է թվում, որ մինչև այսօր, դեռ ոչ մի բեմի վրա չի թափվել այդքան անկեղծ արտասուք...

29. ՍԻՐՈ, ԽԱՆԴԻ ԵՎ ՀԱՐՈՒԹՅՈՒՆ ԳԱՔՐԻՆԷՅԱՆԻ ՄԱՍԻՆ

— Մի օրիորդ քեզ դրսում հարցնում է...

Ես թողնում եմ գրքերս և սերտարանից դուրս թռչում, Դոան վրա կանգնած է օրիորդ Նազիկը:

— Դու ինձ մոռացե՞լ ես...

Ես ուղում եմ նրան ասել, որ չեմ մոռացել քեզ, որ կարոտել եմ և կարոտել շատ, որ քո համբույրները դեռ թաց են շրթունքներիս վրա, որ մինչև հիմա աչքերիցս չի հեռանում պայծառ հայելու մեջ ցոլուն մեր երկուսի գլուխները, որ դեռ երգում է մեջս քո մանգոլիներ և քո երգը.

Ах, зачем эта ночь
Так была хороша...

Հետո՝ ինչ-որ խոսքեր և душа.

Ես ուզում եմ էլի շատ բան ասել, բայց դրա փոխարեն
ասում եմ.

— Մայրիկիս փոել եմ... Թիֆլիսումն է:

— Դրա համար էլ ինձ մոռացել ես, — ասում է նա տըխ-
րությամբ:

Իսկ ես նրան ուզում եմ ասել, որ, քնդհակառակը, ես քեզ
կտանեմ մայրիկի մոտ, և նա շատ, շատ կուրախանա, որ ես
մայրիկին կներկայացնեմ քեզ և կասեմ՝ «մա՛», սա օրիորդ
Նազիկն է, սա ինձ սիրելի է և համբուրել, սա մեզ հետ պետք
է ապրի, սրան անհրաժեշտ է վաճառանել, որովհետև այդ
նրա ցանկությունն է»:

Բայց ես միայն ասում եմ.

— Ես շատ ուրախացա... արդեն նրան տեղեկացրել են
իմ մասին:

— Ուրիշ ոչինչ չունե՞ս ինձ ասելու, — ասում է նա դող-
դողացող ձայնով...

Ես նայում եմ նրա դեմքին, նրա պարզ, կապույտ աչքե-
րին, և նա թվում է ինձ, ոչ թե օրիորդ Նազիկն է, այլ աշա-
կերտուհի, այո, այո, ինչպես ես այդ մինչև հիմա շեմ նկա-
տել, նա ունի կարճ շրջադգեստ, սև ու բազմածալ, հետո
ունի երկու շեկ հյուսեր. այդ նա, որ բանոցային սպիտակ և
երկար խալաթի մեջ է օրիորդ Նազիկ, իսկ այսպես... այսպես
նա Նազիկ է, ամենագեղեցիկ և սիրելի աղջիկը ողջ աշխար-
հում, ողջ աշխարհում ամենասիրելի աղջիկը:

Ես ուզում եմ նրան ասել, որ քեզ սիրում եմ, Նազիկ,
օրիորդ Նազիկ, բայց դրա փոխարեն լռում եմ և անհագ աշ-
քերով նայում եմ նրան...

Իսկ նա շուտ է գալիս և դանդաղաբայլ հեռանում է...

Երեկոյան Հարությունն իր սովորական գոռոցով մոտե-
նում է:

— Նամակ...

— Մի՛ գոռա... ումից է...

— Օրիորդ Նազիկից...

— Մի՛ գոռա, ասում եմ...

Ես բաց եմ անում նամակը և կարդում եմ.

«Գուրգեն,

«Նաշա ազգուկա»-ն տուր Հարությունին: Դա այլևս բեզ
հարկավոր չէ, իսկ Հարությունին հարկավոր է:

Նազիկ»:

Ախ, այդպե՛ս...

Ես ինձ կորցրած՝ մի պինդ քացի եմ հասցնում Հարու-
թյունի փորին, իսկ նա գոռալով գնում է բողոքելու:

30. ՄՈՐՍ ՆԱՄԱԿ

«Իմ քաղցր որդյակ.

Նախ և առաջ կհարցնեմ քո անգին որպիսությունը, և
եթե մեզ հարցնես, մինչև գրյալ գրույս ողջ և առողջ ենք և
քո անգին տեսության կփափաքեմք:

Իմ քաղցր որդյակ. — հայտնի լինի քեզ, թե ինչ դառն
օրեր քաշեցիմք մեր բաժանումեն հետո: Կորցրած քեզ և Սու-
րենին, Խորենի և Տիգրանի հետ վան ներգաղթեցինք և ավե-
րակ գտանք: Լար վանն որպես Անի քաղաք, որ զոհ եղավ
բարբարոսության և անգթության:

Իմ քաղցր որդյակ.

Մինչ մենք նստած հաց թխեինք, լուր եկավ հանկարծ,
որ թուրքեր նորեն մտան քաղաք: Պահ մտավ ամեն մարդ մի
տեղ, իսկ ես Խորենին հավաքուն մտցրի և պահեցի, իսկ ես
տանիք բարձրացա: Հետո զղջալով Խորենեն բաժնվելու,
վար իջա և նրան ևս տանիք տարա. իսկ հավաքուն մի աղ-
ջիկ մտավ և ուրախ-ուրախ ուրախացավ, որ ապահով էր: Եվ
մենք տափեցինք տանիքի վրա և քաշեցինք թուրանջան ու
մնացինք: Իսկ վարադա սարեն փչեց ցուրտ քամի, և մենք
դողայինք:

Մեկ էլ լսենք, որ թուրքեր և քրդեր թաղ մտնեն և ջար-
դեն դռներ և թվանք թալեն: Եվ սրեն հասավ մեր տան և
նույնպես ջարդեցին դուռ՝ և թվանքով կոտորել սկսան: Հետո
գնացին, և Խորեն ջուր ուզեց, և ես վար իջա ջուր բերելու և

որտեղ ոտ դնելի՝ մարդու գլուխ էր, ոտ և փոք: Հուս որ լուսացավ, վար իջանք տանիքեն և տեսանք որ հավարուն մտած այն աղջիկն էլ սպանված էր և արուն էրթար հավարունեն:

Ալ ի՞նչ գրեմ, ձեռքս կաղա, և գրիչս դողա, երբ հիշեմ ամենն:

Հետո դերի ընկանք և մեզ Ոստան տարան և ունեին նալատակ Բիթլիս տանելու, բայց կամավորներն էկան և աղաւտեցին մեզ, և մենք նորեն ընկանք Իդդիրի ճանապարհ: Ննջեին ճանապարհի երկու կողքերուն վրա ուռած դիակներ և կապույտ երեխաներ, և թափված էին շատ բուրդեր և շաքարի հալած գլուխներ և սմավարներ ու պղինձ-սղնձակալ: Եվ դիակների մեջ շատ փնտրեցինք մայրիկին, բայց չգտանք և գտանք միայն Լեդրինի շոր և ճանաչեցի իմ կարած կոճակեն: Իմ քաղցր որդյակ:

Թե հարցանես տնեն և այդին—Հաջի-նանի ալուշի ծառ շորացել է, իսկ խնձորի ծառեր լավ են. մեր տուն վառեր են, իսկ մայրիկանց տուն՝ ոչ, բայց ավերակ են շիներ և տախտակներ վառեր են, իսկ պատկերներն ու հայելին ջարդեր:

Թե հիմա հարցնես՝ լավ ենք, և Սուրեն, Խորեն Միրանավորի որրանոցն են: Թիֆլիս քաղաք շատ մեծ քաղաք է և շատ գեղեցիկ: Ես կծառայեմ հիվանդանոցի մեջ և փառք ասածու: Իսկ բարեկամներեն մեռաւ տարաքախտ Կալփիսեն և մեր Ոստանիկ, իսկ պարոն Մկրտիչ, Վարդան և Գառնիկ լավ են և առողջ: Իսկ Տիգրան խանութ ունի:

Բավականանամ այսքանով և սպասեմ քո քաղցր նամակին և հուսով, որ մի օր պիտի արժանանամ քո քաղցր սուսության:

Մնամ քո մայր՝ Հայկանուշ Դ. Աճեմյան

191... թ. ի Թիֆլիս

31. ԱՇԱԿԵՐՏԱԿԱՆ ՇԱՐԱԴՐՈՒԹՅՈՒՆՆԵՐ

ՓԱՍՏԸ — 191... քվին, մեծ տղաներից բնաբեցին համեմատաբար Ե-ր առաջադեմ և բնգունակ որբերի և ուղարկեցին Երևան՝ Թեմակյան պարոցում սովորելու:

Հայերի շարադրութիւնը

Արեւն իր վսեմ ճառագայթների խուրձերը կթափեր Դիլիջանի անտառների վրա, երբ կարմիր ճաղերով, մոխրագույն ձիերով մեր ֆուրգոնը Դիլիջանից շարժվեց գեպի Երևան:

Թռչունների երգը, խառնված հովիվների կանչին, ոչխարների մայունը խառնված կովերի բառաչին, գետի խշշոցը, խառնված առլի կարկաչին, այս ամենը, որպէս զմայլելի ներդաշնակութիւն լսվում էին:

Կապույտ երկնքի վրա փայլող ոսկեգույն արեւը կարծես հույս և կյանք էր ներշնչում կենդանուն և անկենդանին, և մեր ֆուրգոնը գնում էր աղմկելով և օրորվելով:

Մենք անցանք կանաչ անտառների միջով, որոնց ծառերը կարծես մեկմեկու գրկած պարում էին «Մշուխրո» կամ «տալ-տալա» և տերեւները կարծես ծափ էին տալիս, իսկ նրանք պարում էին ափելի և ավելի եռանդով:

Ահա և Սևանա լիճը:

Իմ գրչով չեմ կարա նկարագրել նրա գեղեցկութիւնը և վերջացնում եմ իմ փոքրիկ շարադրութիւնը, որը գրեցի մեր Երևան հասնելու օրը, առավոտ կանուխ, երբ արեւն իր ոսկի ճառագայթների խուրձերը կթափեր Երևանի տների, սյգիների և մեր որբանոցի վրա:

Գառնիկի շարադրութիւնը

Իմ անուշիկ հայրենիքից բաժանվելուց հետո եկանք Դիլիջան, և այնտեղից ճանապարհովեցինք Երևան սովորելու:

Անշուշտ ողջունելի է:

Երբ դեռ ֆուրգոնը չէր շարժվել, ահա տեսնենք մեծ աղջիկների որբանոցից շուրս որբ աղջիկներ, սիրելի քույրիկներ, եկան և մեզ մի-մի զույգ կարմիր գուլպաներ ափին, որ իրենց՝ մեր սիրելի քույրիկներին, հիշենք: Եկել էին Սիրունը, Նոյեմ-

զարր, Սալվին և Սրբուհին: Իսկ դուլպա ստացանք ես, Գևորգը, Հայերը և Գուրգենը:

Անշուշտ ողջունելի է:

Հիմա եկել ենք Երևան: Մեր շորերը փոխեցին: Մենք պետք է այստեղ սովորենք և մարդ դառնանք, և անշուշտ ողջունելի է:

3

Գևորգի շարադրությունը

Առավոտովա թեյից հետո պ. Տիգրանը ինձ պատվիրեց, որ ճանապարհի պաշարը պատրաստեմ, և ինձ տրվեց պատրաստելու համար 27 ձու, մեկ ֆ. պանիր, աղ, 9 ֆունտ հաց, և ես լեցրի մեշոկ և բերանը կապելով դրի ֆուրգոնի մեջ, և բոլորս էլ բարձրացանք ու Դիլիջանին մնաս բարով ասելով՝ ճանապարհ ընկանք դեպի Երևան: Առաջին դյուղ հասնելուն պես մի քիչ քաղցածացանք, և ես բոլորին բաժանեցի հաց և պանիր, ու կերանք: Ճանապարհին հանդիպեցինք ձմերուկներով լեցուն սայլի, բայց չկարողացանք ուտել: Սկան որ հասանք, մի-մի ձու էլ կերանք, իսկ ֆուրգոնչին ասաց, որ Սկանա լճի մեջ համեղ ձկներ կան: Մնացյալ պաշարը կերանք ճանապարհին և վերջապես հասանք Երևան, որը նշանավոր է իր պտղատու այգիներով: Նոր որբանոց հասնելով անմիջապես ճաշեցինք և կերանք հաց, սուպ և վերմիշելով փլավ, երբ արևն իր ոսկե ճառագայթների խուրձերը կթափեր Երևանի տների, այգիների և մեր որբանոցի վրա:

Բարձրացավ վեճ և անբավականություն: Հայերը պնդում էր, որ վերջին տողերը Գևորգը գողացել է իրենից, փաստարկելով, որ ճաշի ժամանակ առավոտ չէ, որպեսզի արևը կարողանա իր ոսկե ճառագայթների խուրձերը թափել: Գևորգը հակաճառում էր, որ իր արևը ոչ մի կապ չունի և չի ուղում ունենալ Հայերի առավոտովա արևի հետ և որ կեսօրվա, ճաշի ժամանակվա արևը պակաս ոսկի խուրձեր չունի:

— Մենակ քո արևն ի ոսկի խրձով, բայա՛մ...

— Մեքենա ես... իմ ասածն ես կրկնե...

— Դու ես մեքենա... իմ ասածն ուրիշ է, քոնն ուրիշ...

— Որ էդպես ի՞ դու ես ինձնից գողացել:

— Հեշ էլ չէ... արևն ինձնից ես գողացել...

— Սրան մտիկ... Նղրայր, ախր դու գրել ես ձվի, հացի, ձմերուկի, ձկան մասին... արևն էդտեղ ի՞նչ գործ ունի...

— Յա՛հ... հեղքին տես, բա արև որ չէլնի, ձու, հաց ձուկ, ձմերուկ ո՞րտեղից կլինի...

Փաստարկումն ավելի քան հիմնավոր էր, պատճառաբանված և ջախջախիչ: Ինքիդենար լուծվեց հոգուս Գևորգի, որն շտապեց դեպի խոհանոցի կողմերը, իմանալու համար, թե ինչ պիտի տրվի ընթրիքին...

Մենակ քո արևն ի ոսկե խրձով, բայա՛մ...

32. ՆՈՐԻՑ ՆՈՐ ՈՐԲԱՆՈՑ

Մեզ բաժանեցին մի քանի որրանոցների վրա և ահա շորս հոգու (կարմիր գուլպայավորներին) տեղավորեցին մի որրանոցում:

Մեզ շրջապատեցին տեղացի որբերու նրանք հագել էին երկար ֆարթուկներ և այդ զգեստավորումով խիստ նման էին մադերը կտրած աղջիկներին: Մենք մեր մտքում ծիծաղում էինք նրանց վրա: Պարզվեց, որ մեր կարմիր գուլպաները նրանց համար նվաղ ծիծաղելի չեն, հակառակ այն բանի, որ մենք այդ գուլպաները կրում էինք ավելի մեծ հպարտությամբ, քան որևէ ազնվական՝ իր ծիրանին:

Մեծ եղավ իմ դարմանքը, երբ ես տեսա մեր կառավարչուհուն: Դա ոչ այլ ոք էր, եթե ոչ Բրուտյան Արրահամի կինը: Ջահել և գեղեցիկ այրի կնոջ արժանապատիության և իր գեղեցկության գիտակցության շեշտված դրացումով՝ նա շրջում էր որրանոցում և անում էր կարգադրությունների: Որտեղից որտեղ դուրս է ընկնում Օննիկը՝ Քոյոշոն, մենք ողջագուրվում ենք, և ես ինձ այնքան լավ եմ զգում, որ թվում է թե տանն եմ և ոչ թե որրանոցում:

Որքանոցի բակում, ծիրանինների ստվերի տակ, ես և Օննիկը պատմում ենք մեր ապրումների և ապրած օրերի մասին։ Շատերն են մեռել, իսկ շատերի մեջ պայծառ աղջիկ Մայիսը, մեռել է Կաթաղան, Կուլոդչան Պանհանեսը։ Իսկ Վարդա՞նը, հարցնում եմ ես, ո՞ւր է Վարդանը։

— Այստեղ է, — պատասխանում է Օննիկը, — շուտ-շուտ գալիս է։

Այդպե՛ս...

Հնչում է ճաշի զանգը։ Բոլորն էլ շարքի են կանգնում ըստ հասակի կարգի. ամենից երկարը Առաքելն է, որին լագ-լագ են կանչում։ Շարքը շարժվում է դեպի սեղանատուն։ Այնտեղ երկար սեղանների վրա հավասար հեռավորության վրա շարված են ճաշի պարագաներ՝ դանակ, սլատառաքաղ, գդալ... իսկ և իսկ «ալաֆրանկա»։ Ներս ենք մտնում, ամեն մարդ բռնում է իր տեղը, բայց դեռ չենք նստում։

— Պատրաստ, — ասում է հերթապահը, և մենք սլատառաքաղովում ենք։

— Աղոթեք, — ասում է հերթապահը, և մենք աղոթում ենք...

Ով հա՛յր, օրհնե՛ ա՛յս սեղա՛ն,
Թո՛ղ բարիքնե՛ր հո՛ս տեղա՛ն,
Տո՛ւր մե՛զ քո սի՛րտ մանավա՛նդ
Ո՛ր մի՛շտ փառք տա՛նք սո՛ւրբ անվա՛նդ. ամեն...

Սկսվում է ճաշը։ Խոհանոցի և ճաշարանի մեջ մի քառակուսի անցք կա։ Շեկ բեղերով և մորուքով խոհարարը մեկ-մեկ լցնում է պնակները, իսկ սպասավորող որբերը բաժանում են ճաշողներին։ Երբ արդեն բոլորին բաժանած է լինում, կամաց մոմռում է խոհարարը.

— Մենձերին...

Հերթապահները վազում են դեպի մեծ տղաների պնակները։

— Մեծերին կրկին կա...

— Մեծերին, հա մեծերին, — քրթմնջում են փոքրերը և ազահ աչքերով նայում են մեծերի համար կրկնվող պնակներին։

Ճաշը վերջանում է:

— Ոտքի,— ասում է հերթապահը, և մենք կանգնում ենք:

— Պատրաստ,— ասում է հերթապահը, և մենք պատրաստվում ենք:

— Աղոթեք,— ասում է հերթապահը, և մենք աղոթում ենք:

Շնորհակա՛յ, ենք փոխարե՛ն բարյա՛ց,

Ո՛ր տվիր մե՛զ, ով տեր աստվա՛ծ,

Շնորհե ասկե՛ սնունդ առա՛ծ

Կործածել վա՛սն քո փառա՛ց. ամե՛ն...

— Անցե՛ք,— ասում է հերթապահը, և մենք անցնում ենք բակը:

Այստեղ Մելքոնը կախվում է ծառից և մարմնամարզությամբ է զբաղվում, Առաքելն իր երկար ձեռներն ու ոտները բացած լոք-լոք է անում և վախեցնում է Համդուչին, Գևորգը խորիմաստ դատողություններ է անում ճաշի սրակի և քանակի մասին, ռմանք վաղում են ջուր խմելու և լվացվելու, իսկ Մնացականը, թվարանության գիրքը ձեռին, բաշվում է ծառերի տակ և խնդիրներ է լուծում: 215 խնդիր արդեն նա լուծել է:

Գալիս է ծախսարարը. կանգնում է բակի մեջտեղը և գոռում է:

— Տիկին, Տիկի՛ն...

Դուրս է գալիս պատշգամբ տիկինը:

— Վաղվա խամար ի՛նչ առնեմ...

— Մարտիրոս աղա, կառնես երկու փութ կարտուլ...

— Առի...

— Մեկ փութ միս...

— Էլավ...

— Երեք փութ հաց...

— Էլավ...

— Մեկ փութ բրինձ, կես ֆունտ դարչին...

— Զրոնեց... դարչին չկա...

— Կգտնես, Մարտիրոս աղա, կգտնես...

— Թուաֆ-թուաֆ մի խոսի... չկա, դարչին չկա...

Գնում էր Մարտիրոս աղան և առաջին հերթին դարչին էր

փռնում: Իսկ Գևորգը զուր հասուկ քննության էր անում հա-
շերի բաղադրությունը. նա ոչ մի կերպ չէր կարող ցանկ-
թե ինչի մեջ էր գործածվում դարչինը: Նազարը բաղատեց,
որ պաշտոնյաների համար անանձին ճաշ է պատրաստվում,
և որ դարչինը նրանց կերակուրների համար է: Գևորգի աշխա-
տանքը կրկնապատկվեց. ուրեմն նա պարտավոր էր ոչ միայն
որրերի, այլև պաշտոնյաների ճաշերին հետևել...

— Հագ-լագն էկա՞վ, փախե՞ք, փախե՞ք...

Մաղրածու Հայկակն էր:

33. «ԶԱՋԱՐ, ՁՈՒԿ...»

Իջնում է իրիկունը:

Նույն կարգով նստում ենք թեյի:

Գալիս է խնամակալուհին՝ տիկին Հայկուհին, մի վիթ-
խարի, բայց համաշափ կաղմվածքով դեղեղկուհի, որն ինձ
վրա թողնում է ցնցող տպավորություն: Կրծքային մաքուր
տենորով նա խոսում է որրերի հետ, ծանոթանում է նորեկ-
ներին, անում է մի քանի կարգադրություն և կատավարչուհու
հետ բարձրանում է վեր:

Նազարը, որը զրեթե ամենից տարիքովն է մեր մեջ, դեռ
չի կարող իր հայացքով պոկվել այն դոնից, որից դուրս եկավ
տիկին Հայկուհին: Նա կծկվել է, երկու ձեռքով գրկել է աղղ-
րերը և մշուշված աչքերով նայում է դոներին:

Նազարին դուրս կանչեցին:

Քարեսիրտ և մեղանխուլիկ տղա էր Նազարը: Նրա երեսի
մազերը մեծ եռանդով սևանում էին, և նա շարունակ մկրա-
տով պայքարում էր նրանց դեմ: Մնվել էր Մարմետում, որը
նշանավոր էր իր ձկնառատ համաւնուն, դետով:

Աղոթքից հետո դուրս եկանք:

Արցունքն աչքերին կանգնել էր Նազարը մի տասը տա-
րեկան տղայի ձեռքից բռնած:

— Հորեղբորս տղան է... նոր դտա... տիկինն ասում է
տեղ չկա... ես դո՞ր թողնեմ էրթա...

Մի պատգամավորություն մեկնեց տիկնոջ մոտ միջնոր-

դելու, որպեսզի փոքրիկը առժամանակ մնա որբանոցում և քնի նազարի մոտ, ցնոր կարգադրություն։ Միջնորդությունը հարգվեց։ Նազարի ուրախությանը շափ-սահման չկար։

Ես Քոլոշոյի հետ մի զրույց ունեցա։

— Բա էստեղ աղջիկների որբանոց չկա՞...

— Կա... երկրորդ որբանոց...

— Կա՞լ աղջիկ կա՞...

Քոլոշոյի աչքերը վառվեցին։

— Մեկը կա, շա՞տ լավն է...

Իմ սիրտը ավանսով տրոփեց։

— Անունն ի՞նչ ի...

— Սիրարփի...

Ես ավանսով սիրահարվեցի և շմուռացա այս կարևոր իրողության մասին տեղեկացնել Հայերին, Գևորգին և Գառնիկին։ Նրանք միաձայն որոշեցին, որ ես առնվազն հիմար բան եմ ասում և որ չի կարելի առանց տեսնելու սիրահարվել։ Ես չկարողացա պաշտպանվել և շատ զղջացի, որ իմ սրբազան գաղտնիքը դրի նրանց կոպիտ դատողությունների տակ։

Պառկեցինք քնելու։ Բոլոր որբերն իրենց մահճակալներով, շորերով և անկողիններով համարակալված էին։ Այսպես—Առաքելը № 1-ն էր, ես՝ № 9-ը։ Մեր սենյակը վերջանում էր № 18-ով, Միհրան Աբաջյանով, որն իր գեղեցկության համար կոչվում էր «Աղջիկ-Միհրան»։ Նազարը տեղավորվեց իր փոքրիկ Նորեդդոր որդու հետ։ Հայկակն սկսեց իր ընթացիկ գլխավորությունները, իսկ Մնացականը 240-րդ խնդիրը լուծեց։ Ահա Գևորգը հանվում է և մեծ ախորժակով պատմում վարադա վանքի դիշերօթիկների կյանքից. նա եղել է վարադա սաներից։ Մելքոնը պառկած մաժում է իր թևերի մկանները և բազուկը թափ է տալիս առաստաղի վրա, իսկ Նազարը կիսաբաց աչքերով երևի հիշում է տիկին Հայկունու գեղեցիկ գլուխն ու փարթամ կաղմվածքը...

— Զաղար, ձո՞ւկ... — լավեց փոքրիկի ձայնը։

— Սուս, հիմար... ձուկ չի...

Հայկակը փոթկաց։ Քիչ հետո ամբողջ ննջարանը լցվեց հոմերական մի քրքիչով։

Նաղարը լուռ էր: Այդ օրվանից նրա անունը կնքվեց «Ջաղար ձուկ»:

Մոտավորապես նման մի կնունք տեղի ունեցավ հետո: Մի անգամ Հայերն ու Մնացականը կատաղի ցուների նման հարձակվեցին մեկմեկու վրա: Ամբողջ որբանոցն իրար անցավ: Հասան մի քանի հոգի և հաղիվ կարողացան նրանց բաժանել: Ջանդ տվին, և բոլոր որբերը հավաքվեցին սերտաբանում: Տիրում էր քար լռություն: Բոլորն էլ գտնվում էին պատահած դեպքի ծանր տպավորության տակ:

Երևաց դաստիարակի պ. Արամը և սկսեց մի ճառ.

«Դեպքը պատահած է: Փաստը ցցուն է...»:

Եվ նրա անունը մնաց «պարոն Ցցուն»:

34. ԹԵՄԱԿԱՆ ԴՊՐՈՑ

Ամեն անգամ, երբ փողոցով անցնելիս ես հանդիպում եմ գրքերով դեպի դպրոց շտապող աշակերտների, կամ տեսնում եմ նրանց դպրոցից վերադառնալիս, ինձ տիրում է մի անուշ անձկություն:

Ելնում են տարիների մութ ու մշուշից, անցած օրերի հեռավոր մառախուղից, իմ դպրոցական անվերադարձ տարիները: Նրանք կանչում են ինձ մշուշե մատներով:

Իմ դպրոցական տարիները:

— Չե՞ս հիշում, այդ ես եմ, թեմական դպրոցը, երկար պատշգամբով և միջանցքով, տափակ կտուրով, եպիսկոպոսանիստ առաջնորդարանից մի պարտեզով բաժանված:

— Տեղացի աշակերտներին խառնվեցին դադթական որբեր և սկսեցին սովորել, իսկ դու որբ էիր:

Աղմկալից դասամիջոցներ, անցած դասընկերների անուններ, սիրված և չսիրված ուսուցիչների դեմքեր... Եվ մի՞թե անդարձ կերպով կորել են այդ տարիները, և մի՞թե ես այլևս չեմ կարող գրքեր վերցնել և վազել դպրոց:

Անդարձ կերպով կորել են այդ տարիները, և ես այլևս չեմ կարող վերցնել գրքերս և վազել դպրոց:

Ահա մեր հայերենի ուսուցիչը՝ ու-րն Ստեփանը, բարկա-
ցալտ աչքերով, ջղային, բայց բարեխիղճ մի ուսուցիչ։ Նրան
էր վիճակված ուսահայացնել մեր բարրաոք։

— Մի քորշ խրճիթում...

— Գո՛րշ-գո՛րշ...

— Քետի եղերքին...

— Գետի՛... գ, գ, ոչ թե ք...

— «Փավակա՛ն է. — ասաց Քարեղի՛ներ... թո՛ւռը...
փա՛ց...»։

— Բավակա՛ն է... Գարեգի՛ներ... դո՛ւռը... քա՛ց...

Իսկ ամենից դժբախտը մեր կրոնի ուսուցիչն էր։ Զե-
ղավ մի անգամ, որ նա առանց ինցիդենտի կարողանար դա-
սավանդել։ Խեղճ պարոն Սաքո, բանն այնտեղ հասավ, որ
նրա անառակ աշակերտներից մեկը ատրճանակ քաշեց նրա
վրա, ահ ու սարսափ պատճառելով նրան։

Դեպքը պատահեց այսպես.

Այդ աշակերտը կրոնի դասի ժամանակ հանեց «Հորիզոն»
թերթը և բարձր բռնած սկսեց կարդալ.

— Մանվելյան, պահիր թերթը, հետո կկարդաս... Այն
ժամանակ Հիսուսը հավաքեց իր աշակերտներին, լեռը բարձ-
րացավ... Մանվելյան, ծալիր թերթը... անցյալ անգամ մենք
տեսանք, որ երբ Հիսուսը... Մանվելյան, թերթը...

Ամբողջ դասարանը նայում էր Մանվելյանի կողմը։

Նա կամաց իջեցրեց թերթը և նրա հետևից երևաց ատրը-
ճանակի փողը, ուղղված դեպի պարոն Սաքոն։

Դասարանն իրար անցավ, ուսուցիչը սարսափահար դուրս
փախավ, իսկ Մանվելյանը ամենայն հանգստությամբ մի
ծխախոտ վառեց։

Ահա հնչում է վերջին զանգը։ Խուռն աշակերտությունը
դիմում է դեպի տուն։ Մենք շարք մտած քայլում ենք դեպի
որբանոց, իսկ դպրոցի բակում կանգնած է «թեմական դպրո-
ցի բարերար» Թալիրյանի արձանը՝ կույր աչքերով։

«Դասընկեր», Զիբրալտարի նեղուց, Կալիփա քահանա ու
մշո՛ւշ...

35. ԱՆՐ ԵՎ «ԱՐՄԻՎ, ՎԱՍՊՈՒՐԱԿԱՆԻ»

Կարիք չկար և իդուր Օննիկը նեղություն քաշեց, ցույց տվեց ինձ Սիրարփիին: Հաղար հոգո՛ւ մեջ ես կգտնեմ, կճանաչեմ նրան և կասեմ. ահա այն աղջիկը, որին ես սիրել եմ դեռ շտեպս. և որի հետ կարծես հազար տարվա ծանոթներ ենք մենք:

Երկրորդ որբանոցում երեկույթ է:

Երեկույթը բացվեց: Հայերը, Գևորգը, Գառնիկը և ես նստել ենք մի նստարանի վրա: Օննիկը ցույց է տալիս գանազուն որբանոցի դանազան կառավարչուհիներին, տալիս է որբուհիների անունները, բացատրում է, ապացուցում:

— Ահա, — ասում է նա, — այն շորս աղջիկները. նրանք ամենալավ աղջիկներն են, երկրորդ որբանոցից, միշտ միասին են լինում. էն մեկը Սիրարփին է, Անժել, Նվարդ և Զարիկ... կարմիր վերարկուներով... բոլոր աղջիկների մեջ միայն նրանք են կարմիր վերարկուներով:

Նստել են որբերը կողք-կողքի և քչփշում են, աղջիկները նայում են տղաների կողմը, տղաները՝ աղջիկների. Առաքելն ու Միհրանը խոսում են նստած մի-մի աղջկա հետ, շարժելով րնդհանուրի նախանձը:

— Քույր են պոնե, — բացատրում է Օննիկը:

«Քույր—եղբայր», — սա սիրահարության այն ժամանակվա դուռ որբանոցային վարիանտն էր, որը հետագայում համաճարակի փոխվեց...

Երեկույթը վերջացավ: Դուրս եկանք բոլորս և շարքի կանգնեցինք: Ճանապարհին ոչ ոք ոչինչ չխոսեց, բայց շորսս էլ զգում էինք, որ իրար ինչ-որ կարևոր բաներ ունենք հաղորդելու:

Երբ որբանոց հասանք, մենք, կարծես նախապես սլայմանավորված, առանձնացանք մեծ բակում: Այնտեղ սլարդվեց, որ շորս հոգով անբուժելիորեն սիրահարված ենք, և ամեն մեկին թվում է, որ իր սիրո առարկան ամենագեղեցիկն է համայն աշխարհում...

Բախտավոր դուգադիպությանը սիրո առարկաները տար-

րեր անձնավորություններ էին, որով և ապահովված էր մեր շորսության համերաշխությունը:

Հիմա մենք պիտի նստեինք և սպասեինք, մինչև շաբաթներ անցնելուց հետո մի նոր երեկույթ կայանար, որպեսզի շորս տնայնագործական ռոմեոներս հանդիպեինք մեր նույնքան տնայնագործական ջուլիետաներին:

Ծանր, շափաղանց ծանր էր մեր դրությունը:

Պետք էր առիթներ ստեղծել ավելի շուտ-շուտ հանդիպելու, ավելի շուտ-շուտ տեսնելու նրանց, թեկուղ հեռվե-հեռու, անժամոթ, առանց մի խոսք փոխանակելու... բայց ինչպե՞ս, ինչպե՞ս...

Տիրեց ծանր լռություն:

Առաջինը խոսեց Գառնիկը:

— Եկեք նամակ գրենք...

Այս գործնական առաջարկությունը, սակայն, ոչ մի ընդունելություն չգտավ:

Չորս սիրտ տրոփում է, և մտածում է շորս ուղեղ:

— Եկեք թերթ հրատարակենք, — առաջարկում է Գևորգը և շփում է քիթը: Ինչպե՞ս մենք առաջինը դիմի շընկանք...

Ելքը գտնված էր:

Ուրախ մեր դյուտով, անցնում ենք կաղմակերպչական աշխատանքների:

Գևորգին անմիջապես ձեռնադրում ենք խմբագիր. մնում է թերթի անունը որոշել:

— «Զգտում», — ասում է Հայերը:

— Ինչի՞ ձգտում, — առարկում ենք մենք:

— Աղատության ձգտում, — ասում է նա:

— Ախր ի՞նչ աղատության ձգտում...

— Երկրորդ որբանոց գնալու, — ասում է նա և ծիծաղում է:

— Որ այդպես է, — առաջարկում հմեռ, — թերթի անունը պարզապես դնենք «Վարմիր վերարկու...»:

Մեզ նորից օգնության եկավ Գևորգն ու նրա Վարագի սանությունը:

— Գտա՛, — ասաց նա ու նորից քիթը շփեց. — «Արծիվ Վասպուրականի»...

Այո, «Արծիվ Վասպուրականի», իսկապես որ տղան գտել էր:

Որոշվեց, որ հենց մյուս օրվանից անցնենք աշխատանքի, որից հետո ամեն մեկս մի պատկեր դրկած՝ քուն մտանք:

36. ԳՈՐԾԻ ՎՐԱ ԵՆՔ

Մեր ձեռնարկության համբավը կայծակի արագությամբ տարածվեց որբանոցում: Կառավարչուհին, օգնականուհի տիկին Լուսաբերը, դաստիարակը ողջունելով ողջունեցին մեր ձեռնարկությունը: Եկավ խնամակալուհին և խոստացավ թղթի հոգսը վերցնել իր վրա: Թերթը պիտի լիներ ձեռագիր, 5—8 օրինակ, թերթը,— այս ամենակարևոր և ծանրակշիռ կողմն էր խնդրի,— պիտի բաժանվեր նաև մյուս որբանոցներին:

Հայտարարեցինք, որպեսզի առաջին համարի համար նյութեր տան:

Մենք էլ մեր հերթին սկսեցինք նյութեր պատրաստել:

Գեորգը դրեց խմբագրականը, որը վերջանում էր լուռն պաֆոսով: Երիտասարդ խմբագիրը «հետադարձ հայացք մը կենտե անցյալին վրա», այնուհետև պարզարանելով թերթի համեստ նպատակները՝ «կրացականչե».

— Եվ կգա մի օր, երբ «Արծիվ Վասպուրականի»-ն Վարդա լեռներուն վրա պիտի ճախրե:

Հայերը տալիս է ընտելյան մի նկարագրություն, Գառնիկը՝ անհամ մի բանաստեղծություն, որից մի քանի տող.

— էն ո՞ւմ յարն է կանգնած բալզոն ծամ կիստակե,

— էն իմ յարն է, կանգնած բալզոն ծամ կիստակե:

— էն ո՞ւմ յարն է ֆարթուկ հագած գետին կավլե:

— էն իմ յարն է ֆարթուկ հագած գետին կավլե:

— էն ո՞ւմ յարն է...

— էն իմ յարն է...

Եվ այսպես անվերջ. ծամ իստակելուց, գետին ավլելուց հետո, սույն այդ յարը ջրի է գնում, աղբյուրի վրա լվացվում է, ջուր է խմում, մի անգամ էլ «ծամ կիստակե», հետո եր-

գում է աղբյուրի վրա, պարում է ու վերջացնում է, երրորդ անգամ ծամ իստակելով...

Գառնիկի նյութը շքնդունվեց: Բոլորս էլ դտանք, որ աշակերտական թերթի համար «յա.ր» բառը անհարմար է: Գառնիկը տվեց մի ուրիշ բան, արձակ բանաստեղծություն, որի մեջ քերթողը հարցնում է կոունկին, թե տեսե՞լ է իր հայրենիքը և թե ի՞նչ կարևոր նորություններ կան այնտեղ: Կոունկը միայն իր երգն է շարունակում և հրաժարվում է հեղինակի հրատապ հարցերին պատասխանելուց:

Օննիկը մի արձակ բանաստեղծություն է տալիս, նվիրված հոր հիշատակին, սարսափելի մռայլ մի բանաստեղծություն. հեղինակն սպառնում է հոր կողքին պառկել և լալ, չքավականանալով այդքանով՝ նաև մեռնել: Պարոն Արամը նրան խորհուրդ է տալիս՝ մի քիչ մռայլությունը մեղմացնել և տալ մի քիչ էլ բնության նկարագրություն:

Ամբողջ օր Օննիկը շարշարվեց, բայց երկու տողից ավելի չկարողացավ փոխել. ահա այդ տողերը.

«Հորս հիշատակին»

«Հայր, երբ գառնան արևը բառհրանա լեռներու կատարներին, դու՛
ջուկներս լծեմ, զամ շիւմիդ այցի»:

Ու կանգնեց: Ի՞նչ աներ այդ անհարմար դրուձյան մեջ խեղճ աղան. թողնել լծած գոմշուկները և լա՞լ. բայց չէ՞ որ դրանից բանաստեղծությունը նորից կմռայլվեր: Վերցնե՛ր, հերկե՛ր...

Ծա տվի արձակ բանաստեղծություն «Մենության արցունքներ» վերնագրով, որի մեջ երգում էի մի քույր, մի քանի վիշտ և քաղում արցունքներ, շհաշված ինչ-որ դիշերներ և մի շարք աստղ ու լուսիներ:

Մնաց կեղծանունը ճարելու հարցը: Այդ մեզ թվում էր նույնքան կարևոր, որքան թուղթն ու թանաքը:

Ու դտանք մի-մի կեղծանուն:

Գևորգը կնքեց իրեն Գվստոն, ապա՝ Գ. Պարունի, Հայերը՝ Մառաժո, Գառնիկը՝ Գ. Սիրվան, Օնիկը՝ Որբունի, ես՝ Վալտեր... Սերունի...

Մի բանաստեղծութիւնն էլ Մնացականը տվեց (նա արդեն լուծել էր 365 խնդիր) և ստորագրել էր Տիրատու Երբ մենք հարցրինք, թե ինչ է նշանակում տիրատու, նա պատասխանեց.

— Տեր ատող...

Եվ այս մեծ տալափորութիւնն թողեց մեզ վրա:

Հույս տեսավ թերթի առաջին համարը:

Ընդունելութիւնը մեծ էր և հույժ խանդավառ:

Բոլոր որբերը, նախանձելով մեր փառաց պսակներին, քաշվեցին պատերի տակ և մատների վրա հաշվելով սկսեցին բանաստեղծութիւններ գրել: Հաշվում էին ինքնամոռաց մոլուցքով, վառված և տարված, հուզվում, բարկանում էին, երբ դուրս չէր գալիս, մեկմեկից խորհուրդ էին հարցնում ու, պատասխան չստանալով, գրում, գրում, գրում...

Այս գրելացավից վարակվեց նաև թերթի խմբագիր Գևորգը, որն իջավ իր հրապարակախոսի բարձունքներից, գրեց բանաստեղծութիւն և դուրս եկավ այսպիսի մի բան.

«Գեղեցիկ աղջիկ, վարդերեա նե,
Քեզի սիրեցի մանուկ հասակե,
Առջևդ շոքեցի, շատ արտասովեցի,
Շատ աղաչեցի, որ սիրես ինձիս:

— Էս ո՞ւմ մասին ես գրել, Գևորգ...

— Նրա...

— Ո՞ւմ...

— Նրա, էլի՞...

— Ախր նրա հետ դեռ ծանոթ էլ չես...

— Ի՞նչ կա որ...

— Ախր ե՞րբ ես շոքել, աղաչել, արտասովել...

— Բանաստեղծութիւնը երեակայութիւնն ի, բաւամ...

Գրելացավը կամաց-կամաց սպառնակաւ և վտանգավոր տեսք էր ստանում: Շատերն սկսեցին դասերը շոգվորել և միմիայն բանաստեղծութիւններ գրել, ուրիշները մի հանդ շճարելու համար կորցնում էին և՛ բուն, և՛ ախորժակ, ոչ ոք չէր համարձակվում մյուսից խորհուրդ հարցնել, — պատասխանը պատրաստ էր և նվաստացուցիչ.

— Այ՛ տղուլ, տաղանդ որ շունես, ինչի՞ կգրես...

Գրելացաւիլը դուրս եկաւ որբանոցի պատերից և տարած-
վեց դուրս:

Մի օր էլ եկաւ Վարդանը:

— Բանաստեղծություն եմ բերե,— ասաց նա աշխույժ
ժպիտով:

— Տուր...

— Չէ, ես կարդամ...

— Կարդա:

Նա սկսեց մեծ պաֆոսով.

— «Երբ գունատ արևը իր ոսկեղեն մազերով կիսախա-
ւար խրճիթիս նեղ անցքերեն ներս կնայի...»:

Ես իմ հուլմունքը շկարողացա զսպել: Խեղճ իմ Վարդան,
ինչպես ես ապրում կիսախաւար այդ խրճիթում...

Վարդանը պատրաստվեց գնալու. գոնեի մոտ նա հարց-
րեց.

— Չէրթա՞նք Վարադ...

— Էրթանք,— ժպտալով ասի ես, և մի րոպե երկուսս էլ
տխրեցինք:

Հետո նա ասաց.

— Բանաստեղծությունս լա՞ւ էր... լավ էր, չէ՞... «Երբ
գունատ արևը ոսկեղեն մազերը կիսախաւար խրճիթիս...»:

Ու գնաց:

Հետագայում ես եղա հորաքրոջս տանը, սյնտեղ էին
ապրում Վարդանն ու Գառնիկը: Ի՞նչ կիսախաւար խրճիթ,
կանոնավոր, արևոտ սենյակներ, լուսառատ պատուհան-
ներով...

— Բանաստեղծությունը երեակալություն ի, բալամ...

37. ԴԵՊԻ ԵՐԿՐՈՐԴ ՈՐՐԱՆՈՑ

Պատասխանատու խմբադիրն ու խմբագրական կոլեգիա-
յի երեք անդամներս վերցնում ենք մեր թերթի ձեռագիր օրի-
նակաները և հասուկ արտոնությամբ ուղևորվում ենք դեպի
որբանոցները՝ լույս տարածելու:

Բոլոր որբանոցներին տալիս ենք մի-մի օրինակ. մնում է մի օրինակ, իսկ այդ՝ երկրորդ որբանոցի համար է:

Մի շնախատեսված դեպք պատահեց:

Առաջին որբանոցի բախում կանգնել և սպասում էինք մեծ աղջիկներից մեկնումեկին, որին հնարավոր լիներ թերթը վատահել:

Թելից պատրաստած մի խաղաղնդակ ընկավ պատշգամբից մեր ոտների տակ, իսկ Գառնիկը կռացավ և վերցրեց:

Գնդակի նման արագ՝ կարմրատակած դեմքով և սևաշվի մի աղջիկ սանդուղքներից վար սլացավ և մոտեցավ Գառնիկին ու շարաճճի փութկոտությամբ գնդակը խլեց նրա ձեռքից:

Թռավ գնդակը և գլորվեց, կարճ շրջազդեստով աղջիկը վազեց նրա հետևից, կռացավ և վերցրեց:

Գառնիկը շառագունեց ճակնդեղի պես:

Գևորգը մոտեցավ աղջկան, ապա քիթը շփեց.

— Ներողություն, թերթ ենք բերե...

— Ի՞նչ թերթ...

— Մեր որբերի թերթ... մեկը ձեզ համար...

Աղջիկը վերցրեց թերթը, թոուցիկ կերպով նայեց և դարձավ Գառնիկին.

— Դու է՞լ ես գրե:

Գառնիկը դժվար բան կուլ տվողի պես գլխով դրական պատասխան տվեց:

— Շնորհակալություն, — ասաց աղջիկը և սանդուղքներից արագ-արագ վեր բարձրացավ:

Ահա դեպքը, որն ինքնըստինքյան կարելի էր ոչ մի ուշադրության չարժանացնել, եթե նա շունենար անակնկալ հետևանք:

Նոր մենք սրտատրուի մոտենում էինք երկրորդ որբանոցի դռներին, Գառնիկը մի քայլ ետ մնաց և հայտարարեց.

— Սա շեմ գա:

— Ինչի՞:

— Չեմ ուզե:

— Խո աղջիկ չե՞ս:

— Չէ, ամշնալու համար չի:

— Ապա ինչի՞ շեռ գա:

— Գնանք տես, է՛:

— Նրան շեմ ուզե:

— Ախր ինչի՞, է՛:

— Ես փոխեցի:

— Ի՞նչ փոխեցիր:

— Ես առաջին որբանոցի աղջկա՞ն կսիրեմ:

Առ քեզ տրաքոց:

— Ինչի՞, նա գնդակ ունի դրա՞ համար,— կատակեց
Հայերը:

— Արի, արի, սա էլ գնդակ կունենա...

— Բա ինչի՞ անցյալ օր երեկույթին ասիր սիրահար-
վեր եմ:

— Դուք ասիք, ես էլ ասի, ես, Հիսուս-Քրիստոս, նոր սի-
րահարվա:

Գևորգը մտածմունքի մեջ ընկավ: Նա լուռ էր:

Իզուր ես և Հայերը վեր հանեցինք նվառդի երեւի և ան-
երեւոյթ արժանիքները և անողոք քննադատության ենթարկե-
ցինք գնդակ խաղացողին, իզուր տաքացանք և արյուն պղտո-
րեցինք:

Գառնիկն անդրդվելի մնաց:

— Մե՛նք էրթանք,— հուսահատված որոշեցինք մենք և
մեր մտքերում Գառնիկին «դավաճան» անվանեցինք:

Ես և Հայերը առաջ անցանք: Գևորգը կարծես ակամա
շարժվեց:

— Հը՛, դո՛ւ էլ,— դարձավ Հայերը Գևորգին:

— Ի՞նչ...

— Փոխեցիր...

— Զէ՛... ինչի՞,— անորոշ արտասանեց Գևորգը և տրնկ-
տրնկ հետևեց մեզ:

Դարբասից ներս մտանք և անհամարձակ առաջացանք:
Բակումն ենք: Որբերը խաղում են պարտեղում: Մտնում ենք
պարտեղ: Մի ձեռք կարծես բռնում է սիրտս և ճմլում է,
նրանք են, անբաժան շորսը նստել են մի նստարանի վրա և
ինչ-որ ձեռագործով են զբաղված: Հայերը շփտե ձևոներն
ուր պահի, իսկ Գևորգը նայում է բութ հետարբքրությամբ...

Երբ նրանք մեզ նկատեցին, արմունկներով իրար մըշտեցին, միասին վեր կացան և դանդաղ քայլերով մոտեցան մեզ։

— Բարե ձեզ,— ասինք մենք դրեթե միասին։

— Բարե,— պատասխանեցին նրանք։

— Ձեզ համար թերթ,— սուռ վերցրեց Գևորգը։

— Ի՞նչ թերթ։

— Մենք ենք հրատարակե, —ասաց Հայերը՝ հուզմունքից խեղդվելով։

— Դուք երրորդ ուրբանոցի՞ց եք,— հարցրեց Սիրարիին։

Ես անասելիորեն հուսահատվեցի։ Նա մինչև անգամ մեր մասին չգիտե...

— Այո,— պատասխանեցինք մենք։

Նրանք նայեցին թերթը։

— Գլխտոն ո՞վ է,— հարցնում է Անժելը։

Ես և Հայերը ցույց ենք տալիս Գևորգի վրա, իսկ Գևորգը քիթն է շփում ու նայում թերթի վրա այնպես, որ կարծես առաջին անգամն է տեսնում։

— Մառաժո՞ն...

Ես ցույց եմ տալիս Հայերի վրա, իսկ Հայերը հուզմունքը զսպելու և մի բան անելու համար հանում է թաշկինակը և աղմուկով մաքրում է քիթը։

— «Մենության արցունքներ», — կարդում է Սիրարիին, — «քույր, այս գիշեր լուանի շողերի տակ քեզ հիշեցի ու լացի...»։

Իսկ ես ամոթից ու հուզմունքից ուզում եմ գետինը մտնել։

— Սա՝ սիրահարական ի, ո՞վ ի գրե... Վալտեր-Սերունի...

Անիծվածները մատնում են, իսկ ինձ թվում է, որ դադունիքի կեսն արդեն բացված է։

Միամիտ, հիմար և ծիծաղելի ժամ. քեզ կարող էր ստեղծել միայն պատերազմը և աննորմալ այն տեղահանությունը, որը դարձրեց Հայերին և Զարիկին, ինձ և Սիրարիիին ռոմեոներ և ջուլիետաներ։

Մենք հրաժեշտ ենք տալիս միմյանց և դուրս ենք գալիս։
Մեր ջուլիետաները, դրեթե հեռվե-հեռու, ուղեկցում են մեզ։

Դուան վրա սպասում է մեզ նույն ինքը՝ Գառնիկը, դավա-
ճան Ռոմենոն, որի սիրտը բարախում է այժմ ուրիշ մի Զու-
լիետայի համար։

Նա անխոս միանում է մեզ։

Իմ սիրտը լցված է մի գերերկրային հուզմունքով։ Նրա
դեմքը և շարժումները վառվում են մեջս, ու ես քայլում եմ
կարծես երազի մեջ։

Հանկարծ Գևորգը կանգնում է ու ոռնոցով սկսում է ծի-
ծաղել. Ի՞նչ պատահեց սրան, խելագարվեց, ի՞նչ է...

— Զեմ սիրե,— ասում է նա ոռնալով,— ազնիվ խոսք
չեմ սիրե, ոչ մի աղդեցություն, աստված վկա, ոչ մի աղդե-
ցություն... ոչ մի աղդեցությո՞ւն,— կրկնում է նա, և ծիծա-
ղից նրա աչքերը արցունքոտվում են։

Մենք մի շարք անժխտելի փաստեր ենք բերում և համո-
զում ենք Գևորգին, որ նա սխալվում է, որ նա թյուրիմացու-
թյան մեջ է և որ... սիրում է...

38. ՀԱՍՄԻԿՆԵՐ

Ես հասկանում էի նրանց լեզուն, սպիտակ, քնքշաթերթ
հասմիկների լեզուն։

Եկավ Օննիկը երկրորդ որբանոցից և մի փունջ հասմիկ
բերավ։

— Նրանց պարտեզից քաղեցի,— ասաց Օննիկը։

Ես շնչեցի նրանց բույրը, և ինձ թվաց, որ այդ նրա աչ-
քերի, մաղերի և մատների բուրմունքն է։

Ես հասկացա, իս սովորեցի նրանց լեզուն։

Հենց այս բուպեիս, սեղանիս վրա մի փունջ հասմիկ կա։

Ես հոտ եմ քաշում և մտածում եմ. որտե՞ղ եմ լսել այս
ծանոթ բարբառը։

Ես արդեն սկսել եմ մոռանալ հասմիկների լեզուն...

Կեսօր էր:

Սկսվեց կառավարչուհին, պաշտոնական ամբողջ կազմով և ճաշի ժամանակ հայտարարեց.

— Երեխաներ, երրորդ օրն է, ինչ պահեստից հաց է գողացվում: Պահեստի կողպեքը ամուր է և վատահիշի... մնում է ենթադրել, որ պատուհանից է մտնում գողը: Իսկ պատուհանի երկաթների անցքը այնքան փոքր է, որ հաղիվ թե կարգին գող կարողանա այնտեղ մտնել — մնում է ենթադրել, որ գողը ձեր միջից է և այն էլ փոքրերից... Թող անողը խոստովանի, մենք նրան կներենք... մնում է ենթադրել, որ հանցավորը կխոստովանի...

Տիրեց քար լռություն:

Մեզ բոլորիս թվաց, որ ահա երեք օր է, ինչ շինք կշտանում, որ քաղցում ենք տանջվելու շափ, այո, այո, այդ ինչպես մենք շենք նկատել, որ գողանում է մեղնից մեկնումեկը մեր հացը...

Մեզ տիրում է անասելի մի կատաղություն, անասնական մի ատելություն դեպի այդ անհայտ գողը, մենք նայում ենք միմյանց աչքերի մեջ և պատրաստ ենք բռնելուն պես գողին խեղդել և վերջ:

Տիրում է ծանր լռություն, և ամեն ոք իրեն դդում է այդ անհայտ գողի դեմ, մեծագլուխ բոքոնների մոտ, — կեր, որքան քեֆդ կուզի... ու կատաղությունը, անասնական կատաղությունը աճում է, լեռնանում ու փոթորկվում:

— Մնում է ենթադրել, որ ոչ ոք չի ուզում խոստովանել: Այո՛, հարգելի կառավարչուհի, այդ է մնում ենթադրել...

— Հավ, այն ժամանակ մենք ուրիշ միջոցների կդիմենք: Եվ դիմեցին:

Շքախումբը հեռացավ. մենք մի անգամ էլ նայեցինք մեկմեկու աչքերի մեջ և սպասեցինք «ուրիշ միջոցների» արդյունքներին:

Իսկ այդ շուշացավ:

Խորին գիշեր էր:

Քնել էին բոլորը, բացի Մնացականից, որը լուծում էր 450-րդ խնդիրը:

— Գո՞ղը, գո՞ղը, — լսվեց բակից, — դող բռնեցի՞նք, — լսվեց մի ուրիշ ձայն. բոլորը վեր թռան և արթնացրին քնածներին:

Որքերը, շապիկ-վարտիքով, դուրս վազեցին:

Դուրս եկան և պաշտոնյաները:

— Մոտ բերեք, ո՞վ է, — կարգադրեց կառավարչուհին:

Գունատ լամպը լուսավորում էր բակը, «գաղտնի ոստիկանները» բերում էին գունատ և դանդուր մազերով մի որբի:

Նա լալիս էր՝ մի կտոր հաց գրկած:

Այդ որբը ևս էի...

40. ՊԱՆՏԻՉԸ

— Աճեմյան, տիկինը քեզ կանչում է...

Սա բարձրանում եմ և դուրս մատնահարում:

— Մտեք, — լսում եմ տիկնոջ ձայնը, և ես ներս եմ մտնում:

Մի րոպե հետո ես լալիս եմ Պանտիչի գրկում:

Նա հուզմունքից խոր շնչում է, երկաթե ջղերով և մանկական սրտով այդ մարդը, որի արտասվելը դեռ ոչ ոք չի տեսել:

Մեր տոհմի վերջին կաղնին է Պանտիչը: Մեր պապերը բազրոգյաններ են եղել Պարսկաստանում. բարձել են խուրմա և խալի ուղտերի վրա և քարավաններով ճանապարհորդել են քաղաքից քաղաք: Աճեմների երկրում:

Բայց ահա Մուրադխանը գաղթում է Աճեմստանից և իր քնակությունն է հաստատում Բզնունյաց ծովի եղերքում, վանում:

Եվ նա կոչվում է Աճեմ-Մուրադխանյան:

Անցնում են մի քանի վաճառականական սերունդներ, մինչև Վարդան աղան, Համբարձում աղան, որոնց հաջորդում են մտավորականներ: Այսպես, Գրիգոր աղան և Պանտիչը համարվել են Վանի լավագույն մտավորականները, անհետացել է Մուրադխանի տրադիցիան և մնացել է Աճեմյանը:

Պարոն Մկրտիչը (Պանտիչ) կամ Մկրտիչ աղան (Մկրճաղան) լռակյաց և սակավաժպիտ, կամքի ու մաքրության գրանիտ, որի համար մի քանի հեղինակություն միայն գոյություն ունի,— Խրիմյան, Փորթոսգալյան, Տոլստոյ,— կորցրեց իր կնոջը Թիֆլիսում։

Հիշում եմ նրանց փոխհարաբերությունները։

Ես միշտ այն կարծիքն ունեի, որ Պանտիչը Կալիփսին չի սիրում։ Նստում էին նրանք քուրսու տակ, Պանտիչը դպրոցական տոմարները կնայեր, իսկ Կալիփսեն կդրադվեր որևէ կարուի։ Այսպես նրանք կարող էին նստել 5 ժամ և չխոսել։ Բայց ահա Կալիփսեն.

— Մկրճաղա,— կասեր,— Կարապետ Խոնդիկյա՞նն էլ էս տարի թաղական ի...

Պանտիչը լուռ է։ Նա փոքրիկ դանակի սուր ծայրով սխալ մի թիվ է քերում, հետո կարմիր թանաքով գրում է ճիշտը։

— Մկրճաղա...

— Ասա,— ասում էր նա նորից պաուզա տալուց հետո, առանց գլուխը տոմարից բարձրացնելու։

— Կարապետ Խոնդիկյա՞ն...

— Է՛...

— Քո տուն ավեր չանի, չուր մի խոսք կասես, մարդու հոգին կխանես,— բարկանում էր Կալիփսեն։

Վերջապես Պանտիչը գլուխը բարձրացնում է տոմարից.

— Ասա՛, խանմ, ի՞նչ ի կասես...

— Կասեմ Կարապետ Խոնդիկյան էս տարի թաղական ի...

Պաուզա։

— Մի ջուր տուր,— ասում է Պանտիչը։

Կալիփսեն բերում է փարչը։ Պանտիչը երկարատև ընդհատումներով ընդունում է մեծ քանակությամբ Խամուրքյասան աղբյուրի ջուր և գրեթե դատարկված փարչը վերադարձնում է։

Հետո նա մեծ խնամքով հարդարում է բեղերը, իսկ Կալիփսեն գիտե, որ վերջապես մոտենում է պատասխան ստանալու ժամը։

— Այսինքն էդ ի՞նչ հարց է,— ասում է նա հատիկ-հատիկ,— Խոնդիկյանն ի՞նչ գործ ունի թաղականի մեջ:

Հոռիթյուն:

Իսկ այս լոռիթյունը կարող է տեւել եւ մի ժամ, մինչև Կալիփսեն մոռանա իր առաջին հարցի պատասխանն ուտանալու տանջանքները և մի նոր հարց տա:

Այսպես էր Պանտիշը:

Իսկ երբ մեռավ Կալիփսեն, ավերված վանք դարձավ Պանտիշի համար միակ անկյունը, որտեղ նա իրեն կարող էր լավ դգալ:

Նա մասնակցեց բոլոր ներգաղթերին և նահանջեց վերադրավումների պատճառով: Ամեն անգամ նա առաջինն էր մտնում վան, իսկ նահանջելիս, քաղաքից դուրս էր դալիս ամենից վերջը:

— Վան պիտի էրթանք այս անգամ ալ,— ասաց Պանտիշը, երբ ես դադարեցի գալուց և հանգստացա,— և այս անգամ կամ պիտի մնամք և ավերակները վերաշինենք, կամ սե խաչ պիտի դնենք վրան, դանք:

Պատահեց երկրորդը:

...Կալիփսի մահից հետո Պանտիշը շամուսնացավ: Նա մինչև հիմա էլ մենավոր և ինքնասուշդ կյանք է վարում: Նրա սենյակը, որին նա կես լուրջ կատակով «անապատականի խուց» է անվանում, դանվում է քաղաքից հեռու: Սենյակի պատերը դարդարում են Խրիմյանի, Փորթուգալյանի, Տոլստոյի և Կալիփսեի մեծադիր նկարները: Նստում է նա երեկոներին մենակ, նայում է այդ նկարներին, հետո նայում է իր ներսը, ապա թե ծխախոտ է փաթաթում, իսկ ծխախոտի դեղին տուփի վրա նկարված է Վանի բերդը, Հանկույս-ձորը և դրված.

«Հուշեր Վասպուրականից»:

41. ԱՊՍԼԱՄԲՈՒԹՅՈՒՆ

Ինչո՞ւ հացը պակասեց, մենք այդ շիմացանք, բայց որ պակասեց հացը և սնունդը վատացավ, այդ փաստ էր և այդ՝ մինչև անգամ Գևորգը կարող էր հաստատել:

Հացը պակասեց և վատացավ սնունդը:

Վարպետը վաղուց է ինչ «մենձերին կրկին» շի ասել, իսկ հացի բաժինները ենթարկվել են ձեռնադորժական ստանդարտիզացիայի և սկսել են կարևորություն ստանալ այնպիսի մանրութներ, որոնք դուրս են եղել կենցաղային մեր տնտեսաշտից:

Մենք մինչև անդամ սկսել ենք նախանձել միմյանց, երբ մեկնումեկը դանդաղ է ծամում և ունի մի կտոր հաց այն ժամանակ, երբ մնացյալները խժռել են արդեն: Իսկ ճաշարաժանության հերթապահությունը, որն իր մեջ ուներ ձանձրույթի, պարտականություն կատարելու և մինչև անդամ նվաստացնող մոմենտներ, սկսեց ժպտալ բոլորին որպես բախտ և երջանկություն՝ գերազույն:

Սկսեցին ստեղծվել տնտեսական նոր ձևեր և հարաբերություններ: Շատերը պահում էին իրենց բաժին հացը և ուտում էին այն ժամանակ, երբ բոլորը քաղցից դեպուղեն էին քնկնում: Այդ երևի նրանց մեծ հաճույք էր պատճառում: Հերթապահներն սկսեցին օգտագործել իրենց դիրքը և խժռել անխղճարար, իսկ աղոթելիս մենք դադարեցինք մեր աչքերը դեպի առաստաղ ուղղելուց, դրա փոխարեն մենք ղննում էինք միմյանց բաժինները և աշխատում գտնել աշառության ու կողմնապահության նշաններ:

Եվ մենք դտանք:

Ինչպե՞ս մենք մինչև հիմա չէինք նկատել, չէ՞ որ այս դաստիարակչուհին բացահայտ կերպով շաքար բաժանելիս կամ հացի կտորների հավասարեցնելիս՝ Մնացականին համեմատաբար բաժին շատ է տալիս: Նստել է մեր շորսությունը և մտածում է: Դեռ այն վր կա, որ տիկին Լուսաբերը մի առանձին համակրանք ունի դեպի Մնացականը և այդ արտահայտվել է նրանով, որ մի քանի անգամ տիկին Լուսաբերը բարեհաճել է նստել Մնացականի անկողնու վրա: Իսկ ինչպե՞ս մենք մոռացել ենք Մնացականի վերջին ստեղծագործությունը.

Դու իմ նազելի,

Քույր իմ թաղուհի.

Աղքատիս զգվող
Քույր իմ թագուհի...

Ահա թե ինչպիսի տեր ատող «տիրատ» է այդ ստրկա-
կան հոգին, և մենք՝ հիմարներս, պիտի հանդուրժեինք այդ
ամենը:

Իհարկե, ոչ:

Հեղափոխական կոմիտեն դործի անցավ. պետք էր փաս-
տեր հավաքել դաստիարակչուհու դեմ, պետք էր ապացու-
ցել, որ նա չի համապատասխանում իր վեհ կոշմանը:

«Իրծիվ Վասպուրականի»-ի հերթական համարը չույս տե-
սավ «Փշրե ժանտ շղթան, ծագե, նոր արե» լողունդի տակ,
որն ինքնըստինքյան մի թաքնված ակնարկ էր կուտակվող
փոթորկի մասին, գրվեցին շափաղանց խորամանկ բանաս-
տեղծություններ՝ «Խավարի քաղալորությունը», «Ջաբիր,
Հայաստանի աստված», «Արդարության կշեռք» և ուրիշ վեր-
նագրերով, որոնք մոլթ կերպով վեր էին հանում ստեղծված
ծանր կացությունը: Գևորգի տետրը լեցվում էր նորանոր
փաստերով և, վերջապես, հասավ բողոք գրելու վճռական
ժամը:

Ու դուրս եկավ այսպիսի մի բան:

«Բողոք եղբայրական օգնության երրորդ որբանոցի դաս-
տիարակչուհի տիկին Լուսարների վրա, որ նա՝

1) թույլ է տվել, որ ամսի 5-ին կես ժամ շարունակ
կռանթի ջուրը հոսի.

2) թույլ է տվել, որ շունը պահեստից $\frac{1}{2}$ ֆ. հաց փորձի
տանել (փորձը պատահեց ամսի 7-ին),

3) թույլ է տվել, որ վարպետի և ճաշ բաժանողների մեջ
կռիվ պատահի.

4) թույլ է տվել, որ ինքը Մնացականի անկողնի վրա
նստելով, ուրիշներին հակաառողջապահական անհանգստու-
թյուն պատճառի.

5) թույլ է տվել, որ շտկը կտորի, նորը չառնելու պայ-
մանով.

6) թույլ է տվել...»:

Եվ նման ծանրակշիռ մեղադրանքներ:

Հեղափոխական կոմիտեն տարածայնվեց միայն մի

խնդրում. մեղադրական ակտի մեջ մտցնել արդյոք այն, որ տիկին Լուսաբերը «Թույլ է տվել» Մնացականին շատ բաժին տալ մյուսների հետ համեմատած, թե՞ ոչ, որոշվեց այդ մասին ասել որքան կարելի է քողարկված և այդ կետը դուրս եկավ՝

«Թույլ է տվել աշատությամբ վիրավորել և երկպառակություն մտցնել մեր ինքնասիրության մեջ...»:

Լսվում էր պատահական մի հրացանի պայթյուն.

— Մի մարդ պակասեց,— ասում է Հայերը:

— Մի բաժին հաց ավելացավ,— ասում է Գևորգը:

.
.

Մեր «ասպատամբությունը» պարտվեց: Բողոքի գրության բոլոր կետերը համարվեցին թույլ, սուտ և սխալ: Մեզ հայտարարեցին «խռովարարներ» և սպառնացին որքանոցից հեռացնել: Մենք սակվեցինք և բարվոք համարեցինք լույս ընծայել «Արժիվ Վասպուրականի»-ի հերթական համարը, որն իր հրատապությամբ չէր զիջում իր նախընթացին. այս համարում բոլոր ումեռները ողբում էին իրենց ջուլիետաներին և «չկար մխիթարության որևէ», ինչպես աշխատում էր համոզել իր բանաստեղծության մեջ ամենադժբախտն ու անմխիթար բոլոր եղած բանաստեղծների մեջ...

Իսկ այդ բանաստեղծը ես էի...

42. ՎԱՀԱՆ ՏԵՐՅԱՆ

Նրա «Մթնշաղի անուրջներ»-ը լույսի նման արագ տարածվեց որքանոցի պատերից ներս.

Ցրտահար, հողմավար,
Դողացին մեղմարար
Տերևները դեղին,
Պատեցին իմ ուղին...

Ու մի օր, երբ ես հատուկ հրամանով դուրս էի եկել Քոչոշոյի հետ Սաթենիկ տատենց տուն գնալու համար, պա-

տերի վրա կարգացինք հայտարարութիւն, ընդ որում Վահան Տերյանը պետք է դասախոսեր «Հոգևոր Հայաստանի» մասին և վերջում արտասաներ:

Ուրեմն ոչ միայն Վահան Տերյանը մարդ է, այլև գտնւում է Երևանում, ոչ միայն գտնւում է Երևանում, այլև դասախոսելու է...

(Երբ ես փոքր էի, իմ կարծիքը շատ մեծ էր գրողների մասին...):

Քայց ինչպե՞ս այդքան ուշանալ որբանոցից և դեռ առանց տոմսակի նե՛րս մտնել,— այս խնդրի լուծմանը Քուլոշոն շուղեց մասնակցել մի շարք հարգելի պատճառներով: Բանն այն էր, որ Քուլոշոյի համար ամենամեծ քաղաքականութիւնը խանութների վիտրինաները դիտելն էր և հետո այն, որ Քուլոշոն զգալիորեն սառել էր դեպի բանաստեղծութիւնը այն օրվանից, որ օրվանից նա «լծեց զոմշուկները» և «գնաց հոր շիրմին... այցի...»:

Ես իմ ձեռնարկութեան իրադման հետ մենակ մնացի: Ես բաժանվեցի Քուլոշոյից և գնացի դեպի թատրոնի շէնքը: Իջնում էր երեկոն:

Մշուշվում էր Աստաֆեյան տխուր փողոցը, իսկ «Ապուլոն» կինոյի առաջ ճշում էին «սեմիչկա» ծախողները:

Մտնում եմ թատրոն: Արդեն ստուգում են տոմսակներն ու բաց են թողնում: Ստուգողը մի շար գեմքով, կեռ քթով մարդ է. կարծես նա ոչ թե տոմսերն ստուգում է, այլ դիշատում: Ես հուսահատվում եմ:

Հնչում է առաջին դանդը:

Կարճահասակ, նիհարուն և թուխ մի երիտասարդ մտեցավ ստուգողին և հարցրեց.

— Ժողովուրդ կա՞...

— Նիշեվո,— պատասխանեց գիշատիչը:

Երիտասարդը վեր բարձրացավ առանց տոմս ցույց տալու, որի համար և արժանացավ իմ նախանձին:— Ինչո՞ւ նրան առանց տոմսի կարելի է, իսկ ինձ ոչ...

Նրկրորդ դանդը սիրտս լեցնում է անձկութեամբ:

Նոր եկողների արդեն շկան: Մի՞թե ինձ չպիտի հաջողվի. ներս մտնել:

Ես հավաքում եմ քաջությունս և մոտենում եմ ստուգողին, որը կարմիր թաշկինակով այս անգամ սեփական քիթն է զիջատում:

— Տոմս չունեմ, —ասում եմ ես և շղիտեմ ինչպես շարունակել:

— Հրմ...

— Տոմս չունեմ...

— Նիշովո, գնա քնի...

— Ես շատ կուզեմ Վահան Տերյանին տեսնել...

— Հրմ...

— Տոմս չունեմ...

— Նիշովո, ներս մտի, բարձրացի բալկոն... շարություն անե՛ս ոչ, հա՛...

... Բեմի վրա կանգնած է մի երիտասարդ և խոսում է. այդ այն երիտասարդն է, որը սանդուղքների մոտ ստուգողին հարցրեց՝ «Ժողովուրդ կա՞» և առանց տոմսի վեր բարձրացավ: Ես անհամբեր սպասում եմ, — ե՞րբ կվերջացնի նա, որպեսզի հերթը Տերյանին հասնի:

Նա չի վերջացնում, իսկ Տերյանը դեռ չկա:

Իսկ նախադահը հանգիստ նստել է:

Վերջապես նա վերջացնում է:

... — Հիմա թույլ տվեք կարդալու իմ մի քանի բանաստեղծություններ...

Տերյանը, մի՞թե նույն այդ երիտասարդն է եղել Տերյանը:

Նա կարդում է իր հրաժեշտի տողերը, նուրբ, նվագուն և թախծոտ, վերջացնում է, իսկ դահլիճում ոչ մի ծպտուն և ոչ ոք չի շարժվում տեղից: Օդում թրթռում է նրա վերջին նվագը.

Բարի հիշեք ինձ ձեր սրտում,

մնաք բարո՞վ, մնաք բարո՞վ...

Վարագույրն իջնում է:

Ես դուրս եմ գալիս և սպասում եմ դռան վրա, մի անգամ էլ մոտիկից նրան տեսնելու համար: Ահա իջնում է նա՝ շրջապատված մի քանի հոգով:

Նա հոգնած դեմք ունի:

— Կարող է անձրև գալ:

Սա նրանց հետևում եմ: Նրանք մտնում են թեյարան,
իսկ ես քոնում եմ որքանոցի ճանապարհ:

Շրմփաց անձրևը:

Ջրորդաններն սկսեցին երգել, իսկ ես թրջվում եմ մինչև
ոսկորներս:

Ահա և քնած որքանոցը:

Սա շրջվում եմ պատից և աշխատում եմ որքան կարելի
է անաղմուկ ներս մտնել:

Ինձ օգնում է անձրևի աղմուկը և ամպերի գոռգոռոցը:

Սա հանում եմ բուրբ շորերս, քամում և բուրբոսվին մերկ
իաթաթվում վերմակի մեջ:

... Հիմա անձրևը դադարել է, բայց ջրորդանները համա-
շափ տակտով դեռ կաթում են:

Ցրտահա՛ր: Հողմալա՛ր:

Դողացի՛ն: Մեղմաբա՛ր:

Տերենե՛, Բըդեդի՛ն...

. . . . Իմ ուղի՛ն...

.	.	.	.	.	.	.	.	.	.	.	.
.	.	.	.	.	.	.	.	.	.	.	.
.	.	.	.	.	.	.	.	.	.	.	.

43. ՄԱՀ

... Եվ դու մի կարծի, որ ես սրանից հետո կցանկանայի
ապրել, կամ կյանքը քաղցր է ինձ համար:

Ոչ, սիրելիս:

Դու ինձ հետ շատ վատ վարվեցիր: Սա քեզ չեմ մե-
ղադրում: Քո ի՞նչ սիրելու ժամանակն էր, իսկ դու ինձ հա-
մար մաքուր և հստակ ջրի պես մի բան էիր:

Սա կարող էի գալ քեզ տեսնել, բայց չեկա: Ի՞նչ կարիք
կար: Հեռվից էլ լավ էր: Իսկ ես միշտ հարցրել եմ քո մա-
սին և գիտեմ մինչև անգամ, որ դու բանաստեղծություններ
ես գրում:

Ես հավատում էի մաքուր սիրույն: Եվ ինչո՞ւ չհավա-
տայի: Դու դիտե՞ս, Տերյանի երեկոյան ես քեզ տեսա: Ես
մի գինվորականի հետ էի, իսկ նա եղել է Վանում: Ես շա-
րունակ նրան հարցուհորձ էի անում Վանի մասին, նա
պատմում էր, իսկ ես շարունակ քեզ էի հիշում և մտածում
էի քո մասին:

Դասախոսությունից հետո նա ինձ ուղեկցեց մինչև տուն
և գնաց:

Իսկ ես որոշեցի, հաստատ որոշեցի, որ մյուս օրը գամ
և քեզ տեսնեմ:

Փակեցի դուռը և անկողին մտա:

Փորձե՞լ ես, որքան քաղցր է քունը, երբ դրսում անձրև է,
կայծակ և որոտ: Ես հուզմունքից ուղղակի շեմ ուզում քնել,
միևնույն է,— մտածում եմ ես,— որքան ուզում է գոգոռան
ամպերն, ու դիշերը սարսափելի դառնա, առափոտյան արև
կլինի, իսկ ես արևից փայլող թաց մայիկերի վրայով կգնամ,
կտեսնեմ Գուրգենին:

Ինչքան էի քնել, չգիտեմ, բայց քնել էի թեթև: Պատու-
հանք մատնահարում են: Իմ Երևան գալուց ի վեր ինձ այդ-
պիսի բան չէր պատահել:

Ո՞վ պիտի լիներ այսպես կես-գիշերով, ո՞վ ինչ է կոր-
ցրել ինձ մոտ...

— Ո՞վ է,— հարցնում եմ ես:

— Ես եմ, դուռը բաց...

Նայում եմ պատուհանից դուրս: Պատուհանի տակ կանգ-
նել է այդ գինվորականը և, ինձ տեսնելով, գինվորական
բարև է բռնում:

— Կարևոր գործով,— ասում է նա,— դուռը բաց...

— Արամ,— ասում եմ ես,— անհարմար է, կգաս առա-
փոտյան:

— Խղճի դեմ է,— ասում է նա,— թրջվել եմ մինչև ոս-
կորներս, տղերքը քեֆի են գնացել խմրապետների հետ, բա-
նալիս հետներն են տարել... Գոնե կես ժամով, շորանամ...

Խոսում է նա շարունակ բարև բռնած և մի տեսակ օրոր-
վում է, և ինձ թվում, որ դա հոգնածությունից է...

Ես նորից հիշում եմ քեզ և նրան խղճում եմ:

— Կպատմե՞ս ինձ Վանի մասին, — ասում եմ ես:

Ծրբ նա ներս մտավ, ես ղգացի խմիչքի ծանր հոտը, բռնեցի նրա դեմք և ասի.

— Խնդրում եմ, գնացեք, դուք հարբած եք...

Նա փակեց դուռը իր ձեռքով, բանալին դրեց իր գրպանը և ասաց.

— Շատ վատ եք վարձատրում զինվորականներիս: Մենք ձեզ համար արյուն ենք թափում, իսկ դուք...

— Իսկ դուք ձեր պարտքն եք համարում վարձատրել ձեզ կես-դիշերով մենակ աղջկա սենյակը մտնելով, այո՞... գնացեք, — ասում եմ ես, — ի սեր բոլոր աստվածների, գնացեք, թե չէ կգոռամ:

— Դու այդ շեւ անի, — ասում է նա և փակում է կրկնափեղկերը: — Հիմարություն, — շարունակում է նա, — հազար ու մեկ անականակներով շրջապատված, այսօր կանք, վաղը՝ ոչ, իսկ դու առնում ես շեկ մազերդ ու քնում... ո՞ւմ համար... (նա հանեց մի շիշ կոնյակ) ես օրինակի համար այնպես եմ մտածում, որ հարբեցողությունը, հարբելը պարտվող կողմի իրավունքն ու պարտականությունն է: Հադ... (նա շիշը երեք անգամ խփեց ծնկին և խցանը թռավ) հադթողներն ինչո՞ւ պիտի խմեն աշխարհական խմիչքներ, քանի որ նրանք հարբած են հադթության երկնային խմիչքով... նկատի առ... ես էլ ղգացել եմ այդ... Հասան-Կալեի մոտ... այն երկրում...

— (Նա խմեց մի բաժակ և մի շամիչ վերցրեց) ինչ է... դու կարծում ես ես բռի զինվորակա՞ն եմ... կարծում ես, ես չեմ հասկանում ինչ է կատարվում... ես կարդացել եմ... ավարտել... մերս մի աղջիկ նկատի ունե՛ր ինձ համար, իսկ ես երբ հանդիպում էի նրան, սիրտս խփում էր... հետո էսպես լրբացա... պատերազմը լրբացրեց... պատերազմը ամենքին լրբացրեց... դու էլ էս օրվանից, — ասում է նա, մի աչքը փակում ու գեշ ծիծաղում. — միևնույն է, մի օր ուշ, մի օր շուտ...

Լռություն:

— Ասա խնդրեմ. կույսդ գեղեցիկ, դու գիտե՞ս, թե ինչ բան է պատերազմը... ծաղիկներով ու պապիրոսներով եկաք մինչև կայարան և մեզ ուղարկեցիք կռվի... իսկ դու գիտե՞ս

ինչ բան է կոխվր... դու գիտե՞ս, ինչ է նշանակում մոր աչքերի առաջ որդուն սպանել, ամուսնու աչքերի առաջ կնոջը բռնաբարել հերթով, հետո կնոջ աչքերի առաջ կտրել ամուսնու նախ՝ մատները, հետո՝ քիթը, ականջները, պոկել ոտների եղունգները, ապա՝ կոկորդը ծակել... իսկ ես գիտեմ այդ ինչ է նշանակում... ինչի՞ համար այդ ամենը, ինչի՞ համար...

— Կուլից հետո և կուլի նախօրյակին, երբ խմբերով պառկում էինք հանգստանալու մեր կորուստները ստուգելուց հետո, պատահում էր, որ մի ծառ էր աչքիս ընկնում: Ես նայում էի այդ ծառին և հիշում էի տունը, մահճակալս ու գրքերս... ինձ թվում է, հենց որ հասնեմ այս ծառին, խաղաղություն կլինի, ու ես կմոռանամ պատերազմի սարսափները... Ես ծլկվում եմ դեպի ծառը, հասնում եմ նրան ու պառկում եմ նրա ստվերի տակ... հետո թրիս ծայրով փորում եմ անունս նրա բնի վրա, նայում եմ իմ անվան, և այդ անունը դարձանալի օտար է թվում ինձ: Հետո ես ծխել եմ ուղում... ախ, սատանա, իմ ծխատուփս երկու ժամ առաջ մնաց Սաքոյի մոտ, իսկ նրա դիակը մենք մի ժամ առաջ թողինք խրամատներում, նահանջելիս...

... Խորին գիշեր է: Իմ սիրելի Գուրգեն, ղգում եմ, որ այլևս չեմ տեսնի քեզ, բայց դեռ ուժ ունեմ նամակս շարունակելու: Ես նայում էի այդ ղինվորականի տանջված դեմքին, իմ վախը փարատվել էր և տիրել էր ինձ մի անծայրածիր խղճահարուժյուն:

— Ոչինչ, — ասում եմ ես, — դու հիմա կհանգստանաս...

— Հանգստանա՞լ... խըխըխիս, — ծիծաղեց նա հիվանդ և խեղդվող ծիծաղով, — հանգստանալ, ինչպես չէ... չէ, սիրելիս, իմն անցավ... կլինեն էլի նոր և լավ օրեր, բայց դա ինձ և ինձ նմանների համար չէ... մենք տրորվեցինք, իսկ ինչո՞վ մեղավոր ենք մենք, ինչո՞վ... դու էլ չես դիմանա, ախր ինչո՞ւ մենք իրար հանդիպեցինք... ինչպես դու կարողացար ինձ ճանաչել... չէ՞ որ ես այժմ կենդանի դիակ եմ... դու հիշո՞ւմ ես, որքա՞ն ենք խաղացել մենք, որքան միասին վազվղել... իսկ ինչո՞ւ ես պիտի քայքայվեմ ու կորչեմ, իսկ դու սիրային նամակներ ստանաս ու մի օր էլ փաթաթվես մեկի վզով և ասես. ես քեզ սիրում եմ, — ինչո՞ւ...

Նա նորից իրար վրա դատարկեց երկու քաժակ. նրա դիմադծերն արդեն ծռմովել էին և աչքերն արնակալել:

— Դու վերջինը կլինես... Եղնիվ խոսք հմ տալիս... հավատա դինվորականի անկեղծության, ասրելու սիրտ էլ չի մնացել, կդնեմ հակատիս և վերջ... մի վախենա, մի քիչ առաջին շաբաթներն են դժվար, հետո կվարժվես, հետո կցանկանաս մեռնել... իսկ քեզ, ի միջի այլոց, պետք է որ հայտնի լինի, որ բոլորն են մեռնում...

— Մի ժամանակ եղել է մի լավ խոսք. — «կարելի է խելագարվել», — ասել են մարդիկ, գիտես ինչ, լավ ժամանակներ են եղել... հիմա չի կարելի ասել, անիմաստ է այդ խոսքը, որովհետև եթե մարդիկ խելագարվեին, ոչինչ չէր փոխվի: մարդիկ հիմա խելագար են, իսկ եթե խելագարը խելագարվի, դա միևնույն է, թե ավագակը գող դառնա, կամ ապուշը՝ հիմար... դու ձանձրանո՞ւմ ես, երևակայիր, այդ ինձ համար միևնույն է, որովհետև պատերազմից հետո ոչ ոք իմ քեֆը չի հարցրել...

— Դու արտասովո՞ւմ ես, քնքուշ հայուհի... նախանձում եմ... ինչի՞ համար մեզ ճակատ ուղարկելիս մեր սիրտն ու զգացմունքները չպահեցիք թիկունքում, ինչո՞ւ թողիք, որ տանենք մեր սիրտը ու դարձնենք այն հաշմ ու այլանդակ: Ես հարցնում եմ բոլոր պետերին, հրամանատարներին, թագավորին ու աստծուն, մինիստրներին և հայրենիքի մասին թուղթ մրողներին, ո՞ւր է մեր սիրտը, ո՞ւր են մեր իդեալները, հանուն ո՞ր պայծառ օրվա մենք տվինք բոլոր մեր ունեցածը...

— Կենացդ, քնքուշ հայուհի, կենացդ...

— Դու հանդիպե՞լ ես խելագարված զինվորականների: Նրանք շատ են, պետք է որ դու հանդիպած լինես: Քայլում են նրանք փողոցում, բուխ և հիմար, գնում են ինչ-որ մշուշի միջից և հանկարծ քարի նման գլորվում են գետին: Նրանց դեմքը կապտում է, աչքերն արնակալում, և փրփուրը եռում է շրթունքների վրա: Հետո նրանք կատաղի տակտով գետինը ծեծում են ոտներով և պատերազմական հրահանգներ են տալիս:

— Գրո՛հ... կրա՛կ... մա՛ա՛ա՛ր222...

Նրանք ավելի երջանիկ են, քան ես:

Նու, ես հոգնեցի, քեզ էլ հոգնեցրի, քնքուշ ներսերդ պրճ-
գրռեցի: Վարձատրիր տառապած դինվորականին այնպե՞ս,
ինչպես կանայք առհասարակ վարձատրում են... մի տար-
տափի, կյանքն ավելի սարսափելի է, քան ինձ հետ պիշերե-
լը... մարշ...

.
.

Իմ սիրելի Գուրգեն:

Մի քանի օր հետո ես լսեցի, որ այդ դինվորականը՝ իմ
մանկության բնկերը, ինքնասպանութուն է գործել: Կրակել
է բերանից և կարողացել է կրակել երկու անգամ: Իսկ ինձ
հետ կատարվեց ավելի սարսափելին:

...Ես զրկվել էի միաժամանակ երկու բանից...

Զուղեցի ապրել և մահանալ այլանդակված կամ տրամա-
դրել ինձ այս վայրիվերո ժամանակների անվստահելի բուժ-
ման: Դրա համար էլ, իմ սիրելի Գուրգեն, ես ընդունեցի այն-
քան թույն, որը բավական պիտի լիներ ինձ վայրկենաբար
մահացնելու համար... Բայց ես չմահացա: Ինձ տեղափոխե-
ցին քաղաքային հիվանդանոց և շփտեմ ինչու նպատակա-
հարմար գտան, որ այստեղ մեռնեմ...

Իսկ ես կմեռնեմ:

Իմ սիրելի Գուրգեն. նզովիր պատերազմն ու նրա հեղի-
նականերին և թող իմ անունը քեզ համար լինի ծակծկված մի
դրոշակ, մի նոր լավագույն կյանքի համար:

Այդ լավագույն կյանքը պիտի դա թե ոչ, ես չգիտեմ,
բայց եթե դա, պիտի դա առանց պետերի և հրամանատար-
ների, թագավորի և աստծու, առանց մինիստրի և հայրենիքի
ու պատերազմի մասին թուղթ մրոսողների:

Բարով բացվի քեզ համար, իմ սիրելի Գուրգեն, այդ լավ
առավոտը, իսկ իմ գիշերը արդեն մոտ է...

Մնաս բարով:

Քո դժբախտ Նազիկ:

.
.

44. ՀԱՎԱՔՈՒՅԹ ՀՈՐԱՔՐՈՋՍ ՏԱՆԸ

Հորաքրոջս տղայի՝ Միհրդատի տոնախմբությունն է:
Օննիկի հետ հրաման ենք առնում և գնում ենք տատենց
տուն:

Իհու շուտ է, հյուրերը շեն եկել:

Տատան՝ իմ հորաքույրը, ծխում է և սենյակի երկայնքով
չրջում է աշխույժ և կորաքամակ:

— Տառնիւր դրեք կրակին, — ասում է նա, — իշխան
էկա՞ւ...

— Գնացեր են, բերեն...

Իշխա՛ն, — լսում եմ ես, — Իշխա՞ն, — մատածում եմ, —
Իշխան, Իշխա՛ն, ես սխալ չսեցի, ուրեմն ես նորից պիտի
տեսնեմ Իշխանին, նա սրիտի գա, գնացել են, որ բերեն,
ինչո՞ւ է գալիս Իշխանը, ինչ գործ ունի այստեղ:

Բայց չէ՞ որ Իշխանին սպանեցին, պարզ է, որ ուրիշ Իշ-
խան բերելու են. — էլի ոչինչ, միայն թե բերեն:

Միայն թե բերեն:

Գալիս են հյուրերը. ահա Կանդոյենց Հակոբը. նա
բոլոր խնջույքների զարդն է, ուրախ, միշտ սրախոս, միշտ
ժպտուն, մոտ հիսուն տարեկան և ամուրի: Ներս մտնելով,
նա բացականչում է.

— Յալլահ, յալլահ... ջանքով, տոնն ինչի՞ փակօթյա տ-
րիք, փաղօթյա անինք, Վարադ էրթինք, յա թե չէ Կարմրա-
վոր...

— Այստեղ հրամմեք, Հակոբ աղա, այստեղ...

— Յալլահ, յալլահ...

Ահա Միրախորենց Մարտիրոս աղան. նա գալիս է կա-
պույտ աչքերի մեջ խաղաղ մի ժպիտ խաղացնելով, կարծես
թախծոտ ուրախությամբ: Վանլի խորենն ահա խռանի խա-
չիկի հետ, վանեցի մտավորական, երիտասարդ ուսուցիչ
Հրանտ Բագրատունին իր կնոջ հետ, որի հղիությունը չի լինի
չնկատել, ապա դանադան խաթուններ, դուդուններ, նանաներ,
պսակադերձ հանքմեններ...

Եվ շնացած որ փոխվել են դիրքերն ու հարաբերություն-
ները, տնտեսական հիմնաշենները ու բարոյական դանդա-

կատները, այնուամենայնիւ, չեն փոխվել հին տիտղոսներն ու վայելչանքը:

— Խուբեն էֆենդի, այստեղ հրամմեք...

— Անուշ էլավ, լեռն աղա...

— Պարոն Հրանտ, նեղսրտած կերեիք...

Վերունիկն ու Միհրդատը ներս ու դուրս են անում և անօրինում. անում են զանազան կարգադրություններ, տատան ծխում է, բնդհատ-բնդհատ հառաչում և նայում է պատից կախված մեծ որդու նկարին: Մեծ որդու նկարի մոտ կախված է իր վախճանված ամուսնու՝ Մանուկ աղայի նկարը: Մանուկ աղան այդ նկարը Պոլսից ուղարկեց այն ժամանակ, երբ ամուսնանալուց 2 տարի հետո զարհրություն գնաց: Նստել է Մանուկ աղան ֆեսով, բեղերը սրած, ոտքը նետած ոտքի վրա, եռոտանի կլոր սեղանի առաջ, որի վրա դրված է մի ծաղկաման: Մանուկ աղան նայում է ծաղկին և ծաղկամանին, իսկ նկարի տակ գրված է.

«Մաղսու մեջ հայրենիքից տարված հողն է, ուր ցանեցի հայրենի կադաֆիլ ծաղիկ.— հոտն ի քթիս, ցավն ի սրտիս, որով մնամ հարգանք՝ Մանուկ Բրուսյան»:

Կոշկակար Արշակը տաքացել է: Նա խմում է օղի հերթից դուրս, նա արդեն վերլուծեց ապրիլյան կռիվները, անցավ գաղթին, Արամ փաշայի հասցեին, առանց կանանց ներկայությունը հաշվի առնելու, մի երկու հիմնավոր հայհոյանք ուղարկեց և անցավ «թաշնակցության»: Մի քանի նրբանկատ արմենականներ աշխատեցին շեղել Արշակին «բուն նյութից», հաշվի առնելով դաշնակցական Հրանտ Բագրատունու և Միհրան Վուլունիկյանի ներկայությունը, որոնք սկսել էին անբավականության նշաններ ցույց տալ:

— Նյութ փոխի, ջանքմ, նյութ փոխի, էլածն էլած ի...

— Արշակ, անխամութեն պետք չի...

— Թուլումբաջոնց տղի փոթիներաց մասալեն արա...

Արշակը մի օղի է պարպում.

— էդ տնավերի տղեն էկավ մոտս...

Ու նա պատմում է մի էպիզոդ իր արհեստավորի հիշողություններից, որը թեև նվաղ ծիծաղելի է, բայց բոլորն էլ

վարձատրում են նրան, խանդավառ ծիծաղելով նրա համար, որ նա դադարեց «փափուկ խնդրի» շուրջը խոսելուց։

Սեղանները կենդանանում են, կենացները՝ մասնավորվում։

— Իմաստուն մարդ շատ եմ տեսն... համա Սմսար աղեն ուրիշ մարդ էր... շատ բան չեմ ասի. խմենք Սմսար աղին իմաստուն բեղ-մորուսի հիշատակին... Տղա, Սիմոն քո կենացն ի...

Սմսար աղայի տղան՝ Սիմոնը, շգիտի, վիրավորվի՞, թե իրեն գոհ զգա։ Մի՞թե նա իր հոր՝ Սմսար աղայի բեղի և մորուքի բուսական արժեքն ունի միայն... Բողոքի՞ կենացի դեմ, — դա կնշանակեր դուրս գալ հայրենական և պապենական հիշատակների դեմ... Նա բարձրացնում է բաժակը և՝

— է-վալլա, է-վալլա...

Հակոբ աղան սկսում է քթի տակ թուրքերեն մի երգ մումռալ։ Նա պարզապես ուղում է հիշեցնել, որ ցանկություն ունի երգելու։

— Հակոբ աղա, չալլա՛հ, Հակոբ աղա, թալ վերին փաշ-դեն...

Հակոբ աղան երկրորդ հրավերի չի սպասում. նա ձայնը բարձրացնում է, զգացվում և գլխացնում.

«Նե շարե քաղլը դա,
Լեխ վարմիշ աչրլումաք...»

— Ձայնդ անսպա՞ռ, ձայնդ անսպա՞ռ, Հակոբ աղա... Մինչ այս, մինչ այն, սեղանը պատրաստվում է։

— Իշխան պիրին, Սաթեն տատա, — ասում է Վերունիկը, ես դիմում եմ Վերունին։

— Իշխան դո՞ր ի...

— Կուխնին, — ասում է Վերունը, առանց ուշադրություն դարձնելու իմ զարմանքի վրա։

Վարդանի հետ վազում ենք խոհանոց։

Դեռ խոհանոց չհասած, լսում ենք Սաթեն տատի բարձրաձայն կարգադրությունը.

— Իշխան կտրտեք, իշխան կտրտեք...

Մենք վարանոտ սարսափով մտնում ենք խոհանոց։

Այնտեղ պարզապէս ձուկ են կտրտում:

Ընթրիքը եռում է:

Բաժակաճառերը հաջորդում են միմյանց: Տանտիրոջ տեղացի տղան «ուխած» է անում իր կողքին նստած Վանուհուն.

— Ձեր անունն ի՞նչ է...

— Վաղքանուշ,— ասում է աղջիկը՝ վանեցիական ճշարող կոկետութեամբ:

— Ի՞նչ վանեցի եք,— խորիմաստ տոնով ասում է տղան:

— Ինչեն գիտեք...

— Ձեր բարբառը վանեցիական է...

— Ընթակառակ, մենք մեր փառփառ վաղո՛ւց փոխեր ենք...

— Որոշ շափով ճիշտ է,— ասում է տղան:

— Ճիշտ է և իսկապէս,— «քրափառ»-ում է աղջիկը:

Բարձրանում է տեղից Հրանտ Բազրատունին:

— Հայրենակիցներ,— սկսում է նա, և ավարտում է խորին լռութեամբ:

— Հայրենակիցներ, մեր հայրենի խլչակները, տարագիր և տատանդական իրենց շունչը առան Իգդիրի, Էջմիածնի և Երևանի պատերի տակ...

Կանայք լարիս են, իսկ տղամարդիկ օրորում են գլուխները: Միայն կոշկակար Արշակը չի բաժանում մոմենտի վեհութիւնն ու ճառի աղգեցութիւնը: Նա մի ոչնչացնող և արհամարհական հայացքով նայում է հռետորին և դգացվելու միտմամբ ցանկութեամբ անգամ չի ցույց տալիս:

— Եվ արդարեւ,— շարունակում է հռետորը և անցնում է «փառապանծ նահատակների» խնդրին: Հռետորն իր ճառը մասնավորում է «նոր սերնդի» մասին, «անոնք, որ պիտի գան»: Մեծ տպավորութիւն են թողնում «Մասիսեն ասդին և Մասիսեն անդին» խոսքերը: Վերջ:

Բաժակները դատարկվում են խորին լռութեամբ մեջ: Բազրատունու կինը խորին հիացմունքով նայում է, նայում է իր ամուսնուն և մի տանձ է կտրում:

— Մարդդ քանի՞ լեզու գիտի, նոյեմբիկ հանրմ,— շշուկով հարցնում է նրան Մարանոս խաթունը:

— Հինգ գիտի, տասն էլ վերեն,— հանպատրաստից պատասխանում է նոյեմբիկ հանրմը:

Սկսում են պարերը:

— Վազքանուշ, մի հատ «ֆոռկա» խաղա...

— Ծա խաղալ չեմ գիտե, —ասում է Վազգանուշը այնպիսի տոնով, որը մոտավորապես նշանակում է՝ մի անցում էլ առեք, կպարեմ:

Խնդիրը երկրորդվում է:

— Մի՛ տրորվե... էլի խաղա...

Վազգանուշը շարժվում է տեղից, թաշկինակը բռնում է ձեռքին, պատրաստակամ կանգնում:

Սկսում է «ֆոռկա»-ն: Սա մի մոնոտոն պար է, որը կայանում է մանր քայլերով ետ-առաջ գնալ գալու մեջ...

— Աղջիկ չի, կաբալ ի, կաբալ...

«Ֆոռկա՛, ֆոռկա՛ մա՛ղո՛ւրկա՛,
էսօր մեր տո՛ւն խա՛րսնի՛ս կա՛,
Խա՛րսնի՛ս կա՛նե՛մ տե՛ղ շք՛կա՛,
Կ՛ոյս՛ա փե՛սի՛ն բեղ շկա՛...»:

Սկսվում է կլոր պարը: Արշակը կանգնում է «դյոնդ-բաշի»: Նա մի-մի տող երգում է, իսկ մյուսները կրկնում են.

«Նուկե Տիգրան ափալ-թափալ,
խաւիման-ջաւիման,
Դնաջ խառավ Խաչի փոխան,
խաւամիր-ջաւամիր...»:

Դերձակ Սենոն, որը սովորություն չունի սեփական ծխախոտ պահելու, դառնում է Արշակին, որը քրտինք սրբելով է դրադված.

— Տղա Արշակ...

— Ի՞նչ ի...

— Լա՞վ ես...

— Լա՞վ...

— Լավ-լա՞վ ես...

— Լա՞վ...

Այս բռնադրոսիկ նախաբանից հետո Սենոն ուղում է անցնել բուն խնդրին, այսինքն՝ ուղում է ասել.

— Ընթերցողներ, տա՛ս...

Բայց այդ բույսին Արշակի ուշադրությունը գրավում է լեռն աղան, որը լալիս է, ատամներն է կրճտացնում և միևնույն ժամանակ օղիով «հանգստացնում է» իրեն...

— Ի՞նչ ի էլի, լեռն աղա, ի՞նչ կա...

Հարցնում է Արշակը և մշուշված ուղեղով հիշում է...

.

Ահա լեռներ՝ Համբարձում աղայի տղան, ձի հեծնող, Շահրազու գինին խմող, ընկերոջ համար հոգի տվող, շեղոք-հնչակյան, ֆեսր միշտ ականջի վրա, ուրախ, զվարթ, քորդոնով և քռավաթով, նախշուն լեզվով լեռներ, որի համար վանեցի և՛ մայրերը, և՛ աղջիկները հավասար տնձկությամբ «ախ» էին անում, լեռներ, երիտասարդ լեռներ, որին արդեն սկսել էին պարոն լեռն կանչել...

96 թվականի դեպքերին լեռնի հայրը, մայրը և եղբայրը դո՛հ են գնում հայ-թուրքական կռիվներին, այրում են նրանց տունը ունեցած-չունեցածով, իսկ լեռներ փախստական է դառնում: Կոտորածից հետո լեռներ իրեն տալիս է հարբեցողության, շրջում է անտուն, իսկ գիշերները անց է կացնում կաղինոներում, ուր և գիշերում է: Լեռներ ձեռք է քաշում կյանքից, լեռներ ծերանում է օր-օրին և «պարոն լեռն»-ից վերածվում է «Դալի Դուման լեռն»-ի:

Բայց ահա լեռնին շրջապատում են նրա նախնիին ընկերները, վերցնում են իրենց հովանավորության տակ և գրավում են նրան հասարակական ձեռնարկությունների մեջ: Այնտեղ, ուր մի կարևոր գործ, վտանգավոր ձեռնարկություն, հատուկ հանձնարարություն, այնտեղ է լեռներ: «Դալի Դուման լեռն»-ը դառնում է «Քաշախ լեռն»: Գիշերները ձի է նստում, անցնում է գյուղից գյուղ, կատարում է, ինչ հրամայում են, և ամեն տեղ ասում.

— Ես իմ ձեռներով Սիփանա ու Մասիս սարի վերին բայրաղ սլիտի տնկեմ, ազատության բայրաղ, նոր մեռնեմ:

Սեր է հիմա լեռն աղան, 60-ի մոտ, տեսնես ինչու է լա-

լիս, մի շուն ունի միայն նա, անունը Համիդ է դրել, նա էլ կաղկանձում է բակում:

— Լևոն աղա, ինչի՞ կուլաս...

— Հեշ, բալամ, տառելիսի հո՛տն առի, սիրտս պլալ...

— Զանբմ, էլածն էլած ի՞... մի թութունդ տո՛ւր...

Դերձակ Սենոն էր:

Հավաքույթը մոտենում է իր վախճանին:

Տղամարդիկ գրեթե հարրած են, կանայք բավարարված. վերջինները լրիվ ինֆորմացիա տվին փոխադարձաբար իրար ապրուստի և կապուստի մասին: Հյուրերն սկսում են ցրվել:

Դռների մոտ երևանցի տղան վաղգանուշին ասում է.

— Դասվիդանիյե...

— Քո ասած թող էլնի...

Լուսինը դուրս է եկել նորքի բարդիների հետևից: Խաղաղ, երևանյան լիասիրտ գիշեր: Լևոն աչտն հենվել է Սենոնին և մատը պարզել է դեպի լուսինը:

— Սա որ կասեմ, շեն հավատա... երկինք, գետին, վանա լուսնակ ճո՛ղ էր, ճո՛ղ... էս ի՞նչ լուսնակ ի... պստի՛կ, քաշալ...

— Թող սաղութին էլնի, Լևոն աղա, թող լուսնակ քիշմ պստիկ էլնի՞... թութունդ տո՛ւր...

45. ՏԻԿԻՆ, ԹՈՒՅԼ ՏՎԵՔ...

Թափանցիկ իրիկունը իջնում է Բերության փողոցի և մեր որբանոցի վրա: Սա կանգնել եմ պատշգամբի վրա և նայում եմ հեռու Որբերից շատերը խաղում են որբանոցի բակում, ուրիշները վիճում են օդի ճնշման մասին, Մնացականը, թվաբանության գիրքը ձեռքին, ննջարան է մտնում:

— Տիկին, թույլ տվեք ինձ Թիֆլիս գնալ:

— Ինչո՞ւ, Գուրգեն...

— Մորս մոտ:

— Խառը ժամանակ է...

— Լինի:

— Դժվարություններ...

— Լինի:

46. ՎԵՐՋԻՆ ԵՐԵԿՈՆ

Վաղը մեկնելու եմ, իսկ այսօր որբանոցային երեկույթ է:

Մեծ ննջարանի մահճակալները դուրս են հանված, թախտերից սարքված է բեմ, աղեյալներից և սպիտակ սալաններից՝ վարագույրներ, բոլորն իրար են խառնվել, կանչում են, հրամայում, կարգավորում, կարգադրում:

Ժամր 8-ին գալիս են հյուրերը՝ որբեր մյուս որբանոցներից, տղաներ և աղջիկներ, գալիս են և կարմիր վերարկուներն առանձին շուքով, տեղ են բռնում առաջին շարքում և սկսում են քչփչալ:

Բացվում է վարագույրը, բեմի վրա կանգնել է «քառաձայն» երգչախումբ. քառաձայն այն շափով, ինչ շափով որ հնարավոր է հալեին առաջին ձայն համարել, իսկ Գևորգին՝ բաս:

Երեկույթը բացվում է «Մեր հայրենիք»-ով:

Հետո հանդես է գալիս Համդոն: Նա բեմով, դահլիճով, որբանոցով և աշխարհով մեկ ճշում է:

«Ափ մը մոխիր, հայրենի տուն,
Որտիս վրա ցանկելու...»

Որբան նա բարձր է ճշում, այնքան նրա արտասանությանը համարվում է հաջող և սրտառուչ:

Հետո Պտոտը գալիս է առաջ, երկրորդ արտասանությանը:

Օտաւ երկինք (նա մատներով, հնար եղածին չափ ցույց է տալիս պատուհանից դուրս, երկինքը):

Օտա՛ւ արեւ (այստեղ նա մի բոպե շփոթվում է, ի՞նչը ցույց տալ արեւի փոխարեն, նա ճարահատյալ մատը տնկում է դեպի առաստաղը և ցույց է տալիս էլեկտրական լամպը):

Որ շողում եմ գլխիս վերեւ (սա հեշտ է, նա ցուցամատը դնում է ուղիղ գլխի վրա):

Զորրորդ համարը դուետ է. երգում են երկու հոգով, նախ՝ առանձին-առանձին, հետո՝ միասին:

Զով գիշեր էր,
Պարզ գիշեր էր,

Կփայլեին շատ աստղեր,
Գիշեր գով էր,
Գիշեր մեղմ էր,
Կփնարեի դույզ աչեր...

Հետո գալիս է «Չորս եղանակները»:

Կանգնում են չորս հոգի բեմի վրա, — Գարուն, Ամառ, Աշուն, Ձմեռ, — և նրանցից ամեն մեկն իր բարեմասնություններն է վեր հանում. Գարունը՝ իր ծաղիկները, Ամառը՝ իր մրգերը, Աշունը՝ իր շտեմարաններն ու ամբարները, իսկ Ձմեռը՝ իր հանգիստն ու վայելքները:

Ամենագծվար համարներից մեկը պատկեր-արտասանություն «Ուխտագնացություն»-ն էր:

Մեկքոնը փորսող տալով մտնում է բեմի թախտերի տակ, բեմի վրա դնում են մի կոճղ, Հայերը նստում է նրա վրա, գլուխը ձեռների մեջ, և բացվում է վարագույրը:

Ոտքի է կանգնում Հայերը, մաղերը գդգդում է, բաց է տնում բլուզի և շապիկի օձիքներն ու սկսում է տնայնագործական տրագիզիա:

«Սև մոռացության ամոթի ճակտիս. անհագ վրեժի դայրույթը կրծքիս, սար ու ձոր անցած ուխտի եմ եկել... (նա ձայնը չգիտես ինչու հանկարծ բարձրացնում է) և մեկիկ-մեկիկ ես կհամբուրեմ սուրը շիրիմները նահատակների...»:

Նրկար նա նկարագրում է իր վիշտն ու նահատակների հերոսական մահը, կոչ է անում նրանց՝ թաղված նահատակներին, խոսել, արտահայտվել և վերջապես հասնում է իր նպատակին. Մեկքոնը թախտի տակից սկսում է խուլ ձայնով խոսել, իսկ Հայերը, լուռ լսում է՝ կանոնավոր ճշտապահությամբ երկու րոպեն մի անգամ ցնցվելով:

«Լո՛ւռ կաց, ուխտավոր, լո՛ւռ, մի՛ խռովի տխուր հանգիստը իմ ոսկորներին...»:

.
.
.

Վերջին երեկոն:

Երեկույթը վերջացավ, դնացին բոլորը, ես Սիրարփունն ասի, որ Թիֆլիս եմ գնալու, իսկ նա հարցրեց.

— Թիֆլիսում հայե՞րն են շատ, թե՞ ոտաները...

Նվ ուրիշ ոչինչ, ես կարող եմ գնալ և կարող եմ մնալ, այդ նրա համար միևնույն է...

Վերջին երեկոն...

47. ԱՆՎԵՐՆԱԳԻՐ

Տարիներ են անցել:

Հոսում է կյանքը, այսօր էլ մանուկներ կան, միլիոնավոր մանուկներ, պատանիներ են հասնում այսօր էլ ու երիտասարդ զույգեր որոնում են մեկմեկու՝ նոր մանուկներ հասցնելու համար:

Հոսում է կյանքը, և անկրկնելի է նրանցից ամեն մեկը...

...Երբ ինձ առաջնորդեցին մորս մոտ, ես մտածում էի այն մասին, թե կը ճանաչե՞նք մենք իրար:

Քուռ գետի ափին, քաղաքների միության հիվանդանոցի պատշգամբում, դեպի ինձ է վազում փոքրիկ մի կին:

Այդ փոքրիկ կինը մայրս է:

Ամաչկոտ կերպով սենյակի դռան ճեղքից երևում են երկու մանկական գլուխներ: Նրանք ժպտում են:

Սուրենն է և Խորենը:

Մայրս կապել է ծաղկազարդ մի գոգնոց. այդ գոգնոցը ծանոթ է ինձ:

Ես նրան հարցնում եմ:

— Վանից պիրաժն ի... մի՞տդ ի...

Միտս է, մայրիկ, ահա ես նայում եմ այդ գոգնոցի ծաղիկներին և բարակ մի հով շոյում է դեմքս:

Ի՞նչ է, Վարագո՞ւմն եմ ես:

Ահա երկնքի և ծովի կապույտը, ահա Այգեառանի կանաչը, ահա արևի դեղինն ու վերջալույսների և արշալույսների վիթխարի կարմիրը:

Այդ գոգնոցը:

Ես նրան տեսնում եմ տատիս ձեռքին. նա փռում է արևի տակ այդ գոգնոցը և տխրում է:

Տեսնես ինչո՞ւ տխրեց նա...

Այդ գոգնոցը:

Ահա փշում է զարհուրելի մի հողմ. ես այդ գոգնոցը տեսա նաև գաղթի ճանապարհին, երբ տատա...

— Հավ պահիր այդ գոգնոցը, մա'... մի' գործածի:

— Ըռովելն ի՞նչ արիր,— հարցնում է խորենը:

— Տվի հացով:

— «Մեղրագե՞տ»...

— Թողի ճանապարհին:

Բոլո՞ր մեղրագետները, խորեն, մնացին ճանապարհին:

— Մեծացիր ես,— ասում է մայրս ուրախ-ուրախ:

— Այո, մայրիկ, վերջացավ պատանեկությունը,— պատասխանում եմ ես և տխրում եմ:

Պատշգամբի տակից հոսում է գետը ու պատմում է կարծես հեռացած օրերի, մարած հուրերի մասին, դեմքերի մասին օտար և հարազատ, դեպքերի մասին ուրախ ու տխուր, ծաղիկների մասին և թախիծների, արտերի մասին և արտույտների, հասած և հասնող մրգերի մասին, երգերի մասին, երկրի՞ մասին:

— Այո՞, մայրիկ, պատանեկությունը վերջացավ: